

8.42. C. 9²

~~Imperialis~~
IVRISCONSVL:
COMMENTARIVS
I N

*Duos Digestorum tractatus obscurissimos:
Quib. non est permiff. fac. test.*

¶

De Liberis ¶ Postum.

EX SCHOLIS VALENTINIS.

ET MORI, NON

D
V
R
A
R
E



P
E
R
I
R
E.

LVGDVNI,

APVD CLAVDIVM SENNETONIVM.

1 5 6 5.



tinæ Rector, & professor, adole-
scentibus iuris studiosis

S. D.



*Q*UOD est in veteri prouerbio (*Adolescentes studiosi*) In-
fortunium nunquam solum euenire mortalibus: id nos in
academia nostra Valentina nuper experti sumus. Nam
vixdum fere funesto nostro ciuili bello defuncti eramus,
cū ecce tibi pestilentia tanta toto Delphinatu nostro exorta est, vt
non modò scholam nostram, sed prope etiam ciuitatem omnem absor-
buerit. Veruntamen, est Deo gratia. quod enim nobis in infortunio, idē
contrā in prosperitate vsuuenit: vt ea nobis conduplicaretur. Postea-
quam enim ~~Magister~~ ~~Magister~~ Iurisconsultum clarissimum Aca-
demia nostræ instauratorem nacti sumus, tum singulari Regis nostri
benignitate nuper factum est, vt eiusdem academiae dos altero tanto
amplificaretur: sublato Gratianopolitano impedimento, & illius scho-
la auctoramento nobis per sanctioris Senatus Regij decretum attribu-
to. Itaque magna iam nos spes tenet fore, vt collegis aliquot in societa-
tem nostram ascitis, breui Academia nostra cum ijs qua celeberrime
putantur, aquari possit; omnibus certatim in hoc studium incumben-
tibus. ac praesertim eodem Doctore ~~Magistro~~ cuius dictata scholasti-
ca quia cuiusmodi sint in vulgus notū esse, permagni interest: paucula
hac illius in duos obscurissimos Pandectarum tractatus diuulganda
curauimus. vt & quod nos biennio antè de ipso vobis polliciti eramus,
cumulatè ab eo praestitum cognoscatis: & quid in posterum ab ipsius
industria expectandum sit, existimare possitis. Valete adolescentes
studiosi, & viri doctissimi laboribus, dum vobis facultas est, fruimini.
Valentia XV. kal. Septemb. 1565.

IVRISCONS. COMMENTA-
RIVS IN TIT. PANDECTARVM

Qui testamenta facere possunt,
& quemadmodum testa-
menta fiant.

Lex I.

MODESTINVS *Libro secundo Pandectarum.*

TESTAMENTVM est voluntatis nostrae iusta
sententia de eo quod quis post mortem suam fieri
velit.

COMMENTARIUS.



VSTA SENTENTIA.

Α' π' ο' δ' ξ' ι' υ' homo Græcus di-
cere voluit. melius Enun-
ciationem dixisset: multo
melius Testationem: vt Vl-
pianus cap. Instit. xx, Testa-
mentum est iusta contesta-
tio. Testamentum enim ex potiore sui parte de-
finitur, censetur, ac denominatur. potiore a-
utem partem esse non decretum, seu dispositio-
nem testatoris: sed ipsam testium contestatio-
nem à testatore factam vel ex eo patet, quod Vl-

a 2 pianus

pianus scribit in l. fideicommissa, 17, §. 1, D. de leg. 3. quodammodo testator: secretum suum perscripserit, etiam si non per se, sed per alium dixerit: scripturam hanc ne pro codicillis quidem valere. Iuxta autem, triplici ratione dicitur: Primum respectu testatoris, deinde institutionis heredum, postremo ritus & observationis quæ in faciendis testamentis præscripta est. In persona testatoris hoc exquiratur, ut paterfamilias sit: propter legis verba, PATERFAM. VTI LEGASSIT &c. non tantum, verum etiam, ut se patremfamilias exploratum habeat, neque de statu suo dubitet. l. 14, & l. 15, infra eod. In institutione autem primum ut plene atque integre mentem ac voluntatem suam enuntiarit. Iuxta enim quæ suis numeris constant plerumque appellamus. Itaque si cum plures nuncupare heredes vellet, unius heredis nomine pronuntiato obmutuisset, non testamentum fecisset, sed potius facere cepisset, intelligitur. l. si is qui, 15, infra eod. De ritibus autem plena sunt omnia: ut septem testes adhiberentur, omnes ciues Romani, omnes puberes: item ut adhiberentur rogati, assidueque ad finem usque superessent. Item ut vno contextu actionis omnia perficiantur, & testes eodem in vestigio subscribant atque obsignent: ut certis & sollemnibus verbis conciperentur, quæ Directa vocabantur. l. quoniam, 15, C. de testam. l. directas, C. de testam. manu. Hinc illud Quintiliani lib. III, cap. VI: Esse aliquid natura æquum, sed prohibitum

tum iure: vt libertas testamentorum.

De eo quod. Sic Vlpianus: Id sollemniter facta, vt post mortem nostra valeat. Potuit accuratius differentia notari. nam hæc omnia & in codicillos, & in mortis causa donationes, transferri possunt: in quibus testatio iusta interponitur. l. vlt. C. de Cod. l. vlt. C. de mort. caus. don. Fiunt autem vt post mortem denique nostram valeant. Potuit igitur hæc communitas ita remoueri, DE VNIVERSO iure nostro post mortem nostram in alterum trāsferendo. Nam in illis, de parte bonorum testatio fit: in hoc, de iure vniuerso. Fideicommissarii autem Codicilli prorsus exleges sunt. Potest tamen pro hac definitione pugnari: si quia verba DE EO infinita sunt, ea dicamus pro vniuersalibus valere. Vt autem quantum inter testamentum & ceteras vltimarum voluntatum species intersit, planius intelligatur, eas omnes hoc loco enumerabimus. Tredecim enim obseruauimus. Prima est: Testamentum scriptum, quod septē testium rogatorum subscriptione & obsignatione vno contextu facta constat. Secunda, Testamentum nūcupatum, quod totidem testium rogatorum sola contestatione & testatoris pronuntiatione confirmatur. Tertia, Testamentum militare, quod duorum testium præsentia cōtentum est. Quarta testamentum rusticanum, quod quinque testibus constat. l. vlt. C. de testam. Quinta, libellus Principi pro tribunali cum consilio se-

6
denti oblatum. l. omnium, 19, C. de testam. Sexta, Professio apud acta iudicis aut municipum. d. l. omnium. Septima, Codicilli, qui scripto quinque testium etiam non rogatorum, presentia confirmato valent. l. ult. C. de codicil. Octava, Dispositio inter liberos, quæ quinque similiter testibus contenta est. l. hac consultissima, 21, §. ex imperfecto, & §. ult. C. de testam. Nona, Donatio causa mortis, quæ in legatorum & ultimarum voluntatum ordinem relata, totidem testibus comprobatur. l. ult. C. de mort. caus. don. Decima, Epistola in mortis tempus obsignata, cum quis sua manu in charta scripsit, se aliquid alicui donare: quam chartam non nisi post mortem suam aperiri vult. l. miles ad sororem, 75, l. cum pater, 77, §. donationis, D. de legat. secundo. Cuius tamen rei quinque testes esse oportere, vel ex eo intelligitur, quod in d. l. ult. C. de codicil. statuitur, ut omnium ultimarum voluntatum ne minus quinque testes sint. Et de hac decima mentio fit in l. 4, C. de heret. & manich. Undecima, Rogatio legitimorum heredum, quæ sola nuncupatione, & quinque testium depositione constat. l. ex testamento, C. de fideicom. l. generaliter, 24, §. ex testamento, D. de fideic. libert. Duodecima est, Iuratoria exactio de qua in l. ult. C. de fideicom. cum defunctus nullis testibus adhibitis heredem dare facere aliquid iussit: eiusque rei iusiurandum ab eo legatarius exigit: quæ sane ratio periculosa est, neque Platonis institutis
fatis

fatis consentanea. Decimatertia, Testatio apud amicos ab eo qui ægrotaaret facta, de re quapiam singulari post mortem relinquenda. l. Pamphilo, 39, §. 1, D. de leg. tertio. Iam quod addidit VOLUNTATIS, sic intellige, Postremæ. nam in eodem testamento mutari voluntas potest, & qui heres scriptus est, exheres scribi. l. Scius, 27, Ad leg. Falci. l. paterfa. 44, D. de hered. insti. l. vxorem, 41, §. eius heres, D. de lega. tertio. Item qui exheres scriptus est, heres scribi. l. si filium, 21, D. de lib. & postu. Item quæ data est hereditas, vel tota, vel ex parte adimi. l. 1, §. pen. D. de his quæ in testam. delen. Denique testamentum interdum non vna voluntas & scriptura est, sed cum plures sint, ex postrema censetur. l. si quis cum, 16, D. de vulg. substi. l. diui, 6, §. licet, de codicill. Vnde Vlpianus in l. si quis, 22, D. de leg. tertio, Nemo, inquit, eam sibi legem potest dicere, ut à priori ei recedere non liceat.

Lex

II.

LABEO libro primo posteriorum Iauoleno
Epitomatorum.

In eo qui testatur, eius temporis quo testamentum facit, integritas mentis non corporis sanitas exigenda est.

COMMENTARIUS.

Eius quo. Hoc in responso dubitandi causa duplex est: prior generalis est: quoniam plerumque

que accidit, vt mens morbo corporis affecta sibi non satis constet: vt in l. ob quæ vitia, 4, D. de ædil. edict. Si vitium, inquit, corporis vsque ad animum penetrat, fortè si propter febrem loquatur aliena, vel quæ per vicos more insanorū deridenda loquantur, in quo sit animi vitium, quod ex corporis vitio accidit. Itaque Paulus in l. 17, infra eo. In aduersa, inquit, corporis valetudine mente captus eo tempore testamentū facere non potest. quod idem traditur in l. 3, C. qui testa. fac. non poss. Altera dubitandi causa sub his verbis subest, EIVS TEMPORIS: an testamentum eius qui sana mente testatus aliquanto post vi morbi in mentis errorem incidit, eueratur. sed Papinianus in l. ult. D. de iniust. rupt. tantum abesse ostendit, vt rumpatur, vt etiam si in isto mentis errore testamenti sui tabulas inciderit, tamen testamentum non rumpat. quod idem in l. 3, C. qui testa. fac. de eo traditur, qui vi morbi oppressus sibi ipse mortem consciuit.

Lex III.

PAPINIANVS libro quartodecimo
Questionum.

Testamenti factio non privati, sed publici iuris est.

COMMENTARIVS.

Testamenti faciendi ius non à priuato aliquo sed à sola lege vel conceditur vel adimitur.
Non privati. Aliud est testamentum, aliud testamentum

stamenti factio. Testamentum est ipsum opus effectum: ἀποτέλεσμα. Factio, ius faciendi continet. sicuti cum dicimus Iuris dictio, id est, iuris dicendi potestas: Tutoris datio, id est, dandi potestas, l. 6, §. 2, de tut. Testimonii dictio, id est, testimonii dicendi ius: apud Comicum: seruum hominem causam orare leges non sinunt: Neque testimonii dictio est. Ignominioso non est legis actio, id est, lege agendi ius. Rursus, Testamentum inter acta priuata numeratur. Cicero Phil. II: In publicis actis, nihil est lege firmitus: in priuatis, firmissimum est testamentum Hæc iuris publici est, hoc est, non vllius priuati voluntate, sed lege certa aut conceditur aut denegatur l. 6, infra eo. l. Paulus, 47, §. 2, D. de bon. lib. l. quod bonis, 15, §. 1, D. ad. l. falc. vbi ne is quidem cuius solius interest leges testamentarias obseruari, potest quicquam de legibus testamentariis remittere. Rursus priuatorum voluntate non adimitur. l. testamenti, 23, C. de inoff. test. Quin ne per principis quidem rescriptum rescindi potest. l. si testamentum, 10, C. de testam.

Lex IIII.

CAIVS libro secundo Institutionum.

Argumentum.

In testamento cognoscendo prius an factio fuerit, quàm quale factum sit exquirendum est.

Si quæramus an valeat testamentum, in primis animaduertere debemus, an is qui fecerit testamen-

tum habuerit testamēti factiōnem: Deinde si habuerit, requiremus an secundum regulas iuris Civilis te status sit.

COMMENTARIUS.

In primis. Causa efficiens prior & antiquior est forma. Prior igitur illius quàm huius disquisitio & cognitio est. Nam si illa abest, hæc quoque absit necesse est. at non si hæc adsit, continuo & illa adest. tamen si ne hæc quidem vere adesse, sine illa, possit. Denique ius testamenti non in se ipso vertitur tantum: sed aliunde, hoc est, ex iure testatoris præcipue pendet. Quare qui de testamenti iure Iurisconsultus interrogabitur, prius de eius qui fecit iure, quam de faciendi ritu & forma inquirat, necesse est.

Factiōnem habuerit. Id quod duobus temporibus exquiritur: primum, testamenti faciendi, deinde mortis.

Lex V.

VLP I A N V S *Libro sexto ad Sabinum.*

Argumentum.

Recte testatur, qui decimi quarti, quæve duodecimi anni super premium diem agit.

Aqua ætate testamentum vel masculi vel femina facere possunt videamus. Verius est in masculis quidem quartum decimum annum spectandum, in feminis vero duodecimum completum. Vtrum autem excessisse debeat quis quartum decimum annum, ut testamentum facere possit: an sufficit complere

pleſſe: propone aliquem Kalendis Ianuarijs natum, testamentum ipſo natali ſuo feciſſe quartodecimo anno an valeat testamentum? dico valere. plus arbitror: etiam ſi prid. e Kalendarum fecerit poſt ſextam horam noctis, valere testamentum. iam enim compleſſe videtur annum quartum decimum, ut Marciano videtur.

COMMENTARIUS.

Aqua etate. Puto & *QVA* AETATE, ſcribendum: & hæc Sabini eſſe verba uſque ad verbum, *VTRVM* autem.

Uel femina. Vlpianus cap. Inſt. xx: Fœminæ, inquit, poſt duodecimum annum ætatis teſtamenta facere poſſunt, tutore auctore, donec in tutela ſint. Eunuchis autem etiam teſtamenti faciendi ius eſt: l. 3, C. qui teſt. fac poſſ item Hermaphroditis, caſtratis & ſpadonibus. l. 6, infrâ de lib. & poſtum. Paulus autem lib. Senten. III. ſpadones, inquit, ex tempore teſtamentum facere poſſunt, quo plerique pubeſcunt: id eſt, anno decimo oâtauo.

Verius eſt. Significat varias hac de re Iuriſcôſultorum ſententias fuiſſe: quippe, cum pubertatis tempus definitum nondum eſſet. Itaq; Vlpianus cap. Inſt. x. nihil de ætate præſiniens: impubes, inquit, licet ſui iuris ſit, teſtamentum facere non poteſt: quoniam nondum plenum iudiciū animi habet. quod idem Imp. tradit in §. 2, Quib. non eſt permis. fac. teſt. Sabinum autem

Paulus sequitur lib. sent. iii, cap. iiii.

Utrum autem. Additamentum hoc Vlpiani esse arbitror: qui Compleſſe annum vult cum qui ſupremum anni diem attingit: Exceſſiſſe, qui iam tranſegit.

Ipo natali ſuo. Duplex proponitur conſultatio: prior, de die Naturali: altera de Ciuili: Naturalis eſt ab ortu ad occaſum: & duodecim horis conſtat. Ciuilis à media nocte ad inſequentis noctis partē mediam: & x x i i i i. horis conſtat. l. more Romano, 8, D. de feriis & dilat. Ergo ſi qui Kal. Ian. natus erat, ſupremo anni decimi quarti diē lucente iam ſole teſtamentum ſcripſerit, propterea non iure teſtatus videbitur quia Annus (vt Varro ſcribit) dictus eſt vt circus: ſicuti Annulus, circulus. Ex quo ſequitur, vt Annus, nō prius quàm orbis eius plane conuerſus ſit, numerari poſſit. Id quod in reſtituendis minoribus & temporalium actionum præſcriptionibus obſeruatur: vt à momenti ad momentum ratio ineatur. l. 3, §. minorem, D. de minorib. l. 6, D. de oblig & act. Sed ea teſtamētorum ratio & fauor eſt, vt iſtiusmodi minutias repudiet. & annus in teſtatoribus non ad momentum ſed ad diem computetur: vt qui eius partem ad quam exegerit, totū iam exegisse videatur. Quod idē & in manumifforum ætate fauore libertatis probatum eſt. l. 1, D. de manumifs. & in legis Papiæ beneficio. l. anniculus, 134, D. de verb. ſignif. & in vſucapionibus. l. 6, & l. 7, D. de vſurpat.

Pridie

Pridie Kalendarum. Supremæ anni noctis posteriores sex horæ alterius anni sunt, qui incipit ex Kalendis: ut ait Q. Mutias apud Macrobi. lib. Saturn. i, cap. iii. & Gellium lib. iii. cap. ii. Itaque Kalendæ à media præteritæ noctis parte numerantur: quem Civilem diem appellari superius ex Cenforino docuimus: & x x x i i i i. horis constare. Quod cum ita sit, mirè dixit Vlpianus *PRIDIE KAL.* post sextam præteritæ noctis horam. sed vel populariter illum locutum dicendum est, quasi kalendæ à solis exortu cœpissent, vel multo commodius futurum fuisse hoc modo. Etiam si fecerit post sextam horam noctis pridie kal. Quem verborum ordinem ipse idem in l. i, de manumif. præclare secutus est, ut Noctis pridie dictum sit, pro, Eius noctis quæ diem Kalendarum naturalem, idest kalendarum solem antecessit. ut ante solis exortum testamentum scriptum sit. Sic malo: quàm *DIE PRO PRIDIE* corrigere: præsertim propter d. l. i, de manumif.

Lex

V I.

*CAIVS Libro septimodecimo ad Edictum
prouinciale.*

Argumentum.

Filius fa. ne patris quidem permissu testari potest.

Qui in potestate parentis est, testamenti faciendi ius non habet, adeo ut quamuis pater ei permittat, nihil magis tamen iure testari possit.

b

3

COM

COMMENTARIUS.

Non habet. Idem in l. 3, col. penul. C. qui test. fac. pos. & §. 1, Inst. Quib. non est permis. Vlpianus causam asseribit. Quia nihil suum habet ut testari de eo possit. cap. Inst. xx. At mortis causa donare patris permitti potest. l. tam is, 15, D. de mort. caus. donat. vere igitur & summa causa est: quia lege xii. tab. prohibetur: quæ cum ita concepta sit: PATERFA. VTI legassit &c. perspicue filiosfa. remouet. Quin nec ab eo quidē qui paterfa. nec ne sit, ignorat, fieri testamentum posse: ac ne codicillos quidem: patet ex l. aristo, 9, De iur. codicil.

Quamuis pater. Cur igitur patris permitti donare mortis causa potest? Quia testamenti factio publici iuris est: mortis causa donatio nō est. Neque igitur quod alicui lex concessit, ei privati hominis voluntas potest eripere: neque quod alicui lex negauit, id ei permittere priuatus potest. ut in l. 3, dictū est. At potest princeps, cuius eadem quæ legis vis ac potestas est. Itaque D. Augustus de Castrensi peculio testandi potestatem filiisfa. dedit. uti scribit Vlp. cap. Inst. xx. & Iustinianus, §. 1, Quib. nō est permis. Causa igitur constitutio hæc erit. Cū filiusfa. patris permitti testamentum fecisset, eo mortuo scripti heredes hereditatem periebant. Intentio igitur Agnatorum hæc fuit: Testamentum nullius momenti est D. iure ratum & iustum est Q.
Ratum

Ratum nè an irritum sit testamentum? R. Quia patria potestas quæ testamenti factiōe illū priuabat, ei hæc ex parte remissa est. F. At non patria potestas, sed lex XII. tab. iūsque publicum ei testamenti factiōem adimebat. Disceptatio ex cōtrariè scriptis nascitur: An cūm patriæ potestatis remissio libera sit, tamen propter ius publicum testamenti factio remitti non possit. Respondetur autem, Emancipationem quidem esse liberam: sed simul etiam indiuiduam esse: neque patriam potestatem ex parte solui, ex parte retineri posse. Nisi forte vt superius diximus, principis permissu: cuius eadem, quæ legis, vis ac potestas est. Itaque videmus in l. si ab eo, C. de legit. heredib. propter rescriptum principis contra iuris communis ordinem, Emācipatum ius agnationis retinere, quod cum priuilegium sit, produci ad alios non potest. Mirificum igitur hoc testamentorum ius notandum atq; obseruandum est: vt qui & magistratus summos & imperia maxima gerere, summam denique Republicæ tenere atque administrare possunt, tamen testamētum facere ne permissu quidem patris possunt, Cuius rei ratio tota in eo solo posita est: quod Lex illa concessit, hoc negauit.

§. Surdus.

Argumentum.

Surdus & mutus testari sine principis permissu non possunt: sed hoc vitium testamenti facto contingens, illud non vitiat.

Surdus, mutus, testamentum facere nō possunt:

sed

Sed si quis post testamentum factum valetudine aut quolibet alio casu mutus aut surdus esse coeperit ratum nihilominus permanet testamentum.

COMMENTARIUS.

Surdus, mutus. Recte; cum in aliis, Surdus & mutus, & contra latinæ linguæ consuetudinē, propter verbum POSSUNT: & ad sententiam obscure atque ambiguè legatur, quasi de eo tantum, qui simul surdus & mutus esset, ageretur.

Non possunt. Quia neque mutus, testes ut sibi operam dent, rogare: neque surdus, eosdem testimonium perhibētes audire potest, quorum verūque exquiritur. l. hæredes, 21, §. pen. D. Qui testam. fac. poss. Mutus præterea nuncupare hæredes non potest. de quo in eiusdem l. initio.

Sed si post. Hoc idem traditur in l. confirmatur, 8, §. 2, de iur. codicill. §. 23. Quib. non est permis. Dubitandi causa esse potuit, vel quia de mentis ac voluntatis suæ perpetuitate mortis tempore non constabat: in qua tamen perpetuitate & constantia vis testamēti posita omnis est: vel potius quia testamenti factio etiam mortis tempore exquiritur. Sed non est nouum ut quæ semel vtiliter constituta sunt, durent: licet ille casus extiterit, à quo initium capere non poterunt. l. in ambiguis, 85, de reg. iur..

Lcx VII.

AEMILIUS MACER libro primo ad legem
vicensimam hereditarium.

Si mutus aut surdus ut liceret sibi testamentum facere à principe impetrauerit, valet testamentum.

COMMENTARIUS.

A principe. Hoc militibus in numeris manentibus licuisse, & iure militari licuisse, Vlpianus auctor est. l. 4, D. de test. milit. postea Iustinianus id quod proprio & certo priuilegio impetrandum erat, omnibus concessit. l. discretis, 10, C. hoc tit. cuius hæc summa est: Qui tantummodo surdus est, nuncupare testamentum potest. qui tantum mutus, sua manu scribere. qui & mutus & surdus est, si natura, nihil potest: sin casu, manu sua scribendi potestatem habet Testator autem qui neque scribere, neque articulate loqui potest, mortuo similis est: inquit idem in l. iubemus, 29, C. de testam.

Lex VIII.

*GAIVS libro septimodecimo ad Edictum Pro-
uinciale.*

Argumentum.

Testamentum, ab eo qui seruus erat hostium, factum, non valet. Item, Aquæ, ignis interdictio, in insulam deportatio, ad ferum, bestias, & metallum damnatio, testamentum & antè & post factum infirmant: at relegatio, locique alicuius interdictio, nequaquam.

Eius qui apud hostes est, testamentum quod ibi fecit, non valet, quâuis redierit. Si cui aqua & igni interdictum sit, eius nec illud testamentum valet quod antè fecit: nec id quod postea fecerit. Bona quæ

que quæ tunc habuit cum damnaretur, publicabuntur, aut si non videantur lucrosa, creditoribus concedetur. In insulam deportati in eadem causa sunt. Sed relegati in insulam, & quibus terra Italica & sua prouincia interdicitur, testamenti faciendi ius retinent. Hi verò qui ad ferrum, aut ad bestias, aut in metallū damnantur, libertatem perdunt, bonaq; eorum publicantur. Vnde apparet amittere eos testamenti factionem.

COMMENTARIVS.

Quod ibi fecit. Caput hoc transcriptum est à Treboniano in §. 4, Inst. De hered. qual. & diff. Huius autem prioris partis ratio est hæc, quia cū status eius fixus & certus non sit, sed ex incerto futuri temporis euentu pendeat, iis actionibus, quæ ciuium R. propriæ ac præcipuæ sunt, vti non potest. Vnde Vlp. l. 10, De test. mil. Facere, inquit, testamentum hostium potitus nec iure militari potest. Quid ergo si antea fecisset? Decurtatus hic Caji locus est: quem Imperator plenius sic exposuit: Sed quod dum in ciuitate fuerat, fecit: siue redierit, valet iure postliminii: siue illic decesserit valet lege Cornel. Quod autem hoc loco de hostibus dicitur, idem etiam in iis locū habet, cum quibus neque amicitiam, neque hospitium, neque fœdus habemus: l. 5, §. 1, D. de captiu.

Quamuis redierit. Dubitandi causa ex postliminii iure nascebatur: quò reuersus ab hostibus semper

semper in ciuitate fuisse fingitur. l. retro, D. de captiu. Sed Legis æquitas est, quia testator dum ius suum pendet eo iure, quod Quiritium proprium est, vti interea non potest. vt in l. in bello, 12, §. medio, D. de captiuis. vbi pater, qui apud hostes est, filii vxorem in ciuitate ducētis consentire nuptiis nō potest: vti nec dissentire. Testamenti ergo factio in captiuo pendet. Quāuis autem redierit, tamē propter Catonianæ regulæ rationem testamentum non ex incerto futuri temporis euentu, sed ex ipsius actionis tempore æstimandum est.

Quod ante fecit. Nam propter capitis deminutionem irritum fit, l. si quis filio, 6, §. eius qui, De iniust. rupt. Sed quæri posset, quomodo id quod lege & rite factum est, propter casum aliquem aduentitium sine lege contraria rescinditur? Respondendum igitur, verè contrariam legem interuenire: nemini enim aqua & igni sine lege magno comitiatu lata interdicebatur: vt in x i i tab. docuimus.

Postea fecerit. In ea conditione. Restitutus autem testamenti quoque factionem recuperat. l. vlt. C. de sent. pass.

Qua tunc habuit. Aperte igitur ea excludit, quæ postea quæsitæ sunt. item vt apud Paulum in l. si mandauero. 22, §. is cuius, D. mand. Contra tamen Alexāder Imp. in l. 2, C. de bon. proscript. Neque dici potest, superiores leges hac constitutione abrogatas. nā Alexandro imperante Pau-

lus scripsit. Multo minus, tractare Paulum de eo cuius bona sine capitis deminutione publicata sunt. nam Caius hoc loco de Aquæ & ignis interdictione loquitur. videndū igitur ecquid Alexander de iis loquatur, quæ Deportatus in insula ipse habuit, quoquo modo ibi quæ sita. Nostri autem de iis quæ in ciuitate contigerunt: puta legitimis hereditatibus, quas non putarem ad fiscum, sed ad proximè insequentem agnatum pertinere.

Non lucrosa. Id est occupabuntur à fisco, sed si tam multi creditores compareant, vt non lucrosa videantur, quippe quæ soluendo non sit, concedentur creditoribus vt ea suo arbitratu vendant. Itaque nō obstat l. non possunt, 11, aut l. 1, §. 1, D. de iur. fisc. nam occupantur quidem à fisco: sed primum locum creditores obtinent. Edictum autem ante scriptum est, vt si fiscus videat nihil sibi acquiri ex iis posse, ea creditoribus vendenda relinquat.

Relegati. Tres exilii species persequitur: Deportationem, Relegationem, & Interdictionē. vt in Rubr. de interd. & relegat. Deportatio capitis minuit ciuitatem, iura, bona & famam eripit. cæteræ omnia hæc relinquunt: existimationem tantum imminuunt, non consumunt. l. deportatorum, 8, C. de pœn. l. 4, l. 6, & l. 7, D. de interd. relegat. l. penul. D. de var. & extraor. cogni. Exemplum testamenti à relegato facti, profert Caius in l. quidam, 55, D. de reb. dub.

Hi verò. Sequitur pœnæ seruitus, quæ quia summa capitis deminutio est, etiam antè factū testamentum euertit. De bestiariis testimonium extat in l. aut damnum, §. quicumque, & l. quod ad statum, 12, l. qui vltimo, 29, D. de pœn. De metallo. in d. l. aut damnum, §. 3, l. sunt quidam, 17.

Ad ferrum. vt ferro decertet: id est, in arena cum gladiatoribus pugnet: quod in Comment. verb. iuris exposui. Genus hoc supplicii à Constantino abrogatum est. l. 1, C. de gladiatorib.

Lex I X.

VLP IANVS libro quadragesimo quinto ad
Ed. Etum.

Argumentum.

Qui ob accusationem in custodia est, testari ante damnationem potest.

Si qui post accusationem in custodia fuerit defunctus indemnatus, testamentum eius valebit.

COMMENTARIVS.

Defunctus indemnatus. Damnatio capitis testamentum euertit: at neque accusatio, neque custodia euertit. l. in fraudem. 45, D. de iure hsc. vbi Paulus ait, Bono eorum qui in custodia, vel in vinculis, vel compedibus decesserunt, heredibus eorum non auferri, siue testato, siue intestato decesserunt. Condemnatio autem propterea euertit, quia damnati bona publicantur. Quod posterioribus temporibus institutum fuit. Nam

& Cornificius lib. ad Herenn. & Cicero lib. de Inuent. I I. testatur, certam nullam fuisse legem, quæ testamenti factionem iis qui rei capitalis iudicati, & dñati in carcerē coniecti essent, adimeret. Quia & illud eo amplius à nostris additur, quamuis condemnatus quis sit, tamen si appellarit, & pendente appellatōne testamētum fecerit, atque ante sententiam decesserit, testamentum valere. l. qui à latronibus, §. i, infrà. l. 6, §. eius qui, D. de iniust. rupt. Sed quænam dubitandi subesse causa potuit, cū falsa potuerit esse accusatio, & benignè de accusatis potius quàm secus existimādum! Et profectò ita est, ut in re obscura & ambigua dubitādi causa nō magna sit, potiusq; hæc lex ad eos pertinuisse videatur quorum de crimine ita iam constaret ut prope conuicti essent & (ut scribitur in l. qui pœnæ, 8, D. de manumiss.) qui futurū prospiciebant, ut damnarentur. Nam cū cōuictus prope pro damnato numeretur, præclare dubitari poterat, an illa conuictio pro damnatione habenda esset. Disceptatio igitur ex iuris & æquitatis contentione nata est: & totum hoc partim in testamentorum fauorem, partim propter præsumptam innocentie existimationem institutum est. Excipiuntur autem qui maiestatis aut repetundarum accusati sunt: quiq; mortem sibi consciuerunt. Nam illa manus illatio, quæ propter sceleris conscientiam facta iudicatur, pro condemnatione numeratur: quasi de se ipso reus pœnas sump

sumpserit. l. in fraudem, 45, §. 2, D. de iur. fisci. d. l. 6, §. eius qui, D. de iniust. rupt. & l. ex iudiciorū, 20, D. de accusat. quanquam cum illorum duorum criminum nomine etiam post rei mortem condemnatio fiat, vix est, vt illa verè exceptio dici possit. Quod autem obiicitur ex l. qui pœnæ, 8, D. de manumiss. l. post contractum, D. de donat. accusatum neque manumittere, neque donare quicquā posse: vnde sequitur multo minus testari de vniuerso iure suo posse: Respōdendum est, meo iudicio, leges illas agere de iis qui postea condemnati sunt. Nam si ante condemnationem decesserit, defendi non potest, eos qui testamentum facere possunt, non & libertates dare posse. Eamq; sententiam nostram confirmant illa legis post contractum, postrema verba: SI CONDEMNATIO SECUTA sit. Sic enim legendum est: non vt in Florentinis libris, NISI. Legis enim sententia est hæc: Donatio post contractum crimen facta, si condemnatio subsequatur, fit irrita. Quod autem alii tradunt in fraudem fisci manumissionem illam factam intelligi: & propterea locum esse l. in fraudem, 45, D. de iur. fisci. mihi nō satisfacit. Cū si damnationē mors anteuerterit, benigne de reo sentiendum sit, neque vlla fiat publicatio: ac propterea nulla de fraude querela admittatur.

Lex XI.

VLP IANVS *Libro decimo ad Sabinum.*

Obsides

Obsides testari non possunt, nisi eis permittatur.

COMMENTARIUS.

Obsides. Obsides peregrini manent. testamēti autem factio iuris Quiritium est. Itaque verba illa Sabini esse arbitror: **OBSIDES TESTARI NON POSSUNT.** cetera Vlpiani. Primus enim Commodus constituit, ut obsidum morietium, tanquam captiuorum, bona confiscarentur. l. diuus, 31, De iur. fisc. Non mirum igitur si testari, nisi principis permissu, non possint. Testari autem, non ut peregrinos & populares suos, verum ut ciues R. heredes instituant. Duobus autem modis testamenti factionem obsides acquirunt: primum ex certo Principis rescripto: ut in l. nostra: deinde, ex usu rogæ accepto: quatione ciuium R. ius adipiscuntur. l. sed si accepto, 32, cod.

Lex XII.

IULIANVS *Libro quadragesimo secunda Digestorum.*

Argumentum.

Eius qui apud hostes decessit, testamentum antè factum, lege Cornelia confirmatur.

Lege Cornelia testamenta eorum qui in hostium potestate decesserint, perinde confirmantur, ac si hi qui ea fecissent, in hostium potestatem nō peruenissent. & hereditas ex his eodem modo ad unūquem-
que

que pertinet ~~quod~~ ^{quod} ~~seruus~~ ^{seruus} ~~heres~~ ^{heres} scriptus ab eo qui in
hostiū potestate decessit, liber & heres erit, seu veluti
seu nolit: licet minus propiè necessarius heres dica-
tur. Nā & filius eius, qui in hostiū potestate deces-
sit, inuitus hereditariū obligatur: quamvis suus heres
didi non possit, qui in potestate morientis non fuit.

COMMENTARIUS.

Lege Cornelia. Testamentaria, quam L. Cor-
nelius Sulla victor tulit.

Confirmatur. Ante legem igitur testamenta
per captiuitatem hostium, vtpote per summam
capitis minutionem, irrita fiebant.

Non peruenissent. Sed mortui in ciuitate fuif-
sent. vnde illud peripulgarum, Legē Corneliā
fingere eum qui apud hostes decessit, captiuita-
tis tempore decessisse. l. in omnibus, 18, D. de
captiuis. l. 1, C. de postlimin. l. iusto, 44, in fi. D. de
vfurpat. vbi igitur lege XII tab. mors testamen-
tum confirmat: sic lege Cornelia, captiuitas.

Ad vnumquemque. Sic in l. lex Cornelia, 28,
De vulgari subst. Ad omnes hereditates quæ ad
quemque ex eorum testamento peruenire po-
tuerunt, si in hostiū potestatem non perue-
nissent. Itēque in l. bona, 22, D. de captiuis.

Quare seruus. Cum ad vnumquemque, hoc
est, ad cuiusvis generis heredes pertineat, etiam
ad necessarios pertinebit. Dubitandi causa
erat, quia mortis domini tempore in ipsius po-
testate non erat, quippe qui hostiū ipse ser-
uus

uus esset) verum ei qui proximus domini agnatus erat, ex intestati causa quaesitus.

Minus proprie. Sic de hereditate, in l. 3, De verb. signif. de liberto in l. 4, De bon. libert. Sed fictio legis Corneliae & heredis, & hereditatum, & liberti nomen induxit, ait l. filiusfamilias, 18, ad legem Falcid. l. in bello, 12, §. 1, D. de captiuis. Sane in l. captiuum, 9, C. de postlim. videtur ~~diocletiani~~ Diocletiani fuisse, cum legis Corneliae fictio, pro ea qua postliminii esse constat, nominauit. §. interdum, Inst. de heredit. qua ab intest.

Lex XIII.

MARCIVS *Libro quarto Institutionum.*

Argumentum.

Et a latronibus capti, & apud externos legati testari possunt.

Qui a latronibus capti sunt, cum liberi manent, possunt facere testamentum.

COMMENTARIUS.

A latronibus. Dubitandi causa est, quoniam in sua potestate esse non videntur. Sed non si quis in sua potestate non est, continuo paterfamilias non est. l. in fraudem, 45, D. de iur. fisc. Latronum autem & hostium dissimilem esse rationem patet ex l. hostes, 24, De captiu. l. hostes 118, De verb. signif. ubi captus ab hostibus, seruus eorum fit: captus a latronibus, liber & ciuis

uis manet. Sed ratio summa inuestiganda est. Et constat hanc esse, quia communi gentium consensu ius illud constitutum est: at hoc, non est. Itaque hostes definiuntur, qui & perduelles, id est, quibus bellum indictum est. Quod cum ita sit, non tantum ad latrones hæc lex pertinet: verum etiam ad illa seruilia bella quæ cum Euno, cum Athenione, cum Spartaco gesta sunt: itemque piratica quæ cum Cilicibus Seruilius, cum omnibus Pompeius gessit.

§. *Item qui.*

Ite qui apud externos legatione funguntur, possunt facere testamentum.

COMMENTARIUS.

Apud externos. Externos dici arbitror eosde quibus Pomponius scribit in l. 5, §. 1, D. de capt. nimirum cum quibus neque amicitiam, neque hospitium, neque fœdus amicitiae causa factum habemus. Vbi ascribit, id quod ex nostro ad illos peruenit, illorum fieri: & vicissim. Vnde dubitandi causa nascebatur, an qui apud illos legatione obtinet, cum in illorum potestate, non in sua esset, testari posset. Sed dissimilis legati & priuati hominis ratio est: nam priuatus qui ad externos peruenit, illorum seruus fit: legatorum autem corpora iure gentium sacrosancta sunt. l. ult. D. de legationib. Hoc cum ita sit, videntur in l. 7, de captiu. nunquid negatio desit:

ut sic legatur: Non dubito, quin foederati & liberi, nobis nec externi sint, nec inter nos atque eos postliminium sit.

§. Si quis.

Argumentum.

Qui capite damnatus appellauit, testari pendente appellatione potest.

Si quis in capitali crimine damnatus appellauerit, & medio tempore pendente appellatione fecerit testamentum, & ita decesserit: valet eius testamentum.

COMMENTARIUS.

Disceptatio ex scripto & sententia nascitur: quia ius est, ut damnatio rei capitalis testamenti factionem adimat, nimirum propter bonorum publicationem; At responderetur, damnatione intelligendam, quae rata fuit: appellatione autem damnationem extinguere constat ex fine l. 1, D. ad trypill. Quia de causa neque huic aduersabitur, quod dubitantibus de statu suo testamenti factio non est. ut in l. seq. nam ut ait Vlpian. l. si quis, 6, §. hi autem, de iniust. rupt. sunt hi certi status, nec ipsi de se interim incerti.

Lex XIII.

PAVLVS. *Libro secundo Regularum.*

Argumentum.

De suo iure incertis testari non potest.

Qui

Qui in testamento domini manumissus est, si ignorat dominum decessisse, aditamque eius esse hereditatē, testamentū facere non potest: licet iā paterfamilias, & sui iuris est. nam qui incertus de statu suo est, certam legem testamento dicere non potest.

COMMENTARIUS.

Aditamque. N. Libertatē testamēto datam non ante testatoris mortem aditamq; hereditatem deferri, l. 1, §. in nouissimo, C. de caduc. toll.

Licet iā. His verbis significat totā hāc disputationē ex illo legis capite fluxisse: PATERFAM. VTI REI SUAE LEGASSIT &c. Itaque disceptatio ex scripto & sententia nata est. Legē enim sic interpretamur, quasi non de omni patrefa. scripta esset, sed de eo demum qui se patrēfa. esse sciret.

Quae incertus. Subest vis argumenti ex repugnantibus Non & quis de iure suo incertus est, & certum ius de suis rebus statuere potest. Testamentum certum esse oportet: neque vlla legis actio est, nisi cuius certum & exploratū ius sit. Ac nimirū hoc illud est quod in definitione testamenti significatur, Testamentum est iusta testatio: id est, iure certo & explorato constans: ut in l. 1, ostendimus. Videndum etiam ecquid cū CERTAM LEGEM dicit, ad illud XII Tabularū verbū alludat: LEGASSIT.

quo in verbo legis vim inesse in Cóment. verb.
iuris docuimus.

Lex XV.

VLP IANVS *Libro duodecimo ad Ediētum.*

*De statu suo dubitantes, vel errantes, testamen-
tum facere non possunt, ut Diuus Pius rescripsit.*

COMMENTARIVS.

Dubitantes vel errantes. Aliud igitur esse sta-
tuit, ignorare, aliud dubitare, aliud errare. vt
certus paterfā. is demum dicatur, qui neque er-
rat, neque ignorat, neque dubitat. Summum
enim gradum error obtinet. plus enim est erra-
re, quam aut ignorare, aut dubitare. Errat, ve-
luti legatus qui se hostium seruum putat, l. 1, de
legat. tertio. item filiusfā. qui se patrēfā. esse pu-
tat, l. 1, §. exigit, de bon. poss. secund. Ignorat,
veluti seruus manumissus, qui hereditatem adi-
tam fuisse nescit: item (vt Vlpianus docet cap.
Inst. xx) qui patre peregre mortuo nescit se sui
iuris esse. Dubitat, qui vtrum ab hostibus, an a
latronibus captus sit, incertus est, l. 1, D. de le-
gat. tertio. item filius, in ciuitate, qui vtrum pa-
ter ab hostibus reuersurus sit, an non, ignarus
est, l. 2, §. 2, D. vnde legitim. Vsq̃ue adeo autē
certum testatoris statum esse oportet, vt etiam
qui de ipsius statu dubitat, adire hereditatem
non possit, l. heres, 30, & ll. seq. D. de acq. he-
redit.

Lex XVI.

POMPONIVS. *Libro singulari Regularum.**Argumentum.*

Testamenti factionem habere dicitur, cui quid relinqui testamento potest, quamvis testamentum facere non possit.

Filiusfamilias & servus alienus & postumus & surdus testamenti factionem habere dicuntur, licet enim testamentum facere non possunt, attamen ex testamento vel sibi vel aliis acquirere possunt. Marcellus notat: Furiosus quoque testamenti factionem habet, licet testamentum facere non potest. Ideo autem habet testamenti factionem, quia potest sibi acquirere legatum, vel fideicommissum. nam etiam compositibus mentis personales actiones etiam ignorantibus acquiruntur.

COMMENTARIUS.

Servus alienus. Hoc idem Iustin. exemplum profert, §. testamenti, 3, de hered. qual. & diff. Sed multo commodius Ulpianus cap. Instit. xxii. Servos heredes instituere possumus, nostros cum libertate: alienos, sine libertate: communes cum libertate, vel sine libertate. Multo vero & certius & verius quod sequitur: Alienos servos heredes instituere possumus: eos tamen, quorum cum dominis testamenti factionem habemus.

Et postumus. Sane in postumum quæ subiungitur ratio non convenit: LICET enim testamentum facere non possunt. Nam si impubes est

est, non quia postumus est, sed quia pubes non est, facere testamentum non potest. Itaque disputari posset, vocem *M V T V S* multo commodius huic loco conuenire. præsertim cum plerumque in hoc genere disputationum mutus & surdus coniungantur. Mouet me tamen omnium librorum auctoritas, sed multo maxime Institutionum consensus: d. §. testamenti, de hered. qualit. ubi & sic legitur, & pro surdi exemplo quod hoc loco proponitur, muti exemplum profertur. Videndum igitur æquid nota superior *ALIENVS*, coniunctè ad vocem Postumus pertineat. Nam hic certe disputationi de postumis suis, nullus locus est: partim quia eos institui non modo licere, verum etiam oportere, nimum iam in vulgus notum ac peruiulgatum erat. partim etiam quia vetus illa locutio de qua hic agit Pomponius, Testamenti factionem cum testatore habere, conuenire in postumos suos non potest. Sed nihilo magis, hac interpretatione recepta, superior ille scrupulus eximetur: quod subiecta ratio conuenire in postumum non potest: nisi forte *POSTV-MVS IN FAN'S* adiectiue, apud Imperatorem, non coniunctiue, legamus.

Factionem habere. Huius rei nisi auctorem Pomponium haberem, credidissem equidem veteres leges ita potius locutas, ut dicerent, His, vel Cum his testamenti factione esse: potius quam Hos habere. Sed iam morbum omnem

nem animaduerto. nā Vlpianus cap. Inst. x x r r.
 Heredes, inquit, institui possunt, qui testamēti
 factionem cum testatore habent. Non igitur
 simpliciter & præcise veteres, ita loquebantur,
 Filiosfa. testamenti factionem habere: sed ple-
 ne & coniuncte, Habere cum aliquo.

Facere non potest. Nisi quo tempore furor eius
 intermissus est. l. furiosum, 9, C. qui test. fac.
 poss. §. 2, Quib. non est permitt.

Acquirere legatum. Huic Marcelli notæ alte-
 ram eiusdem & auctoris & generis aptandam
 esse ex l. furiosus, 63, De acq. hered. etiam ab
 aliis obseruatim est. Testamentum autē quod
 ante furorem factum est, valet, ut infra. l. qui
 testamento, 10, §. 4, cod.

Lex XVII.

P. A. V. L. V. S. Libro tertio sententiarum.

*In aduersa corporis et aliter ad mentem capitis
 contemporaneum testamentum facere non potest.* orig. m. 20

COMMENTARIUS.

Hoc quicquid est, expositum est sub l. 2, su-
 pra, cod. Extat ante hæc Pauli sententia in lib.
 eiusdem sentent. iii. cap. iii.

Lex XVII.

VLP. IANVS Libro primo ad Sabinum.

Argumentum.

Interdictio bonorum testamentum post factum infirmat:

c

antē

ante vero nequaquam : quin & testem in alterius esse testamen-
to prohibet. N. Cui testamenti factio adempta est, is nec testis
adhiberi testamentis potest.

*Is cui lege bonis interdictum est, testamentum fa-
cere non potest : & si fecerit, ipso iure non valet.
quod tamen interdictione verustius habuerit testa-
mentum, hoc valebit. Merito ergo nec testis ad te-
stamentum adhiberi poterit, cum neque testamenti
factionem habeat.*

COMMENTARIUS.

Is cui. Sabini verba produci arbitror usque
adversum, Merito. Nani Vlpiani nota particu-
la. ERGO indicari videtur illa superiora autem
omnia sententiosa & plane Sabiniana sunt.

Lege interdictum. Lege xlii. tab. ut in l. i, D.
de curat. fur. Idēque traditur ab Vlpiano cap.
Inst. xxii. Dubitandi causa, multiplex esse po-
tuit. prima hæc est, quod cum testamenti fa-
ctio iuris sit, publici, & lege concessa, Prætor
eam pro imperio adimere non potuit. Respon-
detur, ergo non Prætoris, sed legis ipsius hanc
interdictionem esse. Præto rem autem viuam
legis vocem fuisse. Altera causa hæc fuit : quia
cum in interdictionis formula commercii ver-
bum usurpetur, ad eas duntaxat alienationes
quæ inter viuos sunt, pertinere videbatur. Nā
illam Vlpiani rationem, Cum ei commercium
ademptum sit, familia mancipare nō potest : quia
mos ille sublatus est, omitto. Tertia dubitandi
subesse causa poterat, quoniam aliud est ad-
ministratio

ministratio, de qua legis interdictum est, aliud Testamentaria dispositio. Sed cum in formula etiam illud addatur *EA RE INTERDICTO*, consentaneum est, nullum ei ius in eas res ullam ex parte relinqui. At enim (dixerit aliquis) minor qui sub curatore est, neque bonorum suorum administrationem habet, testamentum tamen etiam sine curatoris auctoritate potest facere. l. aurelio, 20, §. 1, D. de lib. legat. Sed respondendum est, prodigos, quantum ad bona ipsorum attinet, furiosis comparari: & (ut ait Imp.) furiosum facere exitum. l. his qui, 12, in fin. D. de tut. & curat.

Ipsius iure. Quippe cum contra leges interdictum factum sit.

Vetustius. Idem traditur in l. 1, §. si quis autem, D. secund. tab. ubi traditur, regulam qua exigitur ut & testationis & mortis tempore testamenti factio sit, exceptionem in superueniente furore, & bonorum interdictione recipere. quippe, cum capitis diminutio his casibus non contingat. Vitia igitur insita, capitis scilicet diminuti, testamenti factionem adimunt: externa autem non adimunt. Sed, ut ad questionem nostram redeamus, quid si cum iam aperte prodigus esset, quamvis interdictum illi nondum fuisset, testamentum fecerit? uti de aperte prodigis agitur in l. tres tutores, D. de ad. min. tut. denique quid si mentis illius suae leuitatem, temeritatem, stultitiam in eo testamento

iam aperte ostenderit? Ergo hoc quidem intel-
ligendum est, unde huius quoque iuris aequi-
tas perspicietur, nimirum testamenti factione
iuris esse publici: neque id quod lege factum
est; (hoc est sine illo legis interdicto) nisi con-
traria lege rescindi posse. Hoc autem loco il-
lud ascribendum est, quod Paulus lib. Sent.
3. cap. 4, continetur: Prodigum, recepta
vita sanitate ad bonos mores reuertitur & tes-
tamentum facere, & ad testamenti sollemnia
adhiberi posse. Idque, ut opinor, ipso iure:
quemadmodum ipso iure in potestate curatoris
esse definit l. 1, D. de cur. fur.

Merito ergo. Verba hæc Vlpiani esse non du-
bito: suo more, id est perplexe, & obscure ratio-
cinantis. . . Obseruandum igitur, prodigis
dicendi testimonium non fuisse, quippe, cum
eorum nequitia nominatiui à Pretore damna-
ta maculam illis aliquam afferret: unde illud le-
gis Roscia, ut decoctoribus certis in theatro
locus constitutus esset. Sed & Valerius lib. 3,
cap. 1, non obscure significat, Q. V. Fabium, Q.
Maximi filium de decore affectum fuisse, cum
ei Q. Pompeius Pretor Urbanus paternis bo-
nis interdixisset. Ac Vlpianus quidem cap. Inst.
xx, mutos, surdos, furiosos, pupillos, & scimi-
nas ab hoc testimonio non gendre subiungens,
prodigum, mentione omnium Ennius, & tralib.
Sent. 3, Pro digus, inquit recepta vita sanitate
ad bonos mores reuertitur & testamentum face-

re, & ad testamenti sollempnia adhiberi potest. Sed Vlpiani ratiocinatio perplexa, vt dixi, & obscura est: cum & testamenti factionem acquirendi quidem causa prodigus habeat, l. mutum, §. D. de acquir. heredit. neque filius a cui testamenti ius non est, à testimonio remouetur. Ergo huius sententię rationem Vlpianus potius quàm ipsam sententiam spectauit. Ratio enim cur testamenti faciendi potestatem non habeant, hæc est, quoniam nequitie damnati dedecore aliquo affecti sunt quasi Vlpianus sic scripsisset: Cum neque testamenti factionem propter nequitiam suam habeant.

§. *Si quis.*

Argumentum.

Ob carmen famosum damnatus, neque testari, neque testamentis adhiberi reus potest.

Si quis ob carmen famosum damnetur, senatus consulto expressum est, ut intestabilis sit. Ergo nec testamentum facere poterit, nec ad testamentum adhiberi.

COMMENTARIUS.

Intestabilis. Vlpianus legi Cornelię id assignat in l. lex, §. pen. De iur. sed probabile est eandem etiam Senatusconsulti sanctionem fuisse. Idem autem traditur in l. ob carmen, §. D. de testib. Sed quęri video, an ei qui intestabilis esse iussus est, relinqui aliquid per testamentum possit. Et cum heredi post testatoris

mortem testimonium dicatur : Intestabili autem non dicatur : probabilius est, nihil ei ciuis R. testamento relinqui posse.

Quæritur etiam de infamibus, an eadem eorum quæ intestabilium ratio sit : de quo disputare nos non sinit l. 1, C. de secund. nupt. l. testamento, 33, D. de testam. milit. vbi de testamento ab infami facto ius dicitur. Aliud est enim infamem, aliud intestabilem esse.

Lex XIX.

MODESTINVS *Libro V. Pandectarum.*

Seruius quoque Sulpitius negabat tabulas testamenti esse eas quas instituisse t is qui factionem testamenti non habuerit, vt ait Cic. Epist. fam. lib. 17. Epist. 22,

Si filiusfamilias aut pupillus aut seruus tabulas testamenti fecerit, signauerit : secundum eas bonorum possessio dari non potest, licet filiusfamilias sui iuris, aut pupillus pubes, aut seruus liber decesserit. quia nulla sunt tabule testamenti, quas is fecit, qui testamenti faciendi facultatem non habet.

COMMENTARIVS.

Licet sui iuris. Quia lex xii tab. & testamentis & ceteris omnibus legitimis actionibus vim ex præsentis temporis statu, non ex incerto & fortuito posterius temporis euentu tribuit. alioqui earum ius incertum & fortuitum esset. quam ad rem Cætoniana regula pertinet. vnde

illud Ser. Sulpitii, & Offilii, apud Ciceronem
lib. vii. Epist. fam. neque testamenti tabulas eas
esse, quas instituisset is, qui factionem testamen-
ti non habuerit: neque verum esse, bonorum
possessionem secundum eas tabulas dari posse.
Idemque traditur in l. 1, §. exigit, D. de bon.
secund. tab. vbi Prætor exigit, ut is cuius bono-
rum possessio datur, utroque tempore ius facien-
di testamenti habuerit: & cum facit testamen-
tum & cum moritur. Interdum tamen ex æqui
& boni ratione contra iuris summi regulas ta-
bulæ conualescere iudicantur: ut l. filio, 17,
D. de iniust. rupt. l. qui soluendo, 42, De he-
redib. inst. Sed ea tota res dirigi ad certum ali-
quod ius non potest: sapientiæ & æquitati iu-
diciū committenda & permittenda est.

Lex XX.

Argumentum.

Heres testamento adhiberi testis non potest. Legatarius &
tutor, nisi in testatoris manu sint, possunt. Item, Ei qui de
castrensi peculio testatur, & pater, & frater adhiberi testes pos-
sunt.

*Qui testamento heres instituitur, in eodem te-
stamento testis esse non potest. quod in legatario,
& in eo qui tutor scriptus est, contra habetur. hi
enim testes possunt adhiberi, si aliud eos nihil im-
pediat: ut puta si impubes, si in potestate sit testa-
toris. Potestatis autem verbum non solum ad
liberos qui sunt in potestate referendum est: verum
etiam ad eum quem redemit ab hostibus: quamvis
placeat*

placeat hunc seruum non esse: sed vinculo quodam retineri donec pretium soluat. Per Contrarium quari potest, an pater eius qui de castrensi peculio potest testari, adhiberi ab eo ad testamentum testis possit. & Marcellus libro decimo Digestorum scribit posse. & frater ergo poterit.

COMMENTARIUS.

Qui testamento. Sabini sententia vtrum hac enuntiatione comprehendatur, an verò usque ad §. Potestatis perducatur, nō facile dixerim. quanquam & proxima verba olere Vlpianum videntur; & ius hoc de legatariis posterius Sabinō fuisse, mox docebinus. Verum utcūque sit, aduersari huic sententiæ videtur, quod Imp. scribit in §. sed neque, §. De testam. vbi ait, veteres heredibus permisisse, testimonium præstare: licet hoc iure minime abuti eos debere suadebant. Quod si de iis testamentis Sabinū loqui dicimus, quæ non secreto, & per æs & libram: sed palam aut scribebantur, aut nuncupabantur: tamen illud rursus pugnabit, quod in Miloniana Cicero, de Cyri architecti testamento sic scribit: Vna fui, testamentum simul obsignavi cum Clodio: testamentum autē palam fecerat, & illum heredem & me scripserat. Videndum igitur, cum Iustinianus testetur, incertum hoc ius apud veteres fuisse, rectene dici posset, Sabinum in ea parte Iurisconsultorum fuisse, qui heredum testimonia in iis quidem

quidem testamentis quæ palam fiebant, impro-
 probabant. *de testam. in c. 1. l. 1. §. 1. l. 1. §. 1. l. 1. §. 1.*
In legatario. Ilus hoc usque ad Scævola Cer-
 uidi heratem ambiguum fuisse, huius autem au-
 ctoritate constitutum, Inpp. Arcad. & Hon. signi-
 ficant in l. 3, in fi. C. TH. de testament. Itaque
 Marcianus in l. si quis ita, 14, D. de reb. dub. Tre-
 batii & Pomponii sententia Ceruidiana cōsen-
 taneā ita profert, quasi nondū certā & planā cō-
 stituta, quin ne Iustinianus quidē sub tit. De re-
 stā. §. legatariis, de eo iure quasi admodū certo
 & explorato loqui videretur. Dubitādi enī causa
 perspicua erat: cum in rem suam legatarius ad-
 hiberi testis videretur, requiratem autem Iusti-
 nianus eodem loco hanc affert: Quia non iuris
 successores sunt, quasi verō aliis in rebus in qui-
 bus singulare aliquod negotium geritur, adhi-
 beri testes possimus. Quin etiam falsi genus fuis-
 se, si quis legatum sibi adscriberet: idque lege
 Cornelia facitum: nemo ignorat ex Rub. D. ad.
 leg. Cornel. de fals. Pomponius autē rationem
 hanc protulit: Quia ipsum testamentum confir-
 matur testibus adhibitis: Quod sic interpretor,
 quasi diceret: Cum res ex potiore sui parte cen-
 seantur, ac denominentur, pars illa in qua lega-
 ta sunt, proptie testamentum dici non potest.
 Testamentum enim est, ubi heredis institutio
 est, vlt. D. de iur. codicil. itaque legatarii nō
 tam donationem & negotium illud suum, quā
 ipsum testamentum confirmare videntur, præ-
 f. fertim

sertim cum legata nō tam ab ipso testatore, ne-
que tam de ipsius bonis, quā ab herede, & ex
ipius fortunis proficiantur. Non igitur legata
res præcipue in testamentis agitur, sed heredi-
dis tantum. quippe, cum legata non tam defun-
cti, quā heredis bonorum pars esse videantur.
Itaque Imp. Zeno, non modò testibus, verum
etiam Iuris peritis qui testamenta dictabant, re-
linqui legata posse statuit in l. dictantibus, 22, C.
de testam. Neque ad propositum pertinet, quod
Plinius epist. ult. lib. 2, veteratori cuidā Regulo
iratus, scribit improbissimum, falsigenus esse,
aliena testamenta, ipsis quorum sunt illa, dicta-
re, alioqui dictare necini testamentum liceret.
Sed de Regulo (vt dixi) loquitur qui hereditates
& legata captans, impudenter se imperitis mu-
lierculis testamentorum dictatorem obtrude-
bat. Quo de genere illud est Neronis apud Sue-
tonium: Cautū, inquit, ne quis alieni testamen-
ti scriptor, legatum sibi ascriberet.

Qui in potestate sunt. Quod cum ita sit, sequi-
tur, vt post emancipationem dissimilis ratio sit:
hoc est, vt & filius emancipatus patri testanti,
& hic vicissim illi, itēque frater emancipatus
fratri testamentum condenti testis esse possit.

Vinculo quodam. Sic in l. 2, C. de postlim. re-
uers. l. senatus, 43, D. de legat. Horum autem
eadem videtur esse conditio, quæ & Addictorū:
hoc est, inter libertatis & seruitutis statum quasi
interiecta. vt patet ex Fab. Quintil. lib. 7.

Scribit posse. Contra Iustinianus in §. 4. De testamento ita perspicuo, ut meo iudicio frustra opera in iis conciliandis consumamus. Varias autem hac de re veterum sententias fuisse. Ulpianus, hoc loco non obscure significat, atque adeo aperte ostendit: cum Marcellum huius auctorem sententiae nominat. Neque ad rem pertinet, quod Iustinianus de eo nominatim loquitur, qui iam missus & veteranus est. Quid enim hoc ad minuendam dubitandi causam pertinet? Tam enim in patris potestate est qui in castris est, quam qui iam missus est. Vtra igitur, dixerit aliquis, verior sententia est? Difficile quidem dictu est. Sed tamen pro Marcello grauius illud pugnat, quod cum filius fa. in hoc genere pro patrefa. habeatur: & castrense peculium ab ea familia separatum sit, neque cum patrimonio confundatur: domesticum hoc testimonium dici non potest, quippe cum de re familiari negotium non geratur: & filius fa. in hac causa quali pro extraneo vel certe pro emancipato habeatur.

Iudei b. b. b. l. Cl. motus sup. l. 2.

§. *Qua autem.*

Argumentum.

Non modo in testamento, sed omnino nullo in negotio, quo parti acquiratur, testis filius adhiberi potest. Item furiosus quo tempore intermiffionem habet, testis adhiberi potest.

Qua autem in testamento diximus super prohibendis testimonijs eorum qui in potestate sunt, in omnibus testimonijs accipias, ubi aliquid negotij

f 2 *geritur*

geritur per quod adquiratur. Non furiosus qui-
dem testis adhiberi potest, cum compos mentis non
sit. Sed si habet in se in se fidem, non compositus adhi-
beri potest. Testis autem non quousque quod ab eo furata
consummata, si tale hic est, non honorandi possessor ex
eo testamentum competit. Non enim hoc est, ut quis
non furiosus sit, sed ut in se fidem habeat.

COMMENTARIUS.

Qua autem. Verba hæc Ulpiani esse omnia,
genus orationis arguit.

Ne furiosus. Hanc Sabini sententiam esse
non dubito: usque ad verbum, Testamentum.

Compos mentis. Quæ in testationibus requi-
ritur, non enim corporis tantum, sed & animi
præsentia desideratur, furiosi autem absentium
loco numerantur, l. ubi non voce, D. de reg.
iur.

Eo tempore. Nam eo quoque tempore testa-
mentum facere potest, l. furiosum, 2, C. qui
test. fac. quod tamen apud veteres nondum con-
stitutum fuerat.

Ante furorem. Ut supra l. filius fa. 16, cod. & l. 1,
§. si quis autem, D. secund. tabul.

§. Eum qui.
Argumentum.

Mulier, item servus, in testamentis: repetundarum vero dā-
natus, in iudiciis, at non in testamentis testis esse prohibetur.

*Eum, qui lege repetundarum damnatus est, ad
testamentum adhiberi posse existima: quoniam in
iudicium testis esse vetatur.*

COMMENTARIUS.

Eum qui, Sabini totam hanc sententiam esse arbitror, legendumque ut in aliis libris omnibus, Non posse, ut in l. repetundarum, 15, de testib. l. 6. D. ad leg. repetund. idque etiam subiuncta ratio perspicue ostēdit. Idem autem & de adulterii damnatis traditur in l. scio, 4, D. de testib. Quod verò de infamibus hoc loco quaeritur: nondum satis exploratum est, nam etsi per multas publicarum iudiciorum leges, damnatos, ac propterea infames, à testimoniis in publicis iudiciis dicendis non remoueant: ut scribit Papin. in l. quaesitum, 13, D. de testib. tamen maiore in testibus ad testamenta, quam ad alias res admittendis, religionem adhiberi, vel ex proximo §. intelligitur. Quin etiam video Quintilianum aperte scribere, ignominioso legis actionem non esse: lib. 3. cap. 6, Non habes, inquit, ius abdicandi, quia ignominioso non est actio, habeo ius, quia abdicatio non est actio. Quamquam si mei iudicii quid esset, vix certe testamentum quod ab infami obsignatum esset, propter hanc ynam causam, repudiandum putarem: praesertim cum tantus testamentorum fauor sit: Denique praclare traditur in l. 3, D. de testib. totum illud de testibus negotium sapientiae & religioni iudicum permittendum esse.

Quoniam in iudicium, Argumentum notatione dignum, & obseruandum. Est enim ex comparatione

paratione maioris: idest, eius quod magis con-
 sentaneum & probabile videbatur. Si quod
 magis conuenire posse videbatur, non conue-
 nit, &c. Magis autem conuenire videbatur, Re-
 petundarum damnatos ad rerum capitalium te-
 stimonia recipi, quàm ad testamentum: quia
 in illis rebus aut pauci, aut nulli alii testes sunt:
 itaque penuria illos admitti cogit. At in testa-
 mentis faciendis abunde testium copia cuius
 vndeque suppetit. Propterea autem notan-
 dum hoc argumentum est, quia cum capitalia
 iudicia multo maioris sint in omni quam testa-
 menta, in quibus de fortunis tantum agitur: fa-
 cilis esset ex ambiguo captio: quasi Sabini ra-
 tiocinatio hæc esset: vt cui non licet quod ma-
 ius est, ei non liceat quod est minus. quæ ra-
 tiocinatio absurda & falsa est. Intelligendum
 est igitur, sub hac Vlpiani argumetatione vim
 illius regulæ subesse: Cui non licet quod mi-
 nus est, ei non licet, quod plus est. cum autem
 ad refutandum hanc comparationem inducat,
 necesse est, ex maiore argumentum sumari: nam
 quod ex minore sumitur, nunquam nisi ad cõ-
 firmandum valet. Quid ergo est? nimirum
 quod in illa iuris regula, Minus appellatur, id
 ipsum est, quod dicimus magis conuenire, ma-
 gis esse probabile, magis consentaneum & ve-
 risimile. Minus est igitur adhiberi testem in
 causis capitalibus, quàm in testamentis: quia
 propter penuriã necessitas cogit eos sæpe ad-
 mitti

mitti, qui si esset copia non admitterentur. Quod ab exemplo facilius intelligitur. nam in testimoniis, etiam qui non rogati sunt ut ei rei operam darent, admittuntur. l. ad fidem, 11, D. de testib. at in testamentis rogari debent. l. seq. §. penult. item mulier in causis publicis testis admittitur: at in testamentis (ut mox dicemus) non admittitur.

§. *Mulier.*

Mulier testimonium dicere in testamento quidem non poterit. Alias autem posse testem esse mulierem, argumento est lex Julia de adulteriis, qua adulterij damnatam testem produci, vel dicere testimonium vetat. Servus quoque merito ad sollemnia adhiberi non potest: cum iuris civilis communione non habeat in totum, ne praetoris quidem edicti.

COMMENTARIUS.

Mulier. Hanc quoque Sabini sententiam esse, non dubito. quod verò sequitur, Alias autem, ab Ulpiano est. Cū autem de sexu hoc loco disputetur, non alienū est etiam de hermaphroditis hoc addere, si in iis virilia praevalerunt, testes adhiberi testamentis posse. l. repertundarū, 15, D. de testib. Quid autem de spadone: sed cum ille & uxorem ducere, & adoptaro possit, apparet eum in virili sexu numerari.

Testimonium in testamento. Neque aduersatur, quòd testamentum potest facere: in quo tamen

men aliquanto plus est. Nam vt testamentum faciat, necesse est: vt testis adhibeatur, cū aliorum testium copia suppetat, nihil necesse est.

Argumento est. Sic Paulus in l. ex eo, D. de testib. Contrā tamē Gellius lib. 6, cap. 7. nulli foeminae dicendi testimonii ius fuisse scribit. Quae difficultas prope inexplicabilis videtur: praesertim cum ex eo quod lege Horatia rogatum scribit, vt Terraciae testimonii esset dictio, verisimile videatur, legē ea de re antiquitus fuisse. tametsi inueterata quoque consuetudo esse potuit. Considerandum igitur, ecquid hoc modo statui posset: vt in actionibus legis, idest quae iuris ciuilis sunt, quibus in rebus leges testationem exquirerent, ad eas admitti mulieres non possent. Rerum autem aliarum testes, propter aliorum penuriam, esse possent: veluti coniurationis, l. in quaestionib. 8, D. ad leg. maiest. Quod cum ita sit, probabilius quoque esse arbitror, mulieres neque ad codicillos conficiendos, neque ad mortis causa donationes, admitti. quam sententiam video ab Harmenopulo, quasi suo tempore receptam & probatam, exponi. Et profecto ita est, vt ius codicillorum, nisi quid singulariter & proprie de iis constitutum sit, ad commune testamentorum ius referri ac reuocari debeat. arg. l. i. C. Th. de testam. vbi Constantinus testamento ciuili, idest per as & libram, nondum sublato, recepto etiam pratorio, vel quinque vel septem testes

in

in codicillis exigit. quinque scilicet ad ciuilibis instar: septem ad Prætorii. vt & Annianus sub ead. Rubr. annotauit.

Seruus quoque. Vlpiani hæc esse omnia, stylus arguit. Et si autem iuris gentium sit testimoniū, tamen intelligendum est, testamentariam hanc testationē legis actionis, hoc est familiæ mancipationis partem esse. Legis autem actiones omnes iuris ciuilibis esse, nemo ignorat. Quod autem nonnunquam seruorum aut testimoniū aut etiam delatio in iudiciis auditur: id iure singulari fit. vt l. vix certis, §2, D. de iud. l. 1, D. ad leg. iul. de annon. l. nullo, 7, D. de falso.

§. Et veteres.

Argumentum.

Testis ad vsque testamenti exitum non inuitus, sed lubens ad esse debet. in eo autem non vtique sermonis, sed negotii tantum & rei quæ geritur, intelligentia requiritur.

Et veteres putauerunt eos, qui propter sollemnia testamenti adhibentur, durare debere donec suprema contestatio peragatur. non tamen intelligentiam sermonis exigimus. hoc enim diuus Marcus Didio Iuliano in teste qui latine nō nouerat, prescript. Nam si vel sensu percipiat quis cui rei adhibendus sit, sufficere, sed si detenti sint inusti ibi testes, putant non valere testamentum.

COMMENTARIVS.

Suprema contestatio. Idest, nuncupatio, HÆC VT I in his tabulis cerisue &c. apud Vlpianum

cap. Inst. 25. Ratio in illo testamentorum ritu hæc erat, quia legis actiones indiuiduæ sunt: & vno eodémque tēpore absoluendæ sunt. Quid igitur in hodiernis testamentis? quid iuris est? Vlpianus in l. fideicommissa, 11, §. 1, D. de legat. tertio: scribit, quoties quis exemplum testamenti præparat, si prius deccedat, quam testetur, scripturam illam ne vt codicillos quidem valere. Sed alia item quæstio exoritur. Nam si testatio exquiritur, quid ita non ea probabitur, cum clausæ complicatæque testamenti tabulæ singulis testibus diuersis diebus obsignandæ tradentur? Intelligendum est igitur, testamentum non esse testationem omnino, siue simpliciter: sed testationem septem testium, qua de caussa dictum in definitione est: Testamentum iustam esse contestationem, idque ipsum traditur à Theodosio in l. hac consultissima, 12, C. de testam. vbi statuit licere complicatum quidem aut inuolutum testamentum obsignandum testibus præbere, sic vt nullam ex illo partem intelligant, dummodo vno eodémque tempore & simul obsignent.

Non tamen. Hæc cum proximis verbis non satis cohærent. Et, vt quod suspicor aperiam, haud scio, an hoc Vlpiani verbum potius ad aliquam Sabini sententiam accommodatū sit, in qua scriptum eiusmodi aliquid fuisset: Mutus & surdus testes adhiberi in testamentis non possunt. Quæ tamen sententia puero cui hæc Tribonianus

bouianus notanda cōmiserat, effluxerit.

Vel sensu percipiat. Paulus, SENTIAT. Nā in III, Sentent. Ex his, inquit, qui ad testamentum adhibētur, si qui sunt, qui Latine nesciant, vel non intelligant, sed tamen sentiant cui rei sint adhibiti, non vitiant testamentum. Quibus verbis difficile dictu est, non illud aperte significari, solam mentis intelligentiam exquiri: sermonis, non esse necessariam: quasi videlicet solo nutu opus sit. Quod si ita est, primum cur furdos & mutos ab his testationibus arcemus: cum etiam nutu & mente sentire quid agatur possint? præsertim propter l. vbi non voce, D. de reg. iur. deinde quid illud est, quod in l. seq. traditur, testes rogandos esse, vt huic actioni operam dent: heredes ita nominatim appellandos esse, vt à testibus exaudiantur? Sed vt inuolutum testamentum præberi testibus obstringendum ponamus, tamen aut rogari testes & respondere rogatos, oportet: aut nutu negotiū istud transigi. Quod si per interpretem hæc confici dicamus, arg. l. i, in fi. D. de verb. obligat. quid est, quod sola mēte sentiri hæc oportere traditur? Denique coram Titio aliquid facere iussus, non videtur præsentē eo fecisse, nisi intelligat: ait Florent. in l. coram, 209, D. de verb. signific. Ne multa, arbitror istud ex D. Marci rescripto contra cōmunis & ordinarii iuris rationem inductum fuisse.

Latine non nouerat. Nam latine scribi testa-

stamenta oportebat: ante Theodosii quidem cōstitutionem. d. l. hac consultissima, in fin. & l. directas, C. de testam. manumiss. l. ult. C. de testam. tut. quin nec legatū quidem nisi Latine relinqui non poterat: vti scribit Vlpian. cap. Inst. xxv.

Putauit non valere. Significat alios fuisse, qui contra putarent: quorum opinionis ratio inuestiganda est. an igitur, quò aditio hereditatis coacta iure ciuili heredem efficit: qui tamen à Prætorē postea restituitur? vt in l. si mulier, 21, §. si metu, D. quod met. caus. Dissimilitudinis autem ratio hæc fuisse videtur, quia restitutio ei qui læsus est, tribuitur. testis autem nō læsus est: sed aut agnati proximi, aut heredes præter optatum suum instituti.

Lex XXI.

IDEM Libro secundo ad Sabinum.

Argumentum.

In testamento per scripto scribi heredes debent: in nuncupatio, discrete sunt nominibus appellandi, vt testes adhibiti exaudiant.

Heredes palam ita vt exaudiri possint, nuncupandi sunt. Licebit ergo testanti vel nuncupare heredes, vel scribere. Sed si nuncupat, palam debet. Quid est palam? non utique in publicum, sed vt exaudiri possit. exaudiri autem non ab omnibus, sed à testibus. & si fuerint plures testes adhibiti, sufficit sollemnem numerum exaudire.

Heredes. Et Sabini & Vlpiani verborum summa hæc est: In testamento nuncupato heredum nomina ita pronuntianda sunt, ut à septem testibus exaudiantur. l. iubemus, §. oportet, C. de testam. Duo testamentorum genera fuerunt, Scriptum & Nuncupatum. Ex heredis autem institutione denominabantur. itaque si nuncupatus heres sit, legata verò in scripto relicta, Nuncupatum testamentum dicebatur: legata ex codicillis deberi. l. ult. D. de iure codicill.

Licebit ergo. Superior sententia Sabini fuit. nunc Vlpiani sequitur interpretatio. Ex qua quantum inter utriusque & ingenium & scribendi elegantiam intersit, non difficile est existimare. quid enim ab Vlpiano hic dicitur, quod non à quouis, qui modo communi sensu & mediocri intelligentia præditus ellet, non facile ex Sabini verbis intelligi potuisset? aut verò quis ex eius verbis dubitare potuisset, an Palam heredes nuncupare, sit in foro, aut in acello per præconem pronuntiare.

Vel nuncupare. Et bonorum possessio secundum nuncupationem dabitur. l. 2, C. secund. tabul. l. ult. C. de codicill.

Si nuncupat. Obseruandum igitur, Nuncupatum testamentum ex testatoris voce, & testium auditione constare. Quod cum ita sit, difficile dictum est consuetudinem illam qua Tabel-

liones acceptum ex ore testatoris nomen testibus pronuntiant, cum hoc iure congruere. Neque ad rem pertinet, l. Pamphilo, 39, §. 1, D. de legat. tertio. primum quia testator eo loco palam omnibus audientibus C. Seiu affatus erat. deinde quia dissimilis est ratio fideicommissi singularis, quod legibus nullis tenetur: & heredum institutionis, quæ certo & proprio iure definita est. Vtrum autem nomine, an certa demonstratione designetur heres, nihil interest. l. quoties, §. si quis, & l. nemo dubitat, 58, D. de hered. instit. unde quaesitum est, an illa demonstratio valeat: Cuius nomen in schedula quam in fano deposui, vel quam L. Titio commendavi, perscripsi. Et cum Papinianus in l. asse toto, 77, D. de heredib. instit. illam demonstrationem probet: Quem heredem codicillis fecero, licet non. quamvis codicillorum usus sit obloletus, schedulas pro codicillis accipi, ratio postulat.

Siplures. Paulus lib. Senten. 3, Plures quam septem ad testamentum adhibiti, non nocent superflua enim facta prodesse, iuri tamen nocere non possunt. Hinc illud Augustini lib. de ciuit. Dei 4, cap. 27, De superuacuis, inquit, non magna cura est. solet enim & à viris peritis dici, Superflua non nocet. Quo loco IVRIS, nō VIRIS, legendum, planè mihi persuadeo.

§. 1. *Si quid.*

Si quid post factum. Sabini sententia: quæ cum

cum generalibus verbis cōcepta sit, sine dubio ad omnes testamenti partes pertinuit: hoc est, & heredis institutionem, & legata, & libertates, & tutelas. Posterioribus autem temporibus & codicillorū iustantū factum est, ut mutari legata per illos potuerint: l. si quis cum, 16, D. de vulg. & pupil. & doli exceptiones vsque eo productæ, ut etiam nuda voluntate & gratissimis exortis inimicitis, adimi legata posse traditum sit. l. militis, 36, §. 3, D. de mil. test. l. 3, §. vlti. D. de adim. legat. Quid? quod etiam posterioribus temporibus natum hoc ius est, ut mutari institutio possit, si modo cum extranei instituti fuissent, nunc qui ab intestato successuri erant, instituantur: diuimodo quinque testium iurciurando id comprobetur. l. hac consultissima, 21, in fin. C. de testam. vbi tamen Theodosius non quasi testamentum id valere vult, sed quasi vltimā intestati voluntatem. Quod cū ita sit, haud scio an verba illa l. 2, D. de iniust. rupt. **VEL IN EO SCRIPTVS EST QVI AB INTESTATO VENIRE POTEST:** non Vlpiani, sed potius Tribonianī sint, quā de re tamen nondum quicquam affirmo.

§. *Si quid post factum*

Argumentum.

Mutari nulla testamenti pars, nisi omnia de integro renoventur, potest declarari tamen, & planius explicari potest.

Si quid post factum testamentum mutari placuit omnia ex integro facienda sunt. Quod verò
quis

quis obscurius in testamento vel nuncupat vel scribit, an post sollemnia explanare possit queritur: ut puta Stichum legauerat, cū plures haberet: nec declarauit de quo sentiret. Titio legauit, cum multos Titios amicos haberet. errauerat in nomine, vel præ nomine, vel cognomine, cum in corpore nō errasset. poteritne postea declarare de quo senserit? & puto posse. nihil enim nunc dat, sed datum significat. sed & si notam postea adiecerit legato vel sua voce, vel litteris, vel summam, vel nomen legatarij, quod non scripserat, vel nūmorum qualitatem: an recte fecerit? & puto etiam qualitatem nummorum posse postea addi. nam & si adiecta non fuisset, uti que placeret coniectionem fieri eius quod reliquit, uel ex vicinis scripturis, vel ex consuetudine patrisfamilias, vel regionis.

COMMENTARIVS.

Post factum. Ante perfectū autem nihil prohibet priorem scripturam posteriore corrigere, commutare, rescindere. l. nihil prohibet, 17, D. de adim. legat. Cū autem consultō deleta, & inducta non valcant. l. 1, D. de his quæ in testam. perspicuum est, Mutandi verbum in Sabini sententia non ad lituras pertinere: sed ad inscriptiones. de quibus Vlp. d. l. 1, § 3.

Quod verò. Sequuntur additamenta Vlpiani: quæ nisi ad alteram Sabini sententiam, hoc est de inscriptionibus, d. l. 1. commodius pertineāt, errare me fateor. Quid enim ad sententiam
quæ

quæ de Mutando est, obscurorū interpretatio pertinet? cum Mutare, vt paulópost significat, propriè sit, quod prius datum non fuerat, nunc dare: aut verò quod datum antea fuerat, adimere. l. 1, §. 3, D. de his quæ in testamen.

In corpore nō errasset. Nam error in rei legatæ corpore legatum vitiat. l. quoties, 9, D. de hered. inst. in vocabulo, non vitiat. l. 4, De legat. primo.

Coniectiōem fieri. Vt in l. si seruus, 50, §. ult. de legat. primo.

Vicinitate scriptura. Sic in l. qui filiabus, 17, De legat. primo.

Consuetudine patrisfa. Vt l. librorum, 52, §. quod tamē, De legat. tertio. l. labeo, 7, de suppell. legat. l. ex vsu, 10, De tritic. vino legat.

§. In testamentis.

Argumentum.

In testamento testes esse, nisi qui hanc se operam rogatos nominatim testatori dare intelligant, non possunt.

In testamentis, in quibus testes rogati adesse debent, vt testamentum fiat, alterius rei causa forte rogatos, ad testandum non esse idoneos placet. Quod sic accipiendum est, vt licet ad aliam rē sine rogati vel collecti, si tamen ante testimonium certiores ad testamentum se adhibitos: posse eos testimonium suum recte perhibere.

COMMENTARIUS.

In testamentis. Sabini hæc sententia est, vsq;

h ad

ad illud, QVOD SIC accipiendum. idémque significatur in l. vlt. §. vlt. C. de iur. codicill. vbi hoc amplius traditur, in codicillis rogationem non requiri. Quod autem idem iuris traditur in l. ad fidem, D. de testib. generaliter intelligi posse non puto. nam in testationibus faciendis, rogandos esse testes, satis constat.

Quod sic accipiendum. Demiror Vlpianum in re minime necessaria operam consumere. Nam si Sabinus Aduocandi verbo vsus esset, vt apud veteres Aduocati testes dicebátur, quemadmodum ex Plauti comœdiis intelligitur: locus fortasse huic annotationi fuisset. Nunc cū simpliciter Rogádi verbo vsus sit, huius annotationis causam video non magnam.

§. vlt.

Argumentum.

Testamentum vno contextu sine vllius alterius negotii interpolatione fieri debet.

Vno contextu actus testari oportet. Est autem vno contextu, nullum actum alienum testamento intermiscere. quod (si) aliquid pertinens ad testamentum faciat, testamentum non vitatur.

COMMENTARIVS.

Vno contextu actionis. Sabini sententia: quā Vlpianus iis interpretatur verbis, ex quibus Iustinianus testatur, innumeras concertationes natas esse. l. cum antiquitas, 28, C. de testam.

Rem

Rem autem sic definit, vt alieni omnes actus numerentur, qui neque ad testamentum faciendum, neque ad testatoris aut testium fortuitum aliquod vitæ periculum euitandum pertineant. Quæ cū ita sint, quæsitum est à nostris, ecquid inter testamentum faciendum interponi stipulatio, aliúsue aliquis contractus possit. Veluti si testator dicat, fundum illum tot aureis tibi vendo. Argumentum sumitur ex l. 1, §. assignare, & l. assignare, D. de assign. libert. vbi traditur, Assignationem neque vt legatum, neque vt fideicommissum deberi: & tamen testamento recte fieri. Hoc perabsurde sic disputatur. Nam Aliena dicuntur, quæ vel contraria vel repugnantia sunt. eiusmodi alienationes sunt quæ inter viuos fiunt. quid enim testamentis quæ post mortem demum valent, & mutari in horas possunt, à contractibus alienius est? At quæ consentanea sunt, aliena non dicuntur. qualis assignatio liberti est, quæ non nisi post mortem, item vt testamentum, vel naturalem vel certe ciuilem, valet. Itaque Donatio causa mortis ita testamentis consentanea iudicata est, vt legatis plane comparata sit. l. ult. C. de donat. caus. mort.

Testari oportet. Intelligendum est, Testationis nomine eam demum significari, quæ iuris ciuilis est: hoc est denuntiatione & responsione. cū alioqui Testationis noīe & subscriptio & obsignatio vno contextu facta comprehen-

datur. l. hac consultissima, 21, C. cod. Hoc autem notandum fuit propter Vlpiani disputationem in l. si testamentum, 23, infra cod.

Lex XXII.

IDEM Libro trigesimonono. ad Edictum.

Ad testium numerum simul adhiberi possumus, ut ego & pater, & plures qui fuimus in eiusdem potestate.

COMMENTARIVS.

Vt ego. Legendum, *Et ego.* Rationem autem Vlpianus exponit in l. pater, 17, D. de testib. itemque Iustin. §. 4, De testam. quoniam nihil nocet ex vna domo plures testes alieno negotio adhiberi. Dubitandi causam afferebat, quod idoneus testis non est, cui testimonium imperari potest. l. idonei, 6, D. de testib. ac proinde summa patris in filium potestas cogere testimonium videretur. Legis autem æquitas est, quia cum in re aliena nihil patris fa. interfit, locus huic suspicioni esse non potest.

§. *Conditionem.*

Argumentum.

Testium cōditio non ex mortis, sed signandi testamenti tempore spectanda est.

Conditionem testium tunc inspicere debemus, cum signarent, non mortis tempore. Si igitur tunc cum signarem, tales fuerint ut adhiberi possint: nihil nocet si quid postea eis contingerit.

COMMENTARIUS.

Conditionem. Ius enim testamenti ex testationis tempore æstimatur: siue ut valeat, siue ut non valeat. l. si filius fa. 19, supra eo. Vulgo autem contra in aliis testationibus omnibus putatur: & sola huic sententiæ auctoritas quæritur ex l. notionem, 29, §. instrumentorum, D. de verbo. signifi. Primum in ea l. traditur, dilationem instrumentorum recognoscendorum causa peti posse. quod meo iudicio, ad id quod agimus, nihil pertinet. deinde quænam esset ultius opinionis æquitas, ut testationes propter accidentem aliquam in testium mutatione conditionem vitarentur? cum contra regula iuris sit, ut quæ ab initio recte atque ordine gesta sunt, propter aduentitium aliquod vitium non infirmantur. l. in ambiguis, D. de reg. iur. præterea cum maior in testimoniis testamentariis quàm in aliis religio adhibeatur, ut ex mulierum testimonio appareret: hoc autem in testamētis comprobetur, quid ueriam in ceteris non admitteretur? Dicer aliquis, Ecquo igitur exēplo seruus aut intestabilis in ius ad prætorem testimonii dicendi causa produceretur? Respōdetur, primum si necesse est, extra ordinē produceretur. deinde testamentum posse etiam per duorum testimonium probari, si forte vel ceteri mortui sint, vel instrumentum perditum fuerit, communiter receptum est arg. l. 2, De bon. pos. secund. tab.

§. 2.

Argumentum.

Testatoris annulo signare testis potest.

*Si ab ipso testatore anulum accepero, & signa-
uero, testamentum valet; quasi alieno signaue-
rim.*

COMMENTARIVS.

Quasi alieno. Dubitandi causam afferebat, quod cum vna imago esset, non septem singulatim, sed vnus septies obsignasse videretur. æquitas legis est, quia plerique vno signo sine sculptura utebantur. vt ex Papiniano iudicatur in §. 2, Inst. De testam. De annulo alieno etiam traditur in l. si vnus, 12, C. de testam.

§. Si Signa.

Argumentum.

Signum a testatore turbatum, pro nihilo habendum est.

Si signa turbata sint ab ipso testatore, non videtur signatum.

COMMENTARIVS.

Turbata. Hæc enim turbatio, mutata testatoris sententiæ argumento est. item vt lini quo pertusæ tabulæ alligatæ sunt, abscissio, aut signorum euulsio. l. nostram, 30, C. de testam.

Ab ipso testatore. Rectè. nam ab alio facta sine domini iussu conturbatio, nihil nocet. Turbatum igitur à domino, idquæ consulto & de industria

industria factum esse oportet: idest rescinden-
di testamenti animo atque consilio. l. 1, infra,
De his quæ in testam. delent. & proximo capite
planius intelligetur.

§. *Signum autem.*

Argumentum.

Non modo annulo, verum etiam quavis re quæ modo *χαρὰν*
ῥῆμα habeat signari potest.

Signum autem utrum annulo tantum impres-
sum adhibemus: an verò etsi non annulo, verum
alio quodam impresso? varie enim homines signāt.
& magis est, ut tantum annulo quis possit signare:
dum tamen habeat *χαρὰν ῥῆμα.*

COMMENTARIUS.

Ut tantum annulo. Legendū vt non tantū,
ante annos duodecim multis audientibus di-
sputavi. itaque nota illa proxima, DVMMODO,
perspicue flagitat. alioqui quorsum illa sigilla,
quæ lingua nostra Cachettos appellamus? quā
sententiam nostram in Instit. commentariis te-
stati sumus.

§. *Posse & nocte.*

Argumentum.

Signato linteo signatæ tabulæ intelliguntur.

Posse et nocte signari testamentū, nulla dubitā-
tio est. Signatas tabulas accipi oportet, & si linteis
quo tabulæ involutæ sunt, signa impressa fuerint.

Linteo. Cui superinducta cera sit. Linteo igitur tabulæ inuoluebantur: lino traiciebantur. §. 4, De vulg. & pupill. Suetonius Nerone: Aduersus falsarios tunc primum repertum, ne tabulæ, nisi pertusæ, ac ter lino per foramina traiecto, obsignarentur. Eiusque rei vestigiū extat. in l. 1, in fin. D. secund. tab. Dubitandi autem causa hæc fuit, quia tabulæ ipsæ ceratæ, imæ, id est postremæ obsignabatur. vt apud eundem Suetonium: Cautum, vt in testamentis primæ duæ ceræ testatorum nomine inscripto vacuæ signaturis ostenderentur. vbi tamē IMÆ, id est vltimæ pro PRIMÆ corrigendum arbitrarer. qua de re in 3, Observationum disceruimus.

Lex XXIII.

1DEM Libro quarto disputationum.

Argumentum.

Resignatum testamentum, si modo iterū signatū sit, valet.

Si testamentum quod resignauerit testator, iterum signatum fuerit septem testium signis, non erit imperfectum: sed vtroque iure valebit tam ciuili, quam pratorio.

COMMENTARIVS.

Resignauerit. Resignare, est signa reuellere. Itaque dubitandi causam afferre potuit, quod cum signa reuellere multo plus sit, quam conseruare: præterea reuelli signa sine lini abscissione

scissione non possint, superius tamen dictum sit solam signorum turbationem, solamue lini abscissionem testamentum rumpere. ex l. nostram, 30, C. eod. Eò accedit, quòd subscriptio sine obsignatione nullius momenti est. l. prox. §. si quis. hoc autem testamentum aliquandiu sine obsignatione mansit. ut plane ruptum atque extinctum videatur, nouaqué ab integro sollemnitas adhibenda. Respondendum igitur, testatoris mentem, animum, consilium, voluntatem in his rebus dominari. Nam si signa rumpendi testamenti animo reuellit, sine dubio testamentum intercidit. at hoc loco non rūpendi, sed relegendi, & recognoscendi, & aliquid fortasse mutandi consilium fuit. Maior aliquāto quæstio exoritur propter l. hac cōsultissima, 21, C. eod. ubi Theodosius iubet, vno contextu subscriptionem & obsignationem fieri. Nam si huius obsignationis eandem esse rationem dicamus, quæ illius fuit, quam in mysticis testamentis obseruabant, ut inuolutæ testamenti tabulæ obsignandę testibus traderentur: contrā illud pugnat, quod etiam in huiusmodi testamentis subscriptio & obsignatio vno contextu fieri iubetur. Itaque, ut iam dixi, magna & prope inexplicabilis hæc quæstio est. Nam ut Theodosium multo posteriorē ætate Vlpiano fuisse dicamus, tamen subscriptiones huius quoque tēpore vsitatas fuisse, superiore capite expositū est. Reliquū est igitur, ut clausulā illā conside-

remus qua Vlpianus vtitur: quasi similis eius esset disputatio quæ Iuliano attribuitur in l. gal-
lus, §. ille casus, De lib. & post. nimirum testa-
mentum hoc neutro iure separatim, ac proprie
considerato, perfectum esse: sed utroque. ut
à testium præsentia & subscriptione, iure ciui-
li valeat: ab obsignatione verò, iure Prætorio.

Septem testium. Vtrum eorundem, an etiam
aliorum? Nam si eorundem, male profectò de
nostris ingeniis meritis est, Vlpianus dicá, an
Tribonianus? cùm hæc indefinitè scripta enun-
tiatio significare videatur nihil interesse. alio-
qui vocem EORVNDEN Latinæ linguæ con-
suetudo postulabat. Itaque contrarias hac in re
video Doctorum nostrorum esse sententias. Et,
ut paucis quod sentio exponam, cum orationis
huius Latinæ ratio, tum etiam subiecta clausu-
la eò me adduxit, ut existinem, etiam aliorum
testium obsignationem valere. sic enim Vlpia-
nus infert: Vtroque iure valebit, tam ciuili, quàm
Prætorio. Ciuilis autem iuris esse præsentiam
testium, & ex Constitutionibus subscriptionē,
à Præторе autem obsignationē manasse, Iustin.
in Institut. testatur. Constat autem moris fuisse,
ut complicatæ inuolutæq; tabulæ obsignan-
dæ testibus præberentur. Itaque iure quidem
ciuili valebit hoc testamentum, sed ex parte:
hoc est, à præsentia & subscriptione testium:
iure verò Prætorio ex parte item, nimirum ab
obsignatione. quòd si iura singula separatim
consi-

consideraremus, & testamentū hoc ad strictam cuiusque regulam exigeremus, sine dubio imperfectum videretur. sed in fauorem testamentorum propositum hoc ab Vlpiano existimo: non tamen asseueratum. quod meo iudicio inscriptio illa declarat, quæ significat caput ex quarto illius disputationum libro sumptum fuisse.

Lex XXIIII.

FLORENTINVS *Libro decimo institutionum.*

Argumentum.

Quotcumque testamenti exempla ritè consignata sunt, tot valent.

Unum testamentum pluribus exemplis consignare quis potest. idque interdum necessarium est. forte si nauigaturus, & secum ferre & relinquere iudiciorum suorum testationem velit.

COMMENTARIUS.

Pluribus exemplis. Recte, Pluribus exemplis aliquid perscribere. cum omnium par similisque auctoritas est. Itaque Suetonius in Tiberio: Duplex, inquit, testamentum fecerat, alterum sua, alterum liberti manu, sed eodem exemplo. Et sic Vlpianus in l. ult. infra. De his qui test delent. Sic in epist. Vatinii: Litteras ad Senatum nostris de rebus gestis, quo exemplo miseram, infra tibi perscripsi. At si alterum authenticum est, altera descriptio: illud exemplar, hoc exemplum dicitur. vt in l. 1, §. 1, vers.

sed si vnum D. secund. tab. Ibi tamen Vlpianus Plura exemplaria dixit, pro iis quę hic Florentinus exempla nominauit. Dubitandi causa non magna est: nimirum, quia non plura vnius hominis testamenta esse possunt. hoc autem casu plura videbantur. Itaque Duplex, vt dixi, Tiberii testamentum Suetonius appellauit. sed reuera vnum est, pluribus exemplis scriptum: quorum tamen ita eadem vis eademque auctoritas est, vt vno non extante, alterum valeat. d. l. 1, §. si quis. & d. l. vlt. De his quę in testam. Aliud autem est, Pluribus exemplis, aliud Pluribus codicibus testamentum scribere. in illorum singulis totum perscribitur, in his pars duntaxat: vt scribit Vlpianus d. §. si quis. Indęque illud Suetonii in Augusto: Testamentũ factũ ab eo, ac duobus codicibus, partim ipsius, partim libertorum Polyi & Hilarionis manu scriptum, depositũque apud se Virgines Vestales, cũ tribus signatis æque voluminibus, protulerunt.

Lex

XXV.

IAVOLENS *Libro quinto Posteriorum
Labeonis.*

Argumentum.

Qui primis heredibus nominatis, quum alios nominaturus esset, obmurmur, eius testamentum nullum est.

Si is qui testamentum faceret, heredibus primis nuncupatis, prius quàm secundos exprimeret heredes,

des, obmutuisset, magis coepisse eum testamentum facere quàm fecisse, Varus digestorum libro primo Servium respondisse scripsit. itaque primos heredes ex eo testamento non futuros. Labeo cum hoc verum esse existimat, si constaret voluisse plures eum qui testamentum fecisset, heredes pronuntiare. ego nec Servium puto aliud sensisse.

COMMENTARIUS.

• Prius quàm secundos. Primi heredes plerunque appellatur, qui primo gradu instituti sunt: Secundi, qui secundo: hoc est substituti. Sed Labeonis verba perspicue ostendunt, nihil hæc ad substitutos pertinere: cum ita loquitur: Voluisse plures pronuntiare. Cum enim plures heredes dicimus, eiusdem gradus atque ordinis heredes intelligimus. præterea iuris quoque ratio id ostendit. nam in substitutis aliud respondendum fuisse, non dubito. constare scilicet testamentum, perfectumque esse sola primi gradus institutione: quippe quæ testamenti anima & substantia est. l. quod per manus, 10, D. de iur. codicill. l. 3, De his quæ in testam. del. quid enim, si instituti extent, substitutionis ad nos disputatio pertinet? Vnde illud vulgatum in l. 1, De hered. inst. l. errore, 7, C. de testam. testamentum duobus hisce verbis constare posse: Titius esto: vel his, Titius heres. Denique sola primi gradus institutio testamenti substantia & firmamentum est: substitutio

autem, & legata, & fideicommissa, & tutorum dationes externa sunt, & accidentia: quæ sine subiecti interitu & adesse & abesse possunt. Ut mihi quidem dubium esse nō possit, quin falsa nostrorum opinio sit, qui idem in legatis putarunt esse ius, quod hic Seruius in pluribus heredibus statuit.

Varus. Alfenus Varus, Ser. Sulpitii auditor.

Seruium respondisse. Causæ constitutio hæc est. Qui quatuor heredes instituere volebat, posteaquam duorum nomina nuncupauit, vi valetudinis oppressus obmutuit. Eo mortuo, nuncupati bonorum possessionem postulant. Intentio agnatorum: Nullum defuncti testamētum est. D. Imo est. Q. Vtrum testamētum sit, an non. R. quia testamentum dicitur, quod heredis institutione constat. F. Imo Testamētum perfectum dicitur iusta, hoc est plena & integramētis ac voluntatis contestatio. Hæc autem iusta ac plena non est. Disceptatio ex verbi ambiguitate nascitur. Seruius respondit: Nō esse testamentum, in quo non iusta & plena defuncti sententia extaret. Contrà tamen putatur Iustinianus statuisse in l. iubemus, §. quid si non fuerit, C. de testam. vbi si testator plures pronuntiarit heredes, testes autem quorundā duntaxat nomina scripserint, iubet eos demū heredes esse, quorum nomina notata fuerint. Sed Iustinianus de Scripto, nos de Nuncupato testamēto agimus. Scripti autem nisi quatenus
scriptura

scriptura extat, vis nulla est. denique ex co testamētorum genere postulari bonorum possēssio, nisi secundum tabulas, non potest. Ex eodē testamento agi simul & secundum tabulas, & secundum nuncupationem non potest. Iā verò quod traditur in l. hac consultissima, C. cod. vbi heredes instituti sunt, qui ab intestato successuri fuerant, imperfectum testamentum valere: primū, ius hoc totum singulare & extraordinarium est: neque iuri communi opponendum. deinde ne testamentum quidem hoc appellatur, sed vltima intestati voluntas: postremò imperfectum eo loco dicitur, non à testatoris persona, aut institutionis iure: sed à ritu & solleinnibus duntaxat.

Constaret voluisse. Vnde autem constabit? opinor ex eo præcipuè, si forte ex certis asis partibus priores instituisset, neque assem complexer.

Nec Seruium puto. Ingenuè Iauolenus: cū in Labeonis nota subesse cauillationem constaret. Cur enim Primos Alfēnus nominasset, nisi alios superesse constitisset? Similis cauillatio notatur aliis locis nonnullis. Hac de re superius sub l. is cui, 18, §. 1, satis dictum est.

Lex XXVI.

CELSVS *Libro quintodecimo Digestorum.*

Argumentum.

Qui testamentum scribit, testis eidem adhiberi testamēto pōt.

Domitius

Domitius Labeo Celso suo salutem. Quæro an testium numero habendus sit is, qui cum rogatus est ad testamentum scribendum, idem quoque cum tabulas scripssisset, signarit. Iubentius Celsus Labeoni suo salutem. Aut non intellego quid sit de quo me consuleris, aut valide stulta est cōsultatio tua. plus enim quàm ridiculum est dubitare, an aliquis iure testis adhibitus sit, quoniam idem & tabulas testamenti scripserat.

COMMENTARIVS.

Domitius. Qui ad scribendum testamentū rogatus est, obsignare illud, vt testis potest. Hos autem Testamētarios appellabant. l. 1, D. si quis aliq. test. prohib. l. 9, D. de hered. instit. Dubitandi caussa hæc fuit: quia nemo in re sua testis est idoneus. Scriptum autem illud, res eius esse videbatur, qui id confecerat. quasi Depulsionis Ratio sit, res sua cuiusque dicitur, in qua quid ab eo gestum est. vnde illud legis Corneliæ & Neronis apud Sueton. Ne quis alieni testamenti scriptor, legatum sibi ascriberet. quasi sibi ipse testimonium diceret. Firmamentum autem eius qui scriptoris testimoniū oppugnet, huiusmodi: Imo, Res sua cuiusque dicitur, in qua eius negotium gestum est. Totum autē hoc quicquid est negotii inter testatorem & heredem transfigitur: vt ait Imp. §. 3, De testam. At Doctores nostri, vt Labeonis pudorem conseruarent, eiúsque consultationē ab opinione stultitiæ

stultitiæ vindicarent, alteram Iubentiani dilemmatis partem arripuerunt: quasi Domitii consultatione Iubentius non intellexisset: quæstionis autem causa hæc fuisset, quod in testamentis in quibus testes rogati adesse debent, alterius rei causa forte rogati, ad testandum idonei esse negantur. in l. heredis, 21, §. pen. supra eod. hic autem ad scribendum aduocatus, & rogatus, post scriptum confectum rogatus non fuisset, ut testimonium perhiberet, & obsignaret. Qua ex re de mirifica nostrorum argutia & subtilitate existimari potest: qui ut Domitii estimationi consulant, & Iubentium stuporis ac tarditatis, & illum longe maioris stultitiæ coarguunt. Non animaduverterunt scilicet Iubentium hunc Celsum Adriani temporibus, quibus Domitius Labeo adolescens exortus est, natu iam grandem, & morosum, & illius, ut credi par est, præceptorem, hac responsionis acerbitate illius studium acuere voluisse. Increpari autem adolescentes à senibus, præsertim studiorum & disciplinæ causa, honori potius illorum quam vitio vertitur. Propterea autem stultior nostrorum consultatio fuisset, quia & Sabini regula in d. §. penult. & quævis alia similis sententia, perspicue loquitur de aduocato alterius rei quam testamenti causa. veluti si medicus curationis causa rogatus, sine altera rogatione noua & certa, testamentum obsignaret. At is de quo agebamus cuiusnam alterius rei, nisi testa-

menti caussa, euocatus & rogatus fuerat: an qui ad scribendum testamentum rogatus est, alterius cuiuspiam negotii quàm testamenti caussa rogatus est? Cum enim, rem alterà dicimus, alteram nimirum à testamenti negotio & actione intelligimus. Dubitandi ergo hac quidam ex parte caussa fuit nulla. At ex altera parte eo maiorem fuisse, vel ex nostris moribus facilius erit intelligi, quibus Notarios & Tabelliones in testamentis scribendis, ceterisque testationibus conficiendis adhibemus. quos in ea re cuius ipsi testationem conficiunt, testes adhiberi, nulla ratio est.

Lex XXIX.

PAVLVS *Libro quartodecimo Responsorum.*

Argumentum.

Scriptura ad testamentum parata, vim testamenti non habet, nisi hæc ei verba defunctus subscripserit, Hoc testamentum, quacunque ratione poterit, ratum esse volo.

Ex ea scriptura quæ ad testamentum faciendum parabatur, si nullo iure testamentum perfectum esset: nec ea quæ fideicommissorum verba habent, peti posse. Ex his verbis quæ scriptura paterfamilias addidit, videtur illi dantibus potius, quàm legibus vel iuris scriptis, videri eum voluisse omnimodo valere ea quæ reliquit, etiam si intestatus decessisset.

COMMENTARIVS.

Huius legis duo quidem sunt capitula: sed inter

ter se coniungenda, & simul legenda sunt: hoc modo: Ex imperfecto testamento, quâvis fidei commissariis verbis constet, nisi pro codicillis valere iussum sit, nihil debetur. Enunciationes igitur duæ sunt: quarum hæc prior est: Scripturæ ad testamentum paratæ, quanvis fideicommissaria sit, tamen vis nulla est. Quod idem traditur in l. si veritas, 23, & l. ex testamento, 29, C. de fideicom. l. fideicommissa, 11, D. de leg. tertio. Altera hæc est: Testamentum imperfectum si pro codicillis valere iussum sit, valet. l. si iure, 11, C. de testam. manumiss. l. ult. C. de codicill. & l. 3, D. de milit. testam. Eoque pertinet l. Lucius, 89, §. ult. De legat. secundo. Neque aduersatur l. ult. D. de iur. codicill. quia codicilli etiam nuncupati testamenti appendices sunt. Multo minus l. in testamento, 38, De fideic. liber. quia pietatis causa singulare ius contra iuris ordinarii rationem introductum est. Quarum causarum consequentia nulla est. l. quod contra, De reg. iur. Restat l. Titia, 13, De inoff. testam. sed cum testamentum per inofficiosi querelam tanquam furiosi rescissum sit, ne codicilli quidē ex eo valere possunt. nihilomagus enim codicillos quàm testamentū facere furiosi possunt. l. ne codicillos, 5, C. de codicill. l. 2, §. 2, D. cod.

in iura iuris. Clausulæ codicillaris formulæ duæ sunt: quarum hæc prior est: Si non valet iure testamenti, valeat iure codicillorum:

l. si iure, 2, C. de testam. manumiss. l. ult. C. de
 codicill. l. coheredi, 41, §. 2, De vul. & pupill.
 altera clausula hæc est: Quoquo modo, quacun-
 que ratione poterit. vt hac l. & l. 3, D. de mil.
 testam. l. Lucius, 89, §. vlt. De leg. secundo.

Lex XXX.

IDEM *Libro tertio sententiarum.*

Argumentum.

Testis, quis, & cuius testamentum signet, adnotare debet.

*Singulos testes, qui in testamento adhibentur,
 proprio chirographo adnotare conuenit, quis, & cu-
 ius testamentum signauerit.*

COMMENTARIYS.

Proprio chirographo. Ex omnibus obseruatio-
 nibus testamentariis summa hæc & acerrima
 fuisse uidetur: vt testis nemo nisi qui scribe-
 re possit, admittatur. quin & subscriptionis for-
 mula præscribitur: L. Titius C. Meui testamen-
 to testis subscripsi, idq; ob signauit. Obseruan-
 dum igitur quod aliquoties iam dictum est: mul-
 to maiorem in testamentariis quam in aliis te-
 stimoniis religionem adhiberi solitam fuisse.

Lex XXXI.

IDEM *Libro quinto sententiarum.*

Argumentum.

Hæc verba, Illum heredem instituam, vim testamenti non
 habent.

Eius

Eius bona, qui se Imperatorem facturum heredem esse iactauerat, à fisco occupari non possunt.

COMMENTARIUS.

Huc illud Suetonii pertinet in Domitiani rita: Confiscabatur a bonissima hereditates, vel vno existente qui diceret, audisse se ex defuncto, cum diceret, heredem sibi Cæsarem esse.

F I N I S.



DE LIBERIS ET POSTVMIS HE- REDIBVS INSTI- tuendis vel exheredā- dis. TIT. II.

Lex I.

VLPIANVS *Libro primo ad Sabinum.*

Argumentum.

Nominatim exheredari etiam dicitur, qui vel nomine, vel prænominē, vel cognomine tantum appellatus est.

*Quid sit nominatim exheredari videamus. no-
men, & pronomen, & cognomen eius dicendū est,
an sufficit vel vnum ex his? & constat sufficere.*

COMMENTARIVS.



Vid sit Nominatim. Antecedebat
scilicet Sabini sententia, ex præ-
scripto. l. inter cetera, 30, D. de lib.
& postum. nimirum, Testamenti
caput esse, vt Filiifia. vel heredes instituantur,
vel nominatim exheredentur. Cuius positionis
ratio hæc est. Nā cū rei paternæ, quasi suæ, he-
redes l. x i. tab. designati sint: iure ciuili, hoc est
à Iuriscons. constitutum fuit, vt eorum præte-
ritione

ritione testamenta vitiarentur: quasi obliuione præteriti fuissent. Aut igitur instituendi, aut exheredandi fuerunt. sed quia non quæuis exheredatio, verum ea demum quæ rite facta est, valet: l. non putauit, 8, §. 2, D. de contr. tab. propterea quid sit, Rite exheredari ab initio demonstrandum fuit. Intelligendum est igitur, Exheredationis duas formulas fuisse: vnam vulgare, & in testamentis prope sollempnem atq; vlitatâ: CETERI exheredes sunt. vti patet ex l. Lucius, 53, De hered. instit. qua formula reliqui omnes præter filios fa. continebatur. hoc est, parentes, liberi secundi gradus, filia, propinqui, affines, amici. in hos enim etiâ Exheredandi verbû abusione quadam transferri, multis testimoniis in Commentario verborum iuris, docuimus. Altera exheredationis formula filiorum fa. propria, præcipua, ac peculiaris fuit: eaque NOMINATIM fieri dicebatur. Nomen autem propterea exigebatur, quia cum exheredatio & naturæ iuri, & leg. xxi. tab. contraria sit, nisi de testatoris voluntate certum & exploratum esset, nunquam Iurisconsultorum interpretatione adiuuabatur. Non igitur satis fuit scribere, CETERI exheredes sunt: vt filii fa. excludantur. Sed aliud est, CETERI exheredes sunt: aliud CETERI filii exheredes sunt. tum enim nominatim propter filiorum vocabulum concepta exheredatio videtur. l. titius, 25, inf. eod.

Constat sufficere. Nam, hoc amplius, dū exploratum

ploratum sit de quo agatur, vtrum nomine, an
certa demonstratione res designetur, nihil in-
terest. §. siquidem, De legat. l. quoties, 9, §. si-
quis, D. de hered. instit.

Lex II.

IDEM Libro sexto Regularum.

Argumentum.

Oratio hæc, filius meus exheres esto: si vnicus sit filius, va-
let: si plures, nequaquam.

Nominatim exheredatus filius & ira videtur,
Filius meus exheres esto, si nec nomē eius expressum
sit, si modo vnicus sit. nam si plures sunt filij, be-
nigna interpretatione potius a plerisque respōdetur,
nullum exheredatum esse.

COMMENTARIUS.

Benigna interpretatione. Ex iuris igitur & æ-
quitatis contentione nata disceptatio est. Sūmi
autem iuris rationem hanc esse arbitror, quod
indefinita oratio, idem quod vniuersalis valet.
Vnde Vlpianus in l. siquis ita, 16, D. de testam.
tur. Si quis, inquit, filio tutorem dederit, & plu-
res filios habeat: an omnibus filiis dedisse vi-
deatur? magis est, vt omnibus dedisse videatur.
quin & si dixerit, Filiis meis tutores do: etiam
filiabus dedisse intelligitur, l. si ita sit scriptum,
45, D. de legat. secund. Ex quo intelligi po-
test, si qui plures filios habebat, ita scripserit:
Filius meus heres esto: non esse dubitandum,
quin

quin omnes filios instituisse videatur. Constat
autem contrariorum eandem esse disciplinam.
Hæc igitur cum iuris summi subtilis & exquisi-
ta ratio esset; tamen potiore æquitati, & be-
nignitatis quàm rigoris habendam esse ratione,
existimatum est: ut Paulus scribit in l. cum
quidam, 19, infra eod. aliam causam esse insti-
tutionis, quæ benigne acciperetur: aliam ex-
heredationis, quæ interpretatione adiuvanda
non esset. Quod autem de filiis hoc loco tra-
ditur, idem de postumis intelligendum est.
Itaque si postumus singulari numero institutus
est, plures nati ex æquis partibus instituti intel-
ligentur. l. vtrum, 7, D. de reb. dub. l. clemens, 8,
D. de hered. inst. At si exheredatus est postu-
mus, & vel plures filii, vel filius & filia nascā-
tur, nulla erit exheredatio. l. 1, §. 2, D. de vent.
in poss. mitt. quin etiam cum in causis odiosis
fœmininum sub masculino non comprehen-
datur, postumi filii neque institutione neque
exheredatione filiam contineri existimatem.
arg. l. si ita scriptum, 13, D. infra eod. Ad supe-
riorem partem pertinet Iustiniani constitutio
ex æquitate nata in l. cum inter, in fi. C. de fi-
deic. libert.

Lex III.

IDEM Libro primo ad Sabinum.

Argumentum.

Hæc formula, Vxor mea natus, non nominandus, non filius
meus, latro, gladiator, adulterio natus, exheres esto: valent.

remus qua Vlpianus vtitur: quasi similis eius esset disputatio quæ Iuliano attribuitur in l. gal-
lus, §. ille casus, De lib. & post. nimirum testa-
mentum hoc neutro iure separatim, ac proprie.
considerato, perfectum esse: sed utroque. ut
à testium præsentia & subscriptione, iure ciui-
li valeat: ab obsignatione verò, iure Prætorio.

Septem testium. Vtrum eorundem, an etiam
aliorum? Nam si eorundem, male profectò de
nostris ingeniis meritis est, Vlpianus dicā, an
Tribonianus? cùm hæc indefinitè scripta enun-
tiatio significare videatur nihil interesse. alio-
qui vocem EORVNDEN Latinæ linguæ con-
suetudo postulabat. Itaque contrarias hac in re
video Doctorum nostrorum esse sententias. Et,
ut paucis quod sentio exponam, cum orationis
huius Latinæ ratio, tum etiam subiecta clausu-
la cò me adduxit, ut existinem, etiam aliorum
testium obsignationem valere. sic enī Vlpia-
nus infert: Vtroque iure valebit, tam ciuili, quā
Prætorio. Ciuilis autem iuris esse præsentiam
testium, & ex Constitutionibus subscriptionē,
à Præторе autem obsignationē manasse, Iustin.
in Institut. testatur. Constat autem moris fuisse,
ut complicatæ inuolutæq; tabulæ obsignan-
dæ testibus præberentur. Itaque iure quidem
ciuili valebit hoc testamentum, sed ex parte:
hoc est, à præsentia & subscriptione testium:
iure verò Prætorio ex parte item, nimirum ab
obsignatione. quòd si iura singula separatim
confi-

consideraremus, & testamentū hoc ad strictam cuiusque regulam exigeremus, sine dubio imperfectum videretur. sed in favorem testamentorum propositum hoc ab Vlpiano existimo: non tamen asseueratum. quod meo iudicio inscriptio illa declarat, quæ significat caput ex quarto illius disputationum libro sumptum fuisse.

Lex XXIII.

FLORENTINVS *Libro decimo institutionum.*

Argumentum.

Quotcumque testamenti exempla ritè consignata sunt, tot valent.

Unum testamentum pluribus exemplis consignare quis potest. idque interdum necessarium est. forte si nauigaturus, & secum ferre & relinquere iudiciorum suorum testationem velit.

COMMENTARIUS.

Pluribus exemplis. Recte, Pluribus exemplis aliquid perscribere. cum omnium par similisque auctoritas est. Itaque Suetonius in Tiberio: Duplex, inquit, testamentum fecerat, alterum sua, alterum liberti manu, sed eodem exemplo. Et sic Vlpianus in l. ult. infra. De his qui test delent. Sic in epist. Vatinii: Litteras ad Senatum nostris de rebus gestis, quo exemplo miseram, infra tibi perscripsi. At si alterum authenticum est, altera descriptio: illud exemplar, hoc exemplum dicitur. vt in l. 1, §. 1, vers.

sed si vnum D. secund. tab. Ibi tamen Vlpianus Plura exemplaria dixit, pro iis quę hic Florentinus exempla nominauit. Dubitandi causa non magna est: nimirum, quia non plura vnius hominis testamenta esse possunt. hoc autem casu plura videbantur. Itaque Duplex, vt dixi, Tiberii testamentum Suetonius appellauit. sed reuera vnum est, pluribus exemplis scriptum: quorum tamen ita eadem vis eademque auctoritas est, vt vno non extante, alterum valeat. d. l. 1, §. si quis. & d. l. ult. De his quę in testam. Aliud autem est, Pluribus exemplis, aliud Pluribus codicibus testamentum scribere. in illorum singulis totum perscribitur, in his pars duntaxat: vti scribit Vlpianus d. §. si quis. Indęque illud Suetonii in Augusto: Testamentũ factũ ab eo, ac duobus codicibus, partim ipsius, partim libertorum Polyi & Hilarionis manu scriptum, depositũque apud se Virgines Vestales, cũ tribus signatis æque voluminibus, protulerunt.

Lex XXV.

I AVOLENVS *Libro quinto Posteriorum*
Labeonis.

Argumentum.

Qui primis heredibus nominatis, quum alios nominaturus esset, obmutuit, eius testamentum nullum est.

Si is qui testamentum faceret, heredibus primis nuncupatis, prius quàm secundos exprimeret heredes,

des, obmutuisset, magis coepisse eum testamentum facere quàm fecisse, Varus digestorum libro primo Servium respondiſſe scripsit. itaque primos heredes ex eo testamento non futuros. Labeo cum hoc verũ esse existimat, si constaret voluisse plures eum qui testamentum fecisset, heredes pronuntiare. ego uerò Servium puto aliud sensiſſe.

COMMENTARIUS.

Prius quàm secundos. Primi heredes plerunque appellatur, qui primo gradu instituti sunt: Secundi, qui secundo: hoc est substituti. Sed Labeonis verba perspicue ostendunt, nihil hæc ad substitutos pertinere: cum ita loquitur: Voluisse plures pronuntiare. Cum enim plures heredes dicimus, eiusdem gradus atque ordinis heredes intelligimus. præterea iuris quoque ratio id ostendit. nam in substitutis aliud respondendum fuisse, non dubito. constare scilicet testamentum, perfectumque esse sola primi gradus institutione: quippe quæ testamenti anima & substantia est. l. quod per manus, 10, D. de iur. codicill. l. 3, De his quæ in testam. del. quid enim, si instituti extent, substitutionis ad nos disputatio pertinet? Vnde illud vulgatum in l. 1, De hered. inst. l. errore, 7, C. de testam. testamentum duobus hisce verbis constare posse: Titius esto: vel his, Titius heres. Denique sola primi gradus institutio testamenti substantia & firmamentum est: substitutio

i 3 autem

autem, & legata, & fideicommissa, & tutorum dationes externa sunt, & accidentia: quæ sine subiecti interitu & adesse & abesse possunt. Ut mihi quidem dubium esse nō possit, quin falsa nostrorum opinio sit, qui idem in legatis putarunt esse ius, quod hic Seruius in pluribus heredibus statuit.

Varus. Alfenus Varus, Ser. Sulpitii auditor.

Seruium respondisse. Causæ constitutio hæc est. Qui quatuor heredes instituere volebat, posteaquam duorum nomina nuncupauit, vi valetudinis oppressus obmutuit. Eo mortuo, nuncupati bonorum possessionem postulant. Intentio agnatorum: Nullum defuncti testamētum est. D. Imo est. Q. Vtrum testamētum sit, an non. R. quia testamentum dicitur, quod heredis institutione constat. F. Imo Testamētum perfectum dicitur iusta, hoc est plena & integramētis ac voluntatis contestatio. Hæc autem iusta ac plena non est. Disceptatio ex verbi ambiguitate nascitur. Seruius respondit: Nō esse testamentum, in quo non iusta & plena defuncti sententia extaret. Contrā tamen putatur Iustinianus statuisse in l. iubemus, §. quid si non fuerit, C. de testam. vbi si testator plures pronuntiarit heredes, testes autem quorundā duntaxat nomina scripserint, iubet eos demū heredes esse, quorum nomina notata fuerint. Sed Iustinianus de Scripto, nos de Nuncupato testamēto agimus. Scripti autem nisi quatenus
scriptura

scriptura extat, vis nulla est. denique ex co-
testamētorum genere postulari bonorum posses-
sio, nisi secundum tabulas, non potest. Ex eodē
testamento agi simul & secundum tabulas, &
secundum nuncupationem non potest. Iā verò
quod traditur in l. hac consultissima, C. cod.
vbi heredes instituti sunt, qui ab intestato suc-
cessuri fuerant, imperfectum testamentum va-
lere: primū, ius hoc totum singulare & ex-
traordinarium est: neque iuri communi oppo-
nendum. deinde ne testamentum quidem hoc
appellatur, sed vltima intestati voluntas: po-
stremò imperfectum eo loco dicitur, non à te-
statoris persona, aut institutionis iure: sed à ri-
tu & sollemnibus duntaxat.

Constaret voluisse. Vnde autem constabit?
opinor ex eo præcipuè, si forte ex certis asis
partibus priores instituisset, neque assem com-
plexer.

Nec Seruium puto. Ingenuè Iauolenus: cū
in Labeonis nota subesse cauillationem consta-
ret. Cur enim Primos Alfenus nominasset, nisi
alios superesse constitisset? Similis cauillatio no-
tatur aliis locis nonnullis. Hac de re superius
sub l. is cui, 18, §. 1, satis dictum est.

Lex XXVI.

CELSVS *Libro quintodecimo Digestorum.*

Argumentum.

Qui testamentum scribit, testis eidem adhiberi testamēto pōt.

Domitius

*Domitius Labeo Celfo suo salutem. Quæro an
testium numero habendus sit is, qui cum rogatus
est ad testamentum scribendum, idem quoque cum
tabulas scripsisset, signarit. Iubentius Celfus La-
beoni suo salutem. Aut non intellego quid sit de quo
me consuleris, aut valide stulta est cōsultatio tua.
plus enim quàm ridiculum est dubitare, an aliquis
iure testis adhibitus sit, quoniam idem & tabulas
testamenti scripserat.*

COMMENTARIVS.

Domitius. Quī ad scribendum testamētū
rogatus est, obsignare illud, vt testis potest. Hos
autem Testamētarios appellabant. l. 1, D. si quis
aliq. test. prohib. l. 9, D. de hered. instit. Dubi-
tandi causa hæc fuit: quia nemo in re sua te-
stis est idoneus. Scriptum autem illud, res eius
esse videbatur, qui id confecerat. quasi Depul-
sionis Ratio sit, Res sua cuiusque dicitur, in qua
quid ab eo gestum est. vnde illud legis Corne-
liæ & Neronis apud Sueton. Ne quis alieni te-
stamenti scriptor, legatum sibi ascriberet. qua-
si sibi ipse testimonium diceret. Firmamentum
autem eius qui scriptoris testimoniū oppugna-
ret, huiusmodi: Imo, Res sua cuiusque dicitur,
in qua eius negotium gestum est. Totum autē
hoc quicquid est negotii inter testatorem & he-
redem transigitur: vt ait Imp. §. 3, De testam.
At Doctores nostri, vt Labeonis pudorem con-
seruarent, eiusque consultationē ab opinione
stultitiæ

stultitiæ vindicarent, alteram Iubentiani dilemmatis partem arripuerunt: quasi Domitii consultationē Iubentius non intellexisset: quæstionis autem causa hæc fuisset, quod in testamentis in quibus testes rogati adesse debent, alterius rei causa forte rogati, ad testandum idonei esse negantur. in l. heredis, 21, §. pen. supra eod. hic autem ad scribendum aduocatus, & rogatus, post scriptum confectum rogatus non fuisset, ut testimonium perhiberet, & obsignaret. Qua ex re de mirifica nostrorum argutia & subtilitate existimari potest: qui ut Domitii estimationi consulant, & Iubentium stuporis ac tarditatis, & illum longe maioris stultitiæ coarguant. Non animaduenerunt scilicet Iubentium hunc Celsum Adriani temporibus, quibus Domitius Labeo adolescens exortus est, natu iam grandem, & morosum, & illius, ut credi par est, præceptorem, hac responsionis acerbitate illius studium acuere voluisse. Increpari autem adolescentes à senibus, præsertim studiorum & disciplinæ causa, honori potius illorum quam vitio vertitur. Propterea autem stultior nostrorum consultatio fuisset, quia & Sabini regula in d. §. penult. & quævis alia similis sententia, perspicue loquitur de aduocato alterius rei quam testamenti causa. veluti si medicus curationis causa rogatus, sine altera rogatione noua & certa, testamentum obsignaret. At is de quo agebamus cuiusnam alterius rei, nisi testa-

ter se coniungenda, & simul legenda sunt: hoc modo: Ex imperfecto testamento, quâvis fidei commissariis verbis constet, nisi pro codicillis valere iussum sit, nihil debetur. Enunciationes igitur duæ sunt: quarum hæc prior est: Scripturæ ad testamentum paratæ, quanvis fideicommissaria sit, tamen vis nulla est. Quod idem traditur in l. si veritas, 23, & l. ex testamento, 29, C. de fideicom. l. fideicommissa, 11, D. de leg. tertio. Altera hæc est: Testamentum imperfectum si pro codicillis valere iussum sit, valet. l. si iure, 11, C. de testam. manumiss. l. vlt. C. de codicill. & l. 3, D. de milit. testam. Eoque pertinet l. Lucius, 89, §. vlt. De legat. secundo. Neque aduersatur l. vlt. D. de iur. codicill. quia codicilli etiam nuncupati testamenti appendices sunt. Multo minus l. in testamento, 38, De fideic. liber. quia pietatis causa singulare ius contra iuris ordinarii rationem introductum est. Quarum causarum consequentia nulla est. l. quod contra, De reg. iur. Restat L Titia, 13, De inoff. testam. sed cum testamentum per inofficiosi querelam tanquam furiosi rescissum sit, ne codicilli quidē ex eo valere possunt. nihilomagus enim codicillos quàm testamentū facere furiosi possunt. l. ne codicillos, 5, C. de codicill. l. 2, §. 2, D. cod.

ubi vult istius. Clausulæ codicillaris formulæ duæ sunt: quarum hæc prior est: Si non valet iure testamenti, valeat iure codicillorum:

l. si iure, 2, C. de testam. manumiss. l. ult. C. de
 codicill. l. coheredi, 41, §. 2, De vul. & pupill.
 altera clausula hæc est: Quoquo modo, quacun-
 que ratione poterit. vt hac l. & l. 3, D. de mil.
 testam. l. Lucius, 89, §. vlt. De leg. secundo.

Lex

XXX.

IDEM *Libro tertio sententiarum.*

Argumentum.

Testis, quis, & cuius testamentum signet, adnotare debet.

*Singulos testes, qui in testamento adhibentur,
 proprio chirographo adnotare conuenit, quis, & cu-
 ius testamentum signauerit.*

COMMENTARIYS.

Proprio chirographo. Ex omnibus obseruatio-
 nibus testamentariis summa hæc & acerrima
 fuisse uidetur: vt testis nemo nisi qui scribere
 possit, admittatur. quin & subscriptionis for-
 mula præscribitur: L. Titius C. Meui testamen-
 to testis subscripsi, idq; obfignauit. Obseruan-
 dum igitur quod aliquoties iam dictum est: mul-
 to maiorem in testamentariis quam in aliis te-
 stimoniis religionem adhiberi solitam fuisse.

Lex

XXXI.

IDEM *Libro quinto sententiarum.*

Argumentum.

Hæc verba, Illum heredem instituam, vim testamenti non
 habent.

Eius

Eius bona, qui se Imperatorem facturum heredem esse iactauerat, à fisco occupari non possunt.

COMMENTARIUS.

Huc illud Suetonii pertinet in Domitiani rita: Confiscabatur alienissima hereditates, vel vno existente qui diceret, audisse se ex defuncto, cum diceret, heredem sibi Cæsarem esse.

II TIT
FINIS.

I. 20.

V. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20.

21. 22. 23. 24. 25. 26. 27. 28. 29. 30.

31. 32. 33. 34. 35. 36. 37. 38. 39. 40.

41. 42. 43. 44. 45. 46. 47. 48. 49. 50.

51. 52. 53. 54. 55. 56. 57. 58. 59. 60.

61. 62. 63. 64. 65. 66. 67. 68. 69. 70.

71. 72. 73. 74. 75. 76. 77. 78. 79. 80.

COMMENTARIUS.

V. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20.

21. 22. 23. 24. 25. 26. 27. 28. 29. 30.

31. 32. 33. 34. 35. 36. 37. 38. 39. 40.

41. 42. 43. 44. 45. 46. 47. 48. 49. 50.

51. 52. 53. 54. 55. 56. 57. 58. 59. 60.

61. 62. 63. 64. 65. 66. 67. 68. 69. 70.

71. 72. 73. 74. 75. 76. 77. 78. 79. 80.

81. 82. 83. 84. 85. 86. 87. 88. 89. 90.

91. 92. 93. 94. 95. 96. 97. 98. 99. 100.

ratione





DE LIBERIS ET POSTVMIS HE- REDIBVS INSTI- tuendis vel exhereda- dis. TIT. II.

Lcx I.

VLPIANVS *Libro primo ad Sabinum.*

Argumentum.

Nominatim exheredari etiam dicitur, qui vel nomine, vel prænomine, vel cognomine tantum appellatus est.

Quid sit nominatim exheredari videamus. nomen, & pronomen, & cognomen eius dicendū est, an sufficit vel vnum ex his? & constat sufficere.

COMMENTARIVS.



Vid sit Nominatim. Antecedebat scilicet Sabini sententia, ex præscripto. l. inter cetera, 30, D. de lib. & postum. nimirum, Testamenti caput esse, vt Filiifa. vel heredes instituuntur, vel nominatim exheredentur. Cuius positionis ratio hæc est. Nā cū rei paternæ, quasi suæ, heredes l. x i i. tab. designati sint: iure ciuili, hoc est à Iurisconf. constitutum fuit, vt eorum præteritione

ritione testamenta vitiarentur: quasi obliuione præteriti fuissent. Aut igitur instituendi, aut exheredandi fuerunt. sed quia non quæuis exheredatio, verum ea demum quæ rite facta est, valet: l. non putauit, 8, §. 2, D. de contr. tab. propterea quid sit, Rite exheredari ab initio demonstrandum fuit. Intelligendum est igitur, Exheredationis duas formulas fuisse: vnam vulgarem, & in testamentis prope sollemnem atq; vsitatam: CETERI exheredes sunt. ut patet ex l. Lucius, 53, De hered. instit. qua formula reliqui omnes præter filios fa. continebatur. hoc est, parentes, liberi secundi gradus, filia, propinqui, affines, amici. in hos enim etiã Exheredandi verbu abusione quadam transferri, multis testimoniis in Commentario verborum iuris, docuimus. Altera exheredationis formula filiorum fa. propria, præcipua, ac peculiaris fuit: eaque NOMINATIM fieri dicebatur. Nomen autem propterea exigebatur, quia cum exheredatio & naturæ iuri, & leg. xlii. tab. contraria sit, nisi de testatoris voluntate certu & exploratum esset, nunquam Iurisconsultorum interpretatone adiuuabatur. Non igitur satis fuit scribere, CETERI exheredes sunt: ut filii fa. excludantur. Sed aliud est, CETERI exheredes sunt: aliud CETERI filii exheredes sunt. tum enim nominatim propter filiorum vocabulum concepta exheredatio videtur. l. titius, 25, inf. eod.

Constat sufficere. Nam, hoc amplius, dū exploratum

ploratum sit de quo agatur, vtrum nomine, an
certa demonstratione res designetur, nihil in-
terest. §. siquidem, De legat. l. quoties, 9, §. si-
quis, D. de hered. instit.

Lex

II.

IDEM Libro sexto Regularum.

Argumentum.

Oratio hæc, filius meus exheres esto: si vnicus sit filius, va-
let: si plures, nequaquam.

*Nominatum exheredatus filius & ita videtur,
Filius meus exheres esto, si nec nomē eius expressum
sit, si modo vnicus sit: nam si plures sunt filij, be-
nigna interpretatione potius à plerisque respōdetur,
nullum exheredatum esse.*

COMMENTARIUS.

Benigna interpretatione. Ex iuris igitur & x-
quitatis contentione nata disceptatio est. Sūmi
autem iuris rationem hanc esse arbitror, quod
indefinita oratio, idem quod vniuersalis valet.
Vnde Vlpianus in l. si quis ita, 16, D. de testam.
tur. Si quis, inquit, filio tutorem dederit, & plu-
res filios habeat: an omnibus filiis dedisse vi-
deatur? magis est, ut omnibus dedisse videatur.
quin & si dixerit, Filiis meis tutores do: etiam
filiabus dedisse intelligitur, l. si ita sit scriptum,
45, D. de legat. secund. Ex quo intelligi po-
test, si qui plures filios habebat, ita scripserit:
Filius meus heres esto: non esse dubitandum,
quin

quin omnes filios instituisse videatur. Constat autem contrariorum eandem esse disciplinam. Hæc igitur cum iuris summi subtilis & exquisita ratio esset; tamen potiorem æquitati, & benignitatis quam rigoris habendam esse ratione, existimatum est: ut Paulus scribit in l. cum quidam, 19, infra eod. aliam causam esse institutionis, quæ benigne acciperetur: aliam exheredationis, quæ interpretatione adiuvanda non esset. Quod autem de filiis hoc loco traditur, idem de postumis intelligendum est. Itaque si postumus singulari numero institutus est, plures nati ex æquis partibus instituti intelligentur. l. vtrum, 7, D. de reb. dub. l. clemens, 87, D. de hered. inst. At si exheredatus est postumus, & vel plures filii, vel filius & filia nascatur, nulla erit exhereditatio. l. 1, §. 2, D. de vent. in poss. mitt. quin etiam cum in causis odiosis femininum sub masculino non comprehendatur, postumi filii neque institutione neque exheredatione filiam contineri existimarem. arg. l. si ita scriptum, 13, D. infra eod. Ad superiorem partem pertinet Iustiniani constitutio ex æquitate nata in l. cum inter, in fi. C. de fideic. libert.

Lex III.

IDEM Libro primo ad Sabinum.

Argumentum.

Hæ formulæ, Vxor mea natus, non nominandus, non filius meus, lacto, gladiator, adulterio natus, exheres esto: valent.

Et si pepererit filium dūtero, ex Seia autem natum dixit: recte exheredat. & si cum conuicio dixerit, Nō nominandus, Vel non filius meus, latro, gladiator; magis est ut recte exheredatus sit. & si ex adulterio natum dixerit. Pure autem filium exheredari Iulianus putat, qua sententia utimur.

COMMENTARIUS.

Nominatim exheredari dicitur, qui certa demonstratione, quamvis contumeliosa designatus.

Ex Seia natum. Ex uxore, ex qua alius, præterea nullus superstes erat.

Cum conuicio. Melius dixisset, Cum maledicto, nam Conuiciū, multarum vocum est: ut in Verbis iuris docuimus. neque ad rem pertinet quod traditur in l. turpia, 54, De legat. secund. nam maledictum & cōtumelia in extraneum, quamvis institutionis legatue nomine quæsitō, coniecta, eius existimationem lædit. Itaque hæc legatum, nec institutio contumeliosa in extraneo probatur, l. quoties, 9, §. si quis, De hered. instit. at ob patris maledictum neque filii existimatio læditur, neque iniuriarū actio nascitur. unde etiam filii institutio, quantumvis contumeliosa probatur: Ille filius meus impiissimus, male de me meritus, l. his verbis, 48, D. cod.

Ex adultero. Nisi tamen contrarium probetur, hoc est ex testatore natum fuisse. l. si postumus, 14, in fi. & l. seq. infra cod.

Pure autem. Hermogenianus in l. sed sub
 condicione, 18, D. de contr. tab. quassam itaq
 affert, quia certo iudicio liberi a parentum suc-
 cessione remouendi sunt. hoc est, cum lex xxi.
 tab. filios fil. rei paternae heredes ac dominos
 designarit, eisque quodammodo paternam he-
 reditatem adiudicant: tamen in illo capite iu-
 beat, Vti paterfamilias legat, ita ius esse tamen
 quamvis illi hereditatem adiudicandam esse, nisi
 iustis & certis de causis exheredatio facta sit.
 l. ult. D. de bon. damnat. Exheredationes autē
 conditionales cum ex incerto futuri temporis
 euentu pendeant, magis fortuitae sunt: quam
 certo & explorato iudicio constitutae: Eadem
 porro institutionis ratio est: ut sub fortuita cō-
 ditione facta, nullius momenti sit. l. 4, De he-
 red. inst. Vbi tamen sub conditione concepta
 institutio est, sub contraria conditione concipi
 exheredatio poterit. l. iam dubitari, 86, D. de
 hered. inst. l. si pater, 4, C. de inst. & subst. Cu-
 ius rei ratio perobscura est. Conditionalis .n.
 enuntiationis hae vis est, ut quae si affirmetur
 vera est, eadem si negetur, falsa sit. itaque qui
 sic loquitur, Heres esto; si Consul fiat: ut ipsa
 hoc dicere videtur, Heres non esto, si Consul
 non fiat. Huiusmodi inquam harum conditio-
 num *indivisa* est, qualis apud Dialecticos in
 subalternis pronuntiatis esse solet, cum per ge-
 minae negationis adiectionem aequipollentes
 efficiuntur. Veluti, Omnis homo est animal.

Aliquis homo est animal. Nā si in alterutra duplicem interponamus negationem, idem utraque valebit atque efficiet, veluti, Omnis homo est animal: Non aliquis homo non est animal. item, Aliquis homo est animal. Non omnis homo non est animal. Hæc igitur harum conditionalium enūciationum vis est, ut contrariarum contraria sit consequentia. hoc est, ut quæ conditio si affirmetur, verā facit enunciationem, eadem si negetur, falsam illā efficiat, veluti, Heres esto, si volet: hæc in se vi sua cōplectitur: Si non volet, exheres esto. l. i. dubitari, 86, D. de hered. instit. Itaque quæstio exoritur: Cum omnis institutio sub conditione facta, sub contraria conditione exheredationem contineat: vicissimq; eadem exheredationis ratio sit: quid est; quod in filiis alterutra sola non valet, utraque coniuncta valet? Responsio est: quia cum & naturæ ius, & lex x i i tab. filiis paternā hereditatem adiudicavit: nisi pater disertè ac nominatim eā ab illis ab iudicet, (cuius rei potestatem ex altero capite obtinet, V T I L E G A S S I T & c.) Iurisconsulti nunquā interpretatione exheredationes adiuuant. Hæc autem *inadvntia* ex interpretatione est: non verbis disertis concepta & expressa. Itaque eam Iurisconsulti repudiant. ac disputāt quoniam alter tantum euentus expressus est, alter verò tacitus: hoc casu tacito præteritionem admissam esse. quæ præteritio testamentum viti-

ciat, iniustumq; solet efficere. Qua ex disputatione patet, id quod Pomponius ait in l. si quis Sempronium, 68, De hered. inst. in testamentis quædam tacita valere, quæ expressa corrumpant: in vtranque partem accipiendum esse: ut sit, quædam expressa valere, quæ tacita corrumpent.

§. Filius.

Filius inter medias quoque heredum institutiones recte exheredatur: & erit à toto gradu summotus: nisi forte ab vnius persona eum testator exheredauerit. nam si hoc fecit, vitiosa erit exheredatio: quæadmodum si ita eum exheredauerit: Quisquis mihi erit filius, exheres esto. nam ut Iulianus scribit, huiusmodi exheredatio vitiosa est: quoniam post aditam hereditatem voluit eum summotum, quod est impossibile.

COMMENTARIUS.

Filius ante institutiones exheredatus, ab omnibus gradib. remouetur. inter medias institutiones, ab vno illo gradu: inter institutiones & exheredationes, etiam si mixtæ sint, ab vtroque gradu. à toto porro gradu exheredari filius debet: ab vna eius persona, non potest. Vel sic, & breuius: Exheredatio ante omnia facta, vndique summouet. inter medias institutiones, ab illo gradu. inter gradus, etiam permixtos, ab vtroque. ex parte verò facta, nō valet. Gradus est ordo deferendæ hereditatis, qui pro or-

dine testatoris in exheredes factos descriptus est. Itaque primus gradus dicitur, qui primo loco hereditas defertur: secundus, qui secundum illum, & illo deficiente defertur: qua de causa Substitutio dicitur: constat autem institutos priore esse amoris gradu apud testatorem, quam substitutos: hoc est, malle hunc ab institutis suam hereditatem capi, quàm à substitutis. Nunc doctrinæ summam perstringemus: quàm quinque partitò distribuemus. Exheredatio enim quinque in locis tantum collocatur: hoc est, aut ante omnia: aut post omnia: aut inter institutiones & substitutiones: aut inter medias institutiones: aut inter medias substitutiones. l. 3, De iniust. rupt. test. Locus sextus reperiri non potest. Exheredatus ante institutiones, ab omnibus gradibus summotus est. hoc ipso §. Post omnia exheredatus, similiter. l. 1, C. de inst. & subst. Inter duos gradus, ab utroque gradu exclusus est. hoc ipso §. Inter medias institutiones, illo toto gradu relictus est. hoc ipso §. Illud porro intelligendum est, exheredationē ab vno toto gradu fieri oportere: à parte verò, hoc est non omnibus eius personis, non posse. l. non putavit, 8, §. 3. D. de cont. tab. & l. cum quidam, 19, infra cod. ubi ratio adiicitur, cur non ut institutio, sic etiam exheredatio in certa parte valeat: cum tamen contrariorum contraria sit consequentia. quia non ut institutiones, sic etiam exheredationes inter-

interpretatione adiuuanda sunt. hoc est, cū lex
 x i i tab. paternā hereditatem filio totā atque
 integram adiudicari: si pater ei partem dun-
 taxat abiudicet, cum in reliqua parte præterit
 se iudicatur. Interpretatio ergo Iuriconsul-
 torum non adiuuat, sed oppugnat exhereda-
 tiones. alioqui si parem in exheredationibus
 quam in institutionibus interpretandi rationē
 admitterent, eandem esse rationem harum for-
 mularum responderent: Filius & Titius here-
 des sunt. Filius ex semisse exheres esto: Ti-
 tius ex illo semisse heres esto. Sed si hæc admit-
 teretur, filius non ex testamento, sed ex lege
 atque ab intestato heres esset: Titius autem ex
 testamento. contra regulam, Nemo potest ex
 parte testatus, &c.

Quisquis mihi. Hæc formulā, Titius mihi he-
 res esto: Filius exheres esto: recta & probabi-
 lis est. at illa, Titius mihi heres esto: si Titius
 heris erit, filius exheres esto: propter illā ad-
 iunctionem non admittetur. l. si quis Séproniu,
 68, De hered. instit. quid ita? an quia conditio-
 nalis est? ut nostri vulgo existimant. nequa-
 quam. hæc enim, QVIS QVIS mihi heres erit,
 cui illa comparatur: conditionalis non est: ne-
 quetamen probatur. Præterea Iulianus nō di-
 xisset, impossibilem hanc esse exheredationem.
 quid ergo est? nimirum quia Heres & Exheres
 eorum contrariorum genere sunt; quæ Pri-
 uantia nominantur: quorum ea natura est, ut
 alterum

alterum non prius esse desinat, quàm ab altero
pellatur. Hoc autem casu neque filius exheres
esse potest, quin Titius heres sit: neque rursus
Titius esse potest, quin hereditatem adierit:
hoc est, quin exheres filius fuerit. nam ut ait
Triphon. in. l. filium, 20, De contr. tab. Exhe-
redatio, non adita ex testamēto hereditate, nul-
lius est momenti: ne testamentum per omnia
irritum ad notam exheredationis solam profe-
cisse videatur. Alter igitur alteri sic obest, ut re-
cte Iulianus conceptionem hanc impossibilem
esse affirmet: quia neutri ex testamento locus
esse potest.

§. *Si ita testatus.*

Argumentum.

A quo gradu filius exheredatus est, ab eo valere testamentum
incipit.

*Si ita testatus sit paterfamilias, ut à primo qui-
dem gradu filium prateriret, à secundo solo exhe-
redaret: Sabinus & Cassius & Iulianus putant,
perempto primo gradu testamētū ab eo gradu ex-
ordiū capere, unde filius exheredatus est. quæ sen-
sentia comprobata est.*

COMMENTARIUS.

Papinianus in l. si filius, 75, De hered. inst. &
Paulus eius auditor in l. ex facto, 43, §. huius,
De vulg. subst. ita quæstionem hanc tractare
existimantur, quasi primus gradus pro nullo ac
pro non scripto numeretur: ac proinde eo ob-
literato

literato testamentum à secundo gradu valere incipiat. Cui sententiæ apertissime noster hic idem Vlpianus aduersatur in l. non putauit, 8, §. 1, & §. 5, D. contr. tab. vbi disertè scribit, si à primo gradu exheredatio prætermiſſa sit, quâuis à secundo sit adhibita, tamen si hereditas in illo primo gradu versetur, hoc est, si institutus testatori superſtes sit, testamentū nulla ex parte valere. Quæ sententiâ primū cum illo veteris Iurisconsultorum instituto consentanea est: Exheredationes non esse interpretatione adiuuandas, sed quoad facultas feret repudiandas. Deinde naturalem æquitatem habet, vt quo in gradu versatur hereditas, si ab eo gradu præteritus sit filius, totū testamentū propter præteritionē filii vitietur. Nonnulli autem ita hæc diluunt, quasi de filiisfa. hic agatur: illic autem de emancipato: quorū dissimilis ratio sit. sed videamus, ne non satis animaduertāt, id quod ius ciuile hoc in genere filiisfa. præstat, Prætorē simillima ratione emancipatis præstare: præterea si propter emancipatorum præteritionem testamentum rescinditur: quanto æquius est propter filiorumfa. præteritionem rescindi? Alii verò sic disputant: iure quidem ciuili nullum esse testamentum, cum à primo gradu præteritus est filius. iure autem prætorio, valere: & quia bonorum possessio secundum tabulas eius datur, præterito filio possessionem contra tabulas esse necessariam. At enim si hanc Sabi-

nia-

nianorum sententiam quàm hoc loco Vlpianus probat, ex Papiniani & Pauli sententia interpretemur: perspicue hic traditur, iure civili valere testamentum: quia, vt illi sentiunt, tanquam obliterato primo gradu, initium sumit à secundo. præterea vbi istius inter civile & prætorium ius differentię mentio in libris nostris vlla est? Quare videamus cū Vlpianus hoc loco Sabinianos & Cassianos huius sententię auctores laudet, ne significet, atque adeo aperte ostendat, in contraria sententia Proculianos & Pegasianos fuisse. Quid igitur? (dicit aliquis) secūmne Vlpianum pugnare & contraria tradidisse dicemus? nam eius nomē cū hoc loco, tum in d. l. non putauit, inscriptū est. Quare videamus, ne verbum hoc PEREMPTO non sic accipiendum sit, vt à nostris solet, pro obliterato, inducto, pro nihilo numerato: sed potius pro Destituto, vel Deficiente. nimirum cū institutus ante testatorem decesserat, quasi huius loci sententia hæc sit: Exhereditatio à primo gradu præterita, à secundo facta, si modò primus perimatur, ac deficiat, valet. Similiter enim in l. 5, de iniust. Vlpianus dicit, gradum in quo nō versatur hereditas, esse nullum. Et profecto ita est, vt Africanus in l. si postumus, 14, infrà eod. aperte sententiam hanc sequatur: cū ait, si postumus à primo exheredatus, à secūdo præteritus, à tertio exheredatus sit, quāuis & postumus deliberāte primo moriatur

riatur, & primus repudiet, secundus autem vitiosus sit, non tamen testamentum à tertio gradu exordium capturum. scilicet quia secundus gradus peremptus non fuit: sed in eo hereditas versata est. Neque magnopere nos moueat, quod in d. l. si filius, §. lucius dicitur, ubi filius à primo gradu præteritus, in secundo vero scriptus heres, hoc est, substitutus est: quasi oblitterato primo gradu testamentum à secundo incipere. quia cum omnis substitutio, institutio sit: filius præteritus dici non potest: sed vere & legitime institutus. etiam si centesimo gradu scriptus fuisset. Itaque dici non potest, hereditatem in primo gradu unquam versatam fuisse. ut non sane similis horum casuum ratio dici possit. Quod cum ita sit, aut Papiniani & Pauli sententiâ ex Ulpiani verbis interpretandam existimarem: hoc est, ut defecisse peremptâque primum gradum fuisse dicamus: aut certe utrunque illorum sese ad Proculianorum numerum & sententiam aggregasse. Sabinianorum autem sententiam secutus est Pomponius in l. si à primo, 8, infra eod. cum statuit, ubi à secundo gradu exhereditatio præterita est, quâvis in primo facta sit, tamen si omittente primo hereditas ad secundum deuoluatur, quia iam hereditas in secundo gradu versatur: irritum usquequaque testamentum esse: & substitutum heredem non futurum. quanuis filius quoque ante prioris omissionem decesserit.

vnde intelligitur, Exheredationem non in vno tantum gradu esse necessariam: sed omnino in omnibus: duntaxat, in quibus hereditas versatur. Similiter Scæuola in. l. pen. D. de iniust. rupt. planissime demonstrat, exheredationem à secundo gradu præteritam, quamuis à primo facta sit, (in quo ipso primo hereditas ex parte versetur) tamen si ex altera parte in secundo versari incipiat, (nimirum ob vnius ex institutis mortem, cuius in locum vnus ex secundo gradu successit), testamentum vsquequaque irritum iudicari, vt iam dubitari non possit, eandem horum omnium sententiam fuisse, quæ & Vlpiano ascribitur in d. l. non putauit. §. 1, De contr. tab. aliqua parte tabularum exheredæ scribi non sufficere: sed iis omnibus gradibus in quibus hereditas versatur. Sed exoritur dubitatio propter l. 5, D. de iniust. rupt. test. vbi Vlpianus hic idem noster sic scribit: Rumpendo autem testamentum sibi locum facere postumus solet: quamuis filius sequentem gradum, à quo exheredatus est, patiatur valere. Respondendum est, verba hæc ex subiecta disputatione intelligenda esse: nimirum vbi sub conditione institutio facta est. Hanc enim inter filium & postumum differentiam Vlp. statuit, quod postumus pendente conditione sub qua primus gradus institutus est, agnascens, quamuis non hereditas, sed spes tantum in ea versetur, testamentum rumpit: etiam si postea defecerit

defecerit conditio, filio verò non tantum tribuitur. conditionis enim euentum expectare cogitur: quæ si defecerit, sequentem gradum à quo exheredatus est, valere patitur. Multo minus nos locus insequens mouere debet, quæ tamen omnes nobis interpretes obiiciunt: Sed si (inquit Vlp.) à primo gradu præteritus à secundo exheredatus sit, si eo tempore nascatur postumus, quo aliquis ex institutis vixit: totum testamentum ruptum est. nam tollendo primum gradum, sibi locum facit. Nihil dici potest cum hac nostra sententia congruentius. Idem enim prorsus de postumo statuitur, quod in lib. non putauit, de filio responsum est: si eo tempore nascatur postumus, quo hereditas in primo gradu versatur, totum testamentum rumpere. In d. l. 3, tripartita disputatio est: hoc modo. Postumus à primo gradu sub conditione instituto præteritus, à secundo exheredatus, agnascitur aut pendente, aut existente, aut deficiente conditione. siue pendente autem, siue existente nascatur, vniuersum testamentum rumpit: quia hoc casu hereditas in primo gradu versatur: in illo, spes. si defecerit conditio, nihil dubitationis est, quin quasi obliuiscatur primo, secundus gradus, valeat, & ab eo testamentum exordiū capiat. Superest, ut causæ constitutionem exponamus. Ergo qui filiū habebat, ita testamentum scripsit, ut à primo gradu cum præteriret, à secundo exheredaret.

Dupliciter autem hæc tractatur questio: primū cū institutus testatoris superstes fuit: deinde cum ante illū decessit. Superstitem igitur institutū ponamus, & cum secundum tabulas bonorum possessionem poteret, ei filium aduersatum, quod se præteritum diceret. Intentio filii, Præteritus sum: D. Non es: Q. Vtrum præteritus sit, an non: R. Quia Præteritus dicitur, cuius mentio nusquam facta est: quasi obliuione omissus sit. Tui autem à secundo gradu ita mentio facta est, ut obliuione omissus dici non possis. F. Imo præteritus dicitur, cuius mentio ab eo gradu in quo hereditas constitit, facta nulla est. Præteritus enim non dicitur ab eo gradu, qui nullus est: pro nullo autem numeratur is, in quo nunquam hereditas constitit. Disceptatio ex ambiguitate verbi Præteritus nascitur: vtrū melior definitio sit. Sed cum præteritus sine relatione habet sine dubio ad eum gradum, in quo hereditas versatur.

Lex. III.

IDEM Libro tertio ad Sabinum.

Argumentum.

Et maritus & non maritus facere postumum heredem potest: cuius institutio in omnes postumos, quamvis ex posteriore matrimonio, valet.

Placet omnem masculum posse postumum heredem scribere, siue pater maritus sit, siue nupdum uxorem duxerit. nam & maritus repudiare uxorem potest

potest: & qui non duxit uxorem, postea maritus effici. nam & cum maritus postumum heredem scribit, non utique is solus postumus scriptus videtur, qui ex ea quam habet uxorem ei natus est, vel is qui tunc in utero est: Verum is quoque qui ex quacunque uxore nascatur.

COMMENTARIUS.

Hæc Sabini sententia de quibusvis postumis intelligenda est: hoc est, tum de antiquis, tum de Velleianis. quæ de causa Sabini verba hæc omnia esse arbitror: Placet omnem masculum posse postumum heredem scribere, siue iam maritus sit, siue nondum uxorem duxerit. Prius enim membrum ante vocem *SI VIRE*, multo ante Sabini ætatem constitutum fuisse constat. Præterea notandum est, Sabini sententiam in l. 3. De iniust. rupt. ex hoc eodem & libro tertio & discipline genere sumptam fuisse. Postumi virilis sexus, inquit, ad similitudinem filiorum nominatim exheredandi sunt, ne testamentum agnascendo rumpant. Quo in loco cum de testamenti rptione agatur, verisimile non est non illa quoque verba interiecta fuisse, *VEL INSTITVENDI*. quinetiam satis constat, multo magis de institutione, quam de exheredatione factam mentionem fuisse. Quod cum ita sit, nonne post illam sententiam absurdissimum fuisset hoc ratum inferre: Placet omnem masculum, posse postumum heredem scribere. præsertim

fertim, ut iā antē dixi, cū id multis ante Sabi-
nū ætatibus cōstitutū fuerit. Cū autē Sabinus
illo verbo **PLACET** vtatur, verisimile est eū si-
gnificare, placitū hoc de nō maritis suo tēpore
decretū cōstitutūq; fuisse. vt in d. l. 3, §. Sed etsi.
Placet, siue post mortem testatoris &c. eā enim
secundam Sabinī sententiam esse arbitror. Pla-
citi autem æquitatem ex eo sūptā puto, quod
Vellea lex indefinitē scripta sic erat: Qui testa-
mentum faciet, is omnem qui ei suus heres fu-
turus erit, instituēdi exheredādiue ius habeto.
Cum enim **OMNEM** dixisset, generaliter & ex
iām marito & ex nondum marito nasciturum
cōplexa videbatur. Itaque disceptatio ex scri-
pto & sententiā legis nascebatur. Ex hoc autē
Iuriscōsultorum placito quæstiones natæ sunt
innūmerabiles, veluti de senibus, de spadoni-
bus, de muliere quā iam vxor esse non potest.
Omhem masculum. Sic correximus in lege
Vellea: **QUI VIRILIS SEXVS**, testamentum
faciet &c. Nam propter mali ominis rationem,
de mulierū postumis nihil statuitur: quid enim
Seriberetne mulier? Si quis ex me casu vtero
meo nascatur, qui solus muliebris postumi ca-
sus est." Hæc igitur, ut dixi, disputatio non
attingitur: quasi abominabilis.

Postumum. Duntaxat, suum. Est autem
postumus suus, qui si testamenti tempore na-
tus fuisset, proximum ab eo in ipsius familia lo-
cū obtinuisset. l. scripto, 7, D. si tabul. test. null.

Alieni autem postumi qui dicantur, & quamobrem institui non potuerint, alio loco explicatum est.

Siue maritus. Harum trium causarum disceptationes meo iudicio ex Iuris & æquitatis contentione nata sunt. Ius enim prohibere videbatur, ne tam incertum testatoris consilium admitteretur. præsertim in eo postumo, qui ex posteriore matrimonio susceperetur, constat enim testatorem de eo sensisse, qui ex præsentī matrimonio nasceretur. De eo verò, qui ex insequenti conciperetur, abominabile est dicere, quicquam illi in mentem venisse, quasi tum vel de vxoris morte, vel de diuortio cogitasset. Contrà æquitas, id est, fauor testamentorum & institutionis pugnabat. plerunque autem præsertim in testamentis, vbi ius & æquitas inter se contendunt, æquitas præponderat.

Heredem scribit. Indefinitè: Si quis mihi intra decem menses quam moriar, genitus erit. non definitè: Ex Seia vxore. Tum enim finibus certæ personæ circūscripta institutio est. l. filius, §. Si quis, infra eod. Quid igitur si simpliciter dixerit. Ex mea vxore? Fauor, vt opinio mea fert, & æquitas testamenti etiam huic momento præponderabit.

Lex

V.

IAVOLENVS *Libro primo ex Cassio.*

Ideoque qui postumum heredem instituit, si post
n testa-

testamentum factū mutauit matrimoniu: is institutus uidetur, qui ex posteriore matrimonio natus est.

-15- *COMMENTARIVS.*

Ex posteriore matrimonio. Hoc, vt antè dixi, cōtra iuris summi rationem propter æquitatem & fauorem testamētorum benigna interpretatione inductum est. Itaque præclare quæri potest, quid de exheredatione iuris sit, quam toties diximus interpretatione nō adiuuari. Sed potius oppugnari. nam si scriptum ita sit: Postumus heres esto: & plures nascantur, omnes instituti intelliguntur: l. qui filiabus, 17, §. 1, de leg. primo. arg. l. si quis ita, 16, de testam. tut. at per hanc scripturam: postumus exheres esto, si plures sint nullus exheres erit. vt l. 2, suprā, eod. Quid igitur si qui sic scripserat: Postumus exheres esto: postea uxorem aliam duxerit? Sanè nostri similem exheredationis & institutionis rationē esse existimant, propter d. l. 3, §. pen. vbi sic scribitur: Sed etsi dixerit postumus exheres esto: natus vel post mortem vel viuo testatore, non rumpet. Verum videamus primum ne hoc contra Regulæ superioris de exheredationis odio, analogiam dicatur. Deinde ex his verbis nihil eiusmodi cōcipi posse.

LEX

VI.

VLP IANVS *Libro tertio ad Sabinum.*

Argum

Argumentum.

Qui generare propter insanabile vitium non potest, is heredem facere postumum non potest, atqui propter non desperatum, potest.

Sed est quaesitum, an is qui generare facile non possit, postumum heredem facere possit. Et scribit Cassius et Iauolenus posse. Nam et uxorem ducere, et adoptare potest. Spadonem quoque posse postumum heredem scribere, et Labeo et Cassius scribunt: quoniam nec aetas nec sterilitas ei rei impedimento est. Sed si castratus sit, Iulianus Proculi opinionem secutus, non putat postumum heredem posse instituere quia iure virumur. Hermaphroditus plane si in eo virilia praeualebunt, postumum heredem instituere poterit.

COMMENTARIUS.

Sed est quaesitum. Ex notis illis OMNEM Masculum, quinque partita haec disputatio nata est: de hermaphroditis, senibus, hypospadiis, spadonibus & castratis.

Generare facile. ut opinor, significat: cui (ut Galenus lib. de usu part. xv. scribit) ob vinculum quod in extremo cole habet, meatus est distortus, quae de causa procreare liberos non potest: non quod fecundum semen non habeat, sed quod in colis anfractibus adhærescens, vibrari procul non possit.

Facere possit. Cum enim postumum habiturus non sit, (id quod de castrato quidem constat) quasi vitiosa & impossibilis haec adiectio

fir, non ritè testamentum factum videtur: præsertim cum testamenta legitimis & sollennibus obseruationibus constarent. Contrà Sabiniani adiectionem hanc, quasi superuacaneam, nihil nocere iudicarunt. si quidem (vt Paulus lib. Sent. tit. scribit) in testamentis superuacanea non nocent.

Cassius & Iauolenus. Significare videtur, propriam hanc Cassianorum sententiam fuisse. contrarium autem Proculianos sensisse. At mox infert, nihil inter illos de spadonibus contro- uersæ fuisse. Antistium enim Labeonem cum dicit, principem Proculianæ sectæ dicit. Male igitur de nobis meritum Tribonianum dicemus: deterius verò nosmetipsos de nobis ipsis, qui in istis saxetis excolédis operam abutamur.

Spadonem quoque. Tria hoc loco impotentium genera perspicuè constituit *Interdum dicitur*, Spadones, & castratos. quos tamen omnes generali spadonum nomine contineri, traditur in l. Spadonum, 128, De verb. sig. Hypospadixi coire possunt & verò sublato vicio generare: Spadones coire possunt: generare non possunt. Castrati verò neq; coire, neque generare possunt.

Nam & uxorem. Idem quoque de spadone traditur in l. si serua, 39, §. 1, D. de iur. dot. & l. 2, & de adopt.

Et Rei. Postumi institutioni: quod idem de ætate & valetudine traditur in l. 9, infra cod.

Proculi opinionem. Sanè perspicuè ostendit in con-

in cōtraria sentētia Sabinianos fuisse, quasi ad-
iectōne superuacanea testamenta non vitiarē-
tur. Eorūque sententiam testamentorum fa-
uor adiuvant. Proculianorum autem ratio hæc
fuisse videtur, quasi in testamentariis actiōni-
bus nihil nisi sollemne, certum ordinarium &
legitimum adhibendum esset. Castrati fanè ne-
que vxores ducere, neque adoptare possunt. d. l.
Si serua. & l. 2. De adopt.

Hermaphroditus. Quasi apertè significet,
duci ab eo vxorem posse.

Lex IX.

PAVLVS libro primo ad Sabinum.

Argumentum.

Quem neque natura, neque honestas, sed vitiū aliquod con-
tingens postumum habere prohibet, is postumum tamen insti-
tuere, itaque prius testamentum rumpere potest.

*Si quis postumos, quos per etatem aut valetudi-
nem habere forte non potest, heredes instituit: supe-
rius testamentum rumpitur. quod natura magis in
homine generandi & consuetudo spectanda est, quam
temporale vitium aut valetudo, propter quam
abducatur homo à generandi facultate. Sed si ex ea
que alij nupta sit, postumum quis heredem insti-
tuerit: ipso iure nō valet, quod turpis sit institutio.*

COMMENTARIUS.

Si quis. Hanc Sabini sententiam esse arbi-
tror, vsque ad verbum. QVOD NATVRA.

Ætatem. Annorum sexaginta, secundum legis Pappiæ Poppei auctoritatem. l. pen. C. de nupt. l. Si maior, C. de legit. heredit. De ætate autem non puto à Sabinianis Proculianos dissenſiſſe.

Valetudinem. Vtrum ægrotationem tantum ſignificat, an verò etiam & naturæ vitium, & caſum, & artem? Et cùm ſuperius dictum ſit, proculianorum de caſtratis contrariam ſententiam fuiſſe, non obſcurè, vt opinor, hanc quoque de iis Sabinianorum opinionè fuiſſe ſignificatur. Demonſtrat enim ſexum potius ſpectari quam vitium. cuius rei perſpicua eſt æquitas. Multos enim maritos eſſe conſtat, de quibus non dubitatur quin rectè poſtumos instituât: cum tamen arcano quodam naturæ vitio laborèt, quo procreare liberos impediuntur. Quæ igitur in comuni naturæ ordine poſita ſunt, Iuriſconſulti ſpectant: arcana autem, itemque accidèria, denique, vt rem in pauca conferam, coniugii myſteria non ſcrutantur. Sabinianorum ſanè ſententiam teſtamentorum fauor adiuuat. Cauſſæ conſtitutio hæc fuerit. Cùm generandi im-poſteſtamentum feciſſet, poſtumumque ſibi heredem inſtituiſſet, eo mortuo legitimi heredes vitioſum eſſe teſtamentum dicebant. Intentio igitur ſcriptorum hæc fuit: Teſtamētum vitiatum illa adiectione, quippe ſuperuacanea non eſt. D. Imo vitiatum eſt. Q. Vtrum ſit, necné? R. Quia inſtitutus heres eſt, qui in rerum natura

neque

neque erat, neque esse potuit. F. At æquitas testamentorum postulat, ut naturam duntaxat & sexum spectemus: hominum autem imbecillitatem non scrutemur.

Lex VII.

Argumentum.

Prius testamentum per posterius, quod ipso iure nullum est; non rumpitur.

Si filius qui in potestate est præteritus sit, & viuo patre decedat: testamentum non valet, nec superius rumpitur: & eo iure utimur.

COMMENTARIUS.

Non valet. Disceptatio ex ambiguitate scripti nata est: Vtrum solus præteritus dicatur, qui mortis patrisfam. tempore suus erat: an qui testamenti. Et respondetur præteritionem sui ex testamenti tempore æstimandam, quoniam legis actiones ex præsentis temporis iure vires sumunt nō ex incerto futuri temporis euentu pendent. §. 1. De exhered. lib. 1. Siquis, 16, in fin. D. de vulg. substit. Dubitandi causam agebat, quod mortis tempore, quo præcipue testamenti ius æstimatur, nemo præteritus reperiatur. Casus enim & euentus testamētum comprobarat: neque filiofam. vlla ex eo iniuria nascebatur: Sed, ut dixi, testamenta ab initio vitiosa ex post facto non conualescunt. Obiicitur. l. postumus, 12, De iniust. testam. Vbi contrarium de postumis

mis statuitur. Sed Vlpianus testatur, id non ex iuris ordinarii ratione, sed potius contra iuris summi normam atque ordinem ex duorum Cæsarum imperio constitutum fuisse: neque longius vlla petenda solutio est. nam eadem & filii & postumi viuo patre agnati præteritorum ratio est. tamen si post patris mortem agnatus tum demum rompat. l. 3, De iniust. testam. Sed vt dixi, præter iuris ordinem id à Cæsaribus pro imperio constitutum est. Frustra etiam obiicitur l. filio, 17, cod. tit. Nam ibi quoque Papinianus aperte scribit, id se ex bono & æquo contra iuris summi rationem respondisse. Duplex autem ibi æquitas valebat: Testamenti conseruandi, & filii præteritionem comprobantis. At in lege nostra, testamenti posterioris fauor nullus est: quin potius primum testamentum adiuuandum est. Filius porrò ante testatorem decesserat: neque intestatus pater moriebatur. Superest l. si duobus, 12, §. 1, De contr. tabul. Sed cum eo loco, tum etiam in l. hac consultissima, §. vltim. C. De testamen. exceptio ab hac nostra lege & regula proponitur: Cùm in testamento posteriore & imperfecto, legitimi heredes instituti sunt. qua de causa in d. l. si duobus, argumentum hoc notauimus: Prius testamentum, per secundum imperfectum quo præteritus est filius, si in hoc venientes ab intestato scripti sunt, filio remoto eueriti solet.

POMPONIVS. libro primo ad Sabinum.

Argumentum.

Non si filius à primo exheredatus, à secundo præteritus ante primam repudiationem decedat, idcirco substitutus heres erit, quasi quia filius non extaret, idcirco eius non esset vitiosa præteritio, nam substitutio ab initio vitiosa, postea non conualescit.

Si à primo herede instituto filium exheredauero, à secundo autem substituto non exheredauero: & dum pendet an prior aditurus sit, filius decesserit secundum sententiam qua utimur, non erit secundus heres, quasi ab initio inutiliter institutus, cum ab eo filius exhereditatus non sit. quod si in postumo filio idem acciderit, ut natus viro patre, à quo exheredatus sit moriatur, eadem dicenda erunt de substituto: quoniam cum est natus filius, loco eius est qui superstes est.

COMMENTARIVS.

Si à primo. Filio postumoue à secundo gradu præterito, quamuis & à primo gradu exhereditati sint, & iis mortuis primus deficiat, testamentum tamen intercidit.

Dum pendet. Dum institutus deliberat.

Secundum sententiam. Quidam alii, Secundum Iuliani sententiam, quod mihi (ut paulò post dicemus) magis placet. Nam ad Sabinum disputata hæc sunt.

Non erit secundus heres. Latine linguæ consuetudo sic postulabat, Secundus non erit heres.

Inutiliter institutus. Vnde duplex doctrina sumitur : Exheredatio ab omnibus gradibus in quib. hereditas versatur, faciendâ est. L. non putauit, 8, §. 1, D. de contr. tab. Item : Exheredatio ab initio vitiosa, per euentum insequens non conualescit. quoniam, vt sæpe dictum est, legis actiones ex præsentî tempore vires sumere, non ex incerto futuri temporis euentu pendere debent. Sed causæ constitutionem videamus. Interitio proximi agnati : Substitutio ritè facta non est. D. Imo ritè facta est. Q. Rectene an secus? R. Quia cùm eo tempore quo substitutio locû habuit, filius dici præteritus non possit, quippe iam mortuus: ac propterea nulla ei iniuriâ facta sit: fauor testamenti postulat, vt mens testatoris potius quam iuris summi subtilitas spectetur: Denique satius est testamento, & certæ testatoris voluntati, quam iuris summi rationi seruire. F. At propter filiorum fam. rationem, summum ius obseruandum est, vt ab initio vitiosa substitutio propter euentum insequens non conualescat. Disceptatio ex iuris & æquitatis contentionem nascitur. Paulus respondet pro iure summo, Secundum, inquit, Iuliani sententiam, qua vtimur: sic enim nonnullis in libris legitur: vt facîle appareat, varias hac de re Iuriscônsultorum sententias fuisse. & profecto ita est, vt aperte summû ius Paulus hac in causâ sequatur. Cùm contra æquitas & testamentum sustineri, & testatoris voluntatem sequi iuberet: quippe cùm

fatis

fatis cōstet, testatorem maluisse substitutos suā hereditatem habere, quam agnatos, neque filiorum fauor hac in re locum habeat: cum iam ante decesserit. Ab hac Pauli sententia facit illud Iuriconsultorum axioma: Exheredationes odiosas & quam maximè auersandas esse. l. cum quidem, infra eod. cuius rei exemplum proxima superior lex suppeditat: item, l. Si postumus, 13, infra eod.

Natus viuo patre. Viuo priorē, sine dubio corrigendum est: vel (vt nonnulli alii ex antiquis libris corrigunt) Viuo primo. Nam si viuo patre natus & mortuus fuisset, Pomponius propter Adriani sui rescriptum aliter respondisset: ex l. postumus, 12, D. de iniust. testam. Præterea dissimilis à superiore controversia hæc fuisset. In hanc autem sententiam Africanus quoque respondit in l. Si postumus, 14, infra eod. Sed quæri potest quamobrem magis in hac causa qua postumus deliberante instituto natus & mortuus est, ius summum obseruetur: quam in ea qua viuo patre natus & mortuus est: vt d. l. postumus. Ac meo iudicio hæc causa est: quia in hac causa postumus heres esse potuit: vt d. l. si postumus, 14. Nimirum si præteritionibus institutis superuixisset. At cum ante patrem decessisset, heres esse non potuit.

Locus est. Sequitur in Enuntiatio postumus à secundo gradu præteritus & deliberante primo moriens, testamentum rumpit. d. l. Si postumus.

-II AFRICANVS libro quarto *Questionum.*

Si postumus à primo gradu exheredatus, à secundo præteritus sit: quamuis eo tempore nascatur, quo ad heredes primo gradu scriptos pertineat hereditas, secundum tamen gradum vitari placet: ad hoc ut prætermittentibus institutis ipse heres existat, immo & si defuncto eo heredes instituti omiserint hereditatem, non posse substitutos adire. Itaque & si à primo gradu exheredatus, à secundo præteritus, à tertio exheredatus sit, & viventibus primis, & deliberantibus decedat, quare solet omittentibus primis additionem, utrum ad eos qui tertio gradu scripti sint, an potius ad legitimos heredes pertineat hereditas, quod ipso casu rectius existimari putauit, ad legitimos eam pertinere, nam & cum duobus heredibus institutis, & in singulorum locum facta substitutione, à primis exheredatus postumus, à secundo præteritus fuerit: si alter ex institutis omiserit, quamuis postumus excludatur, non tamen magis substitutum admitti.

COMMENTARIVS.

Caput hoc cum octauo propter argumenti similitudinem, coniungendum est. Eius autem summa hæc est. Postumi præteritio à secundo gradu commissæ, si modo ad eum gradum hereditas deuoluatur, totum testamentum, quamuis ipse primis deliberantibus decedat, euertit.

Pertineat. Id est, defertur: vel, in eorum gradum versatur: vt Vlpianus loquitur in l. non putauit, 8, §, à primo, D. cont. rab.

• *Vitiari.* Enuntiatio. i. postumus à secundo præteritus, & primo, à quo exheredatus fuerat, deliberante, agnascens, secundum gradum vitiat. Non enim dixit, RUMPIIT: cum adhuc nullus esset. Vt in l. 5, D. de iniust. test. Sed vt filii præteritio antequam testamentum locum habeat, vitiare illud dicitur: sic præteriti postumi agnatio substitutione locum habituram tanto ante vitiat.

Heres existat. Enunt. ii. postumus à secundo tantum præteritus, priore repudiante, hereditatem aufert.

Imo et si. Hec eadem que prima enuntiatio est: nisi quod illis verbis amplificatur: Primo deliberante agnascens & mortuus.

Ad legitimos. Seq. i v: Postumus à primo & tertio exheredatus, à secundo præteritus, quamuis primis deliberantibus decedat, iique omitant, totum testamentum euertit. Disceptatio ex eodem quo superior fonte ducitur: nimirum ex iuris & æquitatis contentione. Nam æquitas à substitutis faciebat. primum propter testamentorum sustinendorum fauorem: deinde propter certam testatoris voluntatem, à quo constat substitutos agnatis præpositos fuisse. præterea filii fauor nihil hic loci habebat, is enim decesserat. Qua de causa variè hac de re inter Iuriscōsultos disputatum, verba hæc significat, Quæri solet. Item,

Rectius existimari putauit. Africanus tamen ius summum æquitati anteponit: nimirum propter odium exheredationis, quæ semper ad summi iuris regulam exigitur: & tanquam ad viuum resecatur.

Nam & cum. Argumentum est ex comparatione maioris: q. d. Si substitutus non admittitur, vbi tamen heredi legitimo (nimirum postumo) locus non est: multo minus admitteur, vbi legitimo locus est. Nam Africanus hoc ius quasi pro certo & confesso sumit: in quo tamen magnam video controuersiam versari. Nam Scæuola in l. pen. infra de iniust. test. apertè contrà statuit, ruptum testamentum esse: neque iuri accrescendi locum fore: nisi forte instituti inuicem substituti sint. Cùm autè veteres Iuriconsultos non puduerit apertè dissentientes suas opiniones profiteri, nostri, opinor, vt illorum existimationi consulant, atque etiam Triboniani auctoritati pareant, conciliationes quærūt. Quid impudentius Accurtii interpretatione? Quamuis postumus excludatur: id est, non admittatur tanquam institutus: at tãquam legitimus. Nam ecquonam modo vt institutus adiret, qui & à primo exheredatus est, & à secundo præteritus? Nihilo probabilior est Dini interpretario, quam tamen ab omnibus receptam video: vt excludi dicatur postumus per mortem: quasi item vt in superiore casu primis deliberantib. decesserit. Quis enim locutus vnquam
ita

ita est: Excludetur ab hereditate qui mortuus est? Nam excluduntur, opinior, non qui sepulti sunt, sed qui ingredi conabantur. Denique huiusmodi deliria hominibus Latinæ linguæ imperitis relinquenda sunt. Quid igitur dicemus? Africanus sane excludi postumum significat: nimirum ut pars instituti deficiet alteri coniuncto accrescat. quippe cum neque substitutio propter præteritionem valeat: neque propter vnus ex institutis repudiationem, conualeſcat: & postumus ab hoc primo gradu exheredatus sit, in quo nunc hereditas versatur. At enim si sic postumus excludatur, adiuuari exhereditatio videbitur. Sed cum de testatoris voluntate constet, ut inter coniunctos accrescendi ius sit, non interpretatione vlla exhereditatio adiuuatur: sed certa & explorata testatoris voluntas ac sententia conseruatur. Scauolæ autem opinionem valde admiror: qui significare videtur, in alterius ex institutis deficientis locum, alterum ex substitutis vocari: sed tamen testamētum tumpi: cum satis constet & inter coniunctos accrescendi ius esse: neque substitutionem hanc vitiosam propter vnus ex institutis defectionē conualeſcere. Africani ergo sententiam hæc enuntiatio comprehendet: Duobus institutis quorum singulis singuli substituti sunt, si postumus à substitutis tantum præteritus sit, vno ex primis omittente, pars eius alteri accrescit: id est neq; postumus neq; vllus ex substitutis admittetur.

Contro

Controuerſia igitur hæc inter poſtumum & inſtitutum admittentem verſata eſt: Nam cum ille ruptum teſtamentum diceret, Intentio huius hæc fuit: Præteritus dici non potes. D. Imo præteritus ſum. Q. An præteritus dici poſſit? R. Quia cum in deficientis inſtituti locum alter ex ſubſtitutis vocetur, patet hereditatem in ſecundo gradu verſatam, à quo exheredatus non ſum. F. At ſubſtitutio ab initio vitioſa, propter euentum inſequens, hoc eſt, propter vnus ex inſtitutis repudiationem non conualeſcit. Diſceptatio ex contrariè ſcriptis nata eſt, quorum alterum ab altero modificatur: Hereditas enim quæ verſari in ſecundo gradu non poteſt, rectè propter vnus ex inſtitutis admiſſionem in primo gradu conſiſtit.

In ſingulorum locum. Primus & ſecundus heredes ſunto: ſi Primus non erit, tertius eſto: ſi ſecundus non erit, Quartus eſto. Idem iuris eſt, ſi vterque vtrique ſubſtitutus ſit: veluti ſi vterque heres non erit, illi ſunto. Scæuola autem in d. l. pen. §. 1. putauit, niſi inſtituti inuicem ſubſtituti ſint, repudiantis partem deficere, atque ita ex ea parte inteſtati exitum patremſa. habuiſſe, quippe ab herede deſtitutum. Quod contra Africanus ſenſit: quaſi cum ſubſtitutio vitioſa fuerit, pro non ſcripta ac pro nulla numeretur. Ob eamque cauſſam ius accreſcendi coniuncto fore, quaſi ſubſtitutio aſcripta non fuerit.

§. Quod

Quod vulgo dicitur, cum gradum à quo filius

Argumentum.

Filius à secundo præteritus, dum in primo vel exasse vel ex parte sit institutus, testamentum non vitiat.

Quod vulgo dicitur, cum gradum à quo filius præteritus sit, non valere, non usquequaque verum esse ait. Num si primo gradu heres institutus sit filius, non debere eum à substitutis exheredari, idemque si filio & Titio heredibus institutis, Titio Maquius substitutus sit, omitte[n]te Titio hereditatem, Maquium eam adire posse, quamvis filius secundo gradu exheredatus non sit. Illudque 2, §. 1. ubi

COMMENTARIUS.

Eum gradum. Enuntiatio 1, Gradus à quo filius præteritus est, non valet. l. 3, supra eod. Gradus autem is demum intelligitur, in quo hereditas versatur. Nam in quo deficit, nullus est. l. 5, infra tit. prox. l. non putavit, §. 8, Con. tab.

Usquequaque verum. Modestius dixisset, Exceptionem hanc recipit: Nisi filio ius suum constet.

Non debere. Sequitur 11, Filius primo gradu institutis, substitutionem à qua præteritus est, non vitiat. Cuius rei æquitas hæc est: Nam si filius vivit, hereditatem obtinet: ac proinde queri nihil potest. sin mortuus est, non potest proximus agnatus dicere substi-

tutionem ab initio vitiosam fuisse: ac propterea ob insequentem filii mortis euentum non conualuisse. Cum enim filio suum ius primo loco redditum sit, vitium in substitutione nihil fuit. Tum enim vitium est, cum iniuria filio facta est: Similiana ratio est, cum à primo præteritus filius, in secundo substitutus est. Cum enim omnis substitutio, institutio sit, patet ius suum filio constare: ac propterea testamentum primo gradu obliterato, ac pro nihilo habito, à secundo gradu exordium capturum. l. si filius, D. de hered. instit. ex facto, 43. §. Lucius, de vulg. & pupill.

Mauium adire. Seq. III, Substitutio ei qui cum filio coniunctus est, quauis ommissa filii mentione, facta comprobatur. Disceptatio ex scripto & sententia nascitur. Scriptum (hoc est enuntiationem primam) filius urgebat. Sententiam substitutus: At regula hæc intelligitur, nisi filio ius suum constet, vel nisi filio nulla iniuria facta sit. Nam profecto ita est: Gradum à quo filius præteritus est, propterea vitiosum dici, quia filio iniuria facta est, & suum ius non redditum. Itaque valet hæc Enuntiatio; siue ipsi filio siue coheredi, siue utrique facta sit. Idque eo magis, quia dando testator coheredem filio, facit eum voluntarium. l. apud Iulianum, II. §. Iulianus, D. ad Trebell.

Ex Lege. 1x. §. Sed si ex ea.

Argumentum.

Postumus ex ea quæ vel alteri nupta est, vel duci vxor non potest, non recte instituitur, at ex forore adoptiua recte institui potest.

Sed si ex ea quæ alijs nupta sit, postumum, qui heredem instituerit, ipso iure non valet: quod turpis institutio. *§. pen.*

Sed si ex ea quam nefas sit ducere, postumum heredem instituerit, non putat rumpi testamentum Pomponius. Sed si per adoptionem fororem factam habeam, poterit postumum ex ea heredem institueri: quia adoptione soluta possum eam ducere uxorem.

COMMENTARIUS.

Ipso iure non valet. Enunciatio, Postumi ex ea quæ alteri nupta est, turpis est institutio. Hæc enim formula, Si quis mihi ex illa post meam mortem nascatur, conditionem in alicuius matrimonii solutionem confert, quam mali omnis & detestanda est. At ex vidua postumum instituere filium ius est, l. postumum, 27, infra eod. Aliud ergo est, Turpis institutio: aliud Institutio sub turpi conditione facta. Nam illa nihil nocet, & pro non scripta numeratur.

Nefas sit. Seq. ii. Postumus ex ea quam ne-

fas sit ducere, non rectè instituitur. Quod enim ait NON RUMPI, ad superiorem Sabini sententiam referendum est: ut sit, Prius testamentum per posterius in quo talis postumus institutus sit, non rumpi. Sed aliud est nefas esse, aliud non licere; Nam ex ea quam non licet, sed spes est fore ut liceat, rectè concipitur institutio. l. filius, 28, §. pen. D. de lib. & postum.

Per adoptionem forarem. Seq. 111, postumum ex sorore adoptiva institui heredè ius est quippe cum adoptione soluta cognatio illa omnis intercidat. §. 4. De nupt. per adoptionem, 17, De ritu nupt. Quod autem Iustinianus in §. Tutor, 26, De legat. scribit, postumum alienum institui posse, nisi in utero eius sit, quæ iure nostro vxor esse non potest: quæritur potest, an ad Vestalis & ascetrix postumum referri possit: quoniam postumum ex sorore nihil, hoc quidem iure, prohibeat instituire. Sed videamus ne verba hæc, QUÆ IN VTERO SIT, in vestali de testanda sint. Quæ de re in Institut. Commentariis planius explicabimus.

§. Si filium. Lex 1 X.
Argumentum

Nepos filio ex hereditate præteritus quantum ante aditionem filius decedat, non rumpit, nisi iam tum apud hostes captus filius, ibidem postea decesserit. At si institutus repudiarit, legitimus heres nepos existit.

Si filiū exheredauero, nepotēque ex eo prater-
 riero, & alium heredem instituero, & superuixerit
 filius post mortem meam, licet ante aditam heredi-
 tatem decesserit, non tamen nepotem rupturum te-
 stamentum, Iulianus & Pomponius & Marcel-
 lus aiunt. Diuersūque est si in hostium potestate
 filius sit, & decesserit in eodem statu. Rumpit enim
 his casibus nepos testamentum, quod moriente auo
 filij ius pependerit, non abscissū, ut superiorem casu
 fuerit. Sed et si heres institutus omiserit hereditatem,
 erit legitimus heres, quoniam hæc uerba, Si inte-
 stato moritur ad id tempus referuntur, quo testa-
 mentum deficiunt, non quo moritur.

COMMENTARIUS.

Nepotem praterito. Nepos uiuo filio super-
 stes, non propriè præteriri dicitur. Nam præ-
 teriti uerbum, in eos demum qui sui sunt, conue-
 nit. Et si autem exhereditatio suitate extinguat,
 tamen non nisi post aditam hereditatem ualet
 exhereditatio. l. filium, 20, D. cont. tab. Cum
 tamē hoc casu filij exhereditatio exitum habeat,
 idcirco præteritionis uerbum in nepotis perso-
 na admittitur. Rumpere porro dicitur nepos,
 quia successio eius in filij suitate quasi agna-
 tio est. Quod autem de superstite nepote Pau-
 lus hoc loco disputat, idem ab Ulpiano tracta-
 tur de postumo in lege Siquis, 6, infra titulo
 proximo.

Superuixerit. Nam si ante testatorem esset mortuus, nepos succedens sine controuersia rumperet.

Non rupturum. Enunt. 1, Exheredato filio nepos præteritus, quamuis filius ante aditionem decedat, non rumpet. l. Siquis, 6, infra titulo proximo, & l. Scripto, 7, D. unde lib. Disceptatio ex scripto & sententia nascitur. Scriptum est, Sui heredis præteritio testamentum infirmat. Sententiam autem scriptus heres urgebat: At suus non dicitur nisi qui mortis tempore primum in familia gradum obtinet. d. l. Scripto. Secundum hanc sententiam Paulus scribit Iulianum Pomponium & Marcellum respondisse. quibus verbis non obscure significat, alios nonnullos in contraria sententia fuisse: opinor, propter odium præteritionis & liberorum fauorem. Nam hunc nepotem obliuione præteritum disputabant: ac propterea æquius esse, eum aitam hereditatem quam extraneum habere. Itaque horum sententiam Iustinianus secutus, & aliorum nimiam argutiam improbens in l. Siquis filium, 34, C. de inoff. test. Inofficiosi querelam hoc casu nepoti defert. Eò accedit, quòd si intestati exitum auus faciat, à scripto videlicet herede destitutus, tum huic nepoti sui heredis nomen conceditur: ut posterius dicemus. Quare cum Suias ex insequenti euentu aut aditionis aut repudiationis non pendeat, tam hoc casu, quam illo altero suus

ro suus hic nepos esse videbatur. Paulus autem eam rationem secutus est, quam Ulpianus in d. l. 6, profert. Cum nec exheredari inquit, huiusmodi nepos deberet ab auo, quem pater praecebat, ac proinde sibi iniuriam factam queri non potest. Papinianus autem in l. Scripto, 7, Di. unde lib. subtilissimè disputat, inter causam testati & causam intestati. Nam in causa testati, hoc est, in hac ipsa, cum heres scriptus adiit filium obstaturum nepoti, ne suus heres dici possit. At si intestati exitum Auus habuerit, à scripto scilicet heredem destitutus, tum filium nepotis Sui tatem non impediturum. Quod sane per subtiliter disputatur, non quod rerum naturam argutiis nostris superemus: sed quia quum dubium non sit, quin nepos heres sit, nullo iure nisi Sui heres esse possit. Quod si veritatem subtilius inspicere velimus, necessario certè dicendum esset, Nepotis Sui tatem propter filii superstitis rationem tantisper sospitam fuisse: Ut si scriptus adeat, planè extinguatur: sin repudiet, tum verò quasi rediuiua excitetur.

Rumpit enim. Seq. 11, Nepos filio qui apud hostes est exheredato, prateritus, si filius ibi decebat, rumpit. d. l. 6, §. secundo, In hac enim quaestione eosdem quos in superiore terminos retineri arbitror: nimirum, ut filius capitiuus exheredatus sit. ex l. illa institutio, §. primo, De hered. instit. Alioqui
nihil

nihil prope dubitationis res haberet. Huius autem æquitas sententiæ ex insequenti Enuntiatione constabit.

Filij ius pependerit. Enunt. III. Exheredatio sui ius extinguit: at captiuitas suspensum relinquit. l. prima, §. penultimo, D. de suis & legit. l. filium, 20, §. Videamus, in fin. D. contrab. l. illa institutio, 32, §. primo. De hered. institut. Suspensum autem captiuitas relinquit, propter postliminii fictionem: de qua in §. 4, Quibus mod. ius patr. potest, Dixi autem S. VI. I. V. S. in pristina sententiâ mea permanens, ut pro FILII I. V. S., legamus S. VI. I. V. S. hac de causa, quia non de filii sed de nepotis Suitate hic agitur. Quod vel ex his verbis potest intelligi: NON ABSCISSYM, UT SUPERIORE CASU FVERIT. Nam hoc quoque casu filij ius per exheredationem abscissum est. Communis autem error ex eo natus est, quia non animaduvertebatur captium hunc filium æquè ut superiorem exheredatum fuisse: quod nisi ponamus, causam, ut ante dixi, dubitandi omnem subducemus. Mira etiam subtilitas hoc loco notanda est: quam in l. Gallus. §. Si eius, & §. videndum, notauimus. nimirum neque veritatem neque legis Cornelie fictionem usquequaque accipi: sed vtranque ex parte duntaxat. Nam si fictionem in totum acciperemus, quia filius ipso captiuitatis momento decessisse fingitur,

Nepotem

Nepotem iam tum ab eo tempore, ante testamentum suum heredem fuisse diceremus : ac proinde non rumpere, sed scriptis heredibus accrescere. Nunc cum Suitatem adeptum fingimus duntaxat post testatoris mortem: cum filio per mortem de Suitate remoto, in eius locum successit. Nepotis ergo Suitas superiore casu propter filii exheredationem abscissa fuerat. Nam exheredatio filii, si exitum habeat, nepotis quoque exheredationem secum affert. At hoc casu non abscissa, sed suspensa erat, quia si filius redeat, Nepos non dicetur mortis testatoris tempore suus fuisse. sin ibi decedat, dicetur. Subtilissimè ergo differentia notatur, inter exheredationem filii qui in potestate est, & eius qui apud hostes est. Nam illa nepotis Suitatem statim abscindit. Hæc verò suspensam relinquit. quia si ibi filius decedat, pro nulla numeratur, quasi iam mortuus exheredatus fuisset.

Omiseric. Enunt. 1111, Nepos exheredato filio præteritus, si institutus repudiet, legitimus heres erit. l. Scripto, 7, D. unde lib. vbi Papinianus causam hanc explicat.

Hæc verba. Legis xii, tab. Si intestato moritur cui suus nec exstabit heres, agnatus proximus familiam habeto. Dubitandi causam Papinianus hanc affert, quia proximum gradum nunquam tenuit. Diluit autem, quia cum illum heredem esse constet, nullo alio iure
q re quàm

re quàm hoc vnico Suitatis heres esse poterit. Simul caussam hanc adiicit , quia tametsi filius gradu processit , tamen successione non prauenit. Nunquam enim tempus extitit, cùm ei hereditas defferretur, & in eius persona versaretur . Pauli autem quæ hoc loco traditur. ratio , subobscura est. cui nanque dubium vnquam esse potuit , quin verbum illud legis. **INTESTATO**, non ad mortis tempus referatur? cùm siue postumi agnatione testamentum rumpatur, siue propter scripti repudiationem irritū fiat, ac destituatur, semper intestato mortuus paterfam. dicatur . Itaque obtusa hæc disputatio videretur . Quare videamus ne Paulus legis verba , utpote in vulgus nota , præcisè protulerit , adiecta nota illa vsitata , &c. ut non principium illud capitis significet , sed proxima potius verba : **CVI SVVS NEC EXTABIT HERES**, quasi sententia hæc sit: Cùm lex iubet intestato patrefamilias mortuo cum qui suus ei heres extat , familiam habere: non restrictè ac præfinitè de eo demum statuit, qui mortis tempore suus heres extat, sed etiam de eo qui per id quidem tempus abditus, aliquantò post existet ac patefiet. quod idem de Agnato proximo Iulianus tradit in l. 1, D. vnde legit . Vbi ait edicti verba his legis verbis consimilia *παρρησιας* accipienda esse : id est , non pressè & angustè, sed laxè &, ut ita loquar, extensiuè. quippe cùm, etsi filius mortis tempore

gradu

gradu prior esset, tamen ei priore loco delata hereditas non fuerit.

Lex X.

POMPONIVS libro primo ad Sabinum.

Argumentum.

Postumus eo casu natus quo præteritus reperitur, testamentum rumpit.

Commodissimè is, qui nondum natus est, ita heres instituitur; Siue viuo me, siue mortuo natus fuerit, heres esto. aut etiam purè neutrius temporis habita mentione. si alteruter casus omissus fuerit, eo casu qui omissus sit natus, rumpit testamentum: quia hic filius nec sub conditione quidem scriptus heres intelligitur, qui in hunc casum nascitur, qui non est testamento adprehensus.

COMMENTARIUS.

Siue viuo. Enunt. 1, Nondum natus re-
 æd sic instituitur, si me viuo mortuove nascatur. l. Si ita scriptum, 43, De hered. instit. Nam lege vellea ut nondum natos institui exheredariæ liceret, sancitum est.

Aut etiam purè. Seq. 11, Nondum na-

tus, sine temporis agnascendi mentione, rectè instituitur. Cùm enim infinitè testator locutus sit, infinitè quoque institutio accipienda est: siue viuo, siue mortuo testatore agnatio contingat.

Rumpit testamentum. Seq. 111, Agnatio eo tempore quod omissum est contingens, testamentum rumpit. l. Si pater, 26, D. de vulg. & popill. Disceptatio nascitur ex contrariè scriptis. Nam pro testamento pugnat vulgata sententia: Liberos instituti menti testatoris, & testamento fauendum esse. Erat filius institutus: de mente & voluntate testatoris constabat, cui quoad fieri potest, subseruiendum est: testamentorum autem magnus fauor est. Eò accedebat superior proxima Enuntiatio. Nam si pura conceptio valuisset, non videbatur adiectio superuacanea nocere. Contra testamentum tamen pugnat odium præteritionis. Quoniam ex contrariorum disciplina constabat, filium eo casu qui natus est, præteritum fuisse. Illud autem Iuriconsultorum sollemne est, vt propter odium præteritionis testamenta quoad facultas ferat, oppugnent. Hoc tamen Iustinianus pro imperio correxit. in l. vltima, C. eodem, & quemadmodum D. Marcus statuerat, vt substitutio in alterum casum facta, in vtrunque valeret: l. 4, infra de vulg. substit.

sic decreuit, vt institutio postumi in alterum casum concepta, in vtrumque valeat. Quæ verò conciliationes à nostris proferuntur, plane nugatoriæ sunt: ac præsertim ea quæ cæteris probabilior videtur: quasi verba hæc, **INTRA DECEM MENSES**, non ad moriendi momentum, sed ad testamenti faciendi tempus referenda sint. Quo quid obtusius dici potest? quasi verò decem mensium mentio non translatitia esset, & in postumorum institutionibus sollemnis: propter caput legis xii tab. quo cautum est, vt decimo mense natus legitimus habeatur. Præterea si testator ita sensisset, ecquænam in re perspicua tanta dubitandi causa fuisset, vt propterea iurgium inter prudentes exoriretur? nam hoc verbo Iustinianus vtitur.

Nec sub conditione. Obscurus locus. Nam sententia postulare videbatur, vt ne purè quidem institutus videretur. quasi scilicet dubitari posset, an superuacanea adiectio pro non scripta habenda esset. Dubitandi enim an alius hic sub conditione institutus sit, causa, sanis quidem hominibus nulla est. Quare videndum vtrum hoc significet, quod traditur in l. Sub conditione, 20, infra. eodem & eo loco planius intelligitur: an fortasse legendum sit, **NEC NON SUB CONDITIONE**, pro eo quod dixit, **PURÈ**.

In hunc casum nascitur. Similis ferè locutionis

acerbitas: pro, In hunc casum institutus nascitur.

Lex XI.

Paulus libro secundo ad Sabinum.

Argumentum.

Filius familias ideo suus dicitur, quia patri succedens non nouum dominium acquirit, sed illud ipsum quod in vita patris habuit, continuare videtur, & liberiores eorum bonorum administrationem consequi.

In suis heredibus euidentius apparet continuatione domini eam rem perducere, ut nulla videatur hereditas fuisse. quasi olim hi domini essent, qui etiam uiuo patre quodammodo domini existimantur. Unde etiam filius familias appellatur, sicut pater familias: sola nota hac adiecta, per quam distinguitur genitor ab eo qui genitus sit, itaque post mortem patris non hereditatem percipere videntur, sed magis liberam bonorum administrationem consequuntur. Hac ex causa licet non sint heredes instituti, domini sunt. nec obstat quod licet eos exheredare, quos & occidere licebat.

COMMENTARIVS.

Continuationem. Enunt. i, In suis heredibus continuari potius quam acquiri dominium videtur. §. Sin autem, De hered. qualitat. Patet autem ex l. liberorum; De verb. signif. locutionem hanc non à Iurisconsultis exco-
gitatam

gitatam, sed in lege xii tab. vsurpatam fuisse, ut sui dicantur, quasi qui suarum potius quam alienarum rerum dominium atque hereditatem obtineant. Fuit enim consuetudinis antiquae, ut patresfamilias suis filiis aliquod pecudum capita, post etiam certos agros fruendos attribuerent, in quibus suam industriam exercerent. Vnde Peculii profecti nomen ductum. Eoque pertinet illud Ciceronis Verrina, III, Quibuscum viui bona nostra partimur. Et apud Terentium: Donec saluus redierit meus particeps. Sed quaeri video hoc loco: an ut dominium, sic etiam possessio in suis heredibus continuetur. cum in extraneis quidem non continuari satis constet: ex l. Pomponius, 13, §. quaesitum, & l. cum heredes, 23, D. de acquir. poss. quippe cum hereditas id tantum quod ipsius est transferat. possessio autem hereditatis non est. l. 1, §. Scruola, D. Si is qui test. lib. ess. iuss. Nostri proferre solent l. 2, §. 1, D. pro hered. sed recte ab aliis demonstratum est, nihil eam legem ad hanc quaestionem pertinere. cum ibi de donatione patris in filium agatur: qua iure civili nulla erat. l. 2, pro donat. Puto autem commodius hinc sumi argumentum posse: primo quod sui non adire, sed retinere dicantur. l. Si patronus, 12, §. vltimo de bon. libert. Nam si retinent & aditione opus non est, ut iis ex locis intelligitur, relinquatur, ut iam antea possessionem habuisse videant

deantur. Præterea quos agros fruendos iam habebant, qua de causa Participes dicebantur, an non eorum possessionem obtinebant? Deinde cur diceretur in l. 2. C. pro hered. suis heredibus existētibus nihil pro herede posse usu capi, nisi quia sui possessionem obtinent? Atq; hoc nimirum illud est, quod Paulus infert: filios post mortem patris nō hereditatem percipere videri, sed liberio rem bonorū administrationē consequi.

Filiusfamilias. Enuntiatio 11, Filiusfa. nota est non ad dominium, sed ad genus distinguendū instituta. Quod sic intelligendum est: quia cū familiæ nomine hereditas significetur, tam est illud verbum filii, quā patris commune. At genitoris à genito distinguendi causa, vox, Pater, aut Filius præponitur. Sed hæc ita accipienda sunt, cū quidem & pater & filius superstites sunt. alioqui paterfamilias appellatur, qui in domo dominium habet, quamuis non modo filium non habeat, verum etiam impubes sit. l. pronuntiatio, 195, De verb. sig, l. 4, D. de iis qui sunt sui vel alie.

Magis liberam. Seq. 111, Sui heredes non hereditatem, sed liberio rem administrationem consequi videntur. ut prope eadem filiusfa. post patris mortem, quæ pupilli post tutoris potestatem sublatam ratio esse videatur. scilicet in rebus suis possidendis: quæ sententia superio rem illam disputationem magnopere confirmat.

Licet non sint. Seq. i i i t, Filiis familias etiam non instituti, tamen heredes sunt: quippe qui non ex testamento, sed à lege heredes designati sint. Itaque etiamsi scripti heredes sint, tamen non tam à patre, quàm à lege nomen illud obtinent. Qualitatem igitur à lege, à patre autem quantitatem obtinent.

Nec obstat. Ex repugnantibus; hoc modo: Non & lex illos heredes fecit, & pater, qui priuatus homo est, arbitrato suo illis hereditatem auferre potest. Sed Pauli responsio non satis huic obiectioni facere videtur. Caput enim est in x i i tabulis, vt patres in filios ius vltæ ad necis habeant: at nullum caput est, quod exheredandi ius diserte permittatur. Nam si profertur lex, V T I Q V I S Q V E suæ rei, &c. rectè subsistitur, ei legi inofficiosi querelam obrogare, Vera igitur responsio hæc erit: moribus recepta fuisse querelam, atque inde natum ius, de quo Paulus scribit in l. vlt. D. de bon. damnat. v. exheredari liberi nisi iustis de causis possint.

Lex. XII.

V L P I A N V S libro nono ad Sabinum.

Argumentum,

Præteritus filius quauis ventre cæso; modo anima spiritusque prædictus natus sit, testamentum rumpit.

Quod dicitur, filium natum rumpere testamentum: natum accipe esse ex facto ventre editus seq.

r Nam

(Nam & hic rumpit testamentum, scilicet si nascatur in potestate. Quid tamen si non integrum animal editum sit? Cum spiritu tamen? An adhuc testamentum rumpat? Et hoc tamen rumpit.

COMMENTARIVS.

Quod dicitur. His verbis Regula iuris significatur. est autem huiusmodi: Agnatione sui heredis præteriti, testamentum rumpi. quam ut notam & peruulgatam Cicero in ea pro Cæcina & in primo de Orat. commemorat.

Ex secto ventre. Enuntiat. Qui casu ventre editus est, pro nato numeratur. l. postumus, 6, D. de inoff. test. l. 1. §. Si qua prægnans, Vnde cogn. Disceptatio ex verbi NATVS definitione & ambiguitate ducitur. Vtrum is demum natus dicatur, qui naturæ ordine & ritu editus est: quod coniugatorum ratio postulare videbatur: an verò etiam is qui quoquo modo in lucem & vitam editus est. Itaque Vlpianus in l. Si ego, 11, §. 3, D. de public. Natum aperte ab extracto distinguit. Idem est, inquit, si non natus, sed post mortem matris ex secto ventre eius extractus est. Sed cum hunc nihilo minus filium esse constet, Iurisconsulti autem filios contra testamentorum iniuriam adiuuent: mirandum non est, si pro nato numeretur. Hos autem Cæsones antiqui nominabant, quorum è numero Scipionem illum Africanum

num fuisse, Plinius auctor est. Non dissimilis autem disputatio quondam fuit propter legem Papiam, quæ orbis semissem hereditatis auferbat: matribus integram relinquebat. Nam Paulus in l. anniculus, 132, De verb. sig. Falsum est!, inquit, eam peperisse, cui mortuæ filius exsectus est. Vlpianus autem in l. etiam ea, 141, eod. tit. Etiam ea mulier, inquit, cum moreretur creditur filium habere, quæ exciso utero edere possit. Nostri autem, ut pugnantia hæc componant, dicunt eam mulierem filium quidem habere, sed non peperisse. quo quid ineptius fingi potest? Denique questionis erat, utrum orba hæc dicenda esset, an mater. Nec novum est Paulum ab Vlpiano dissentire. Vlpiani autem sententiam æquissimam & certissimam esse arbitror, neque affirmare audeo; Paulum in contraria sententia fuisse. Tantum dico, superiora illa utriusque pronuntiata mihi plane contraria & pugnantia videri. *Et hæc nascatur in potestate.* His verbis significatur contrarium ius in casu contrario statui: sicut supra ad l. commodissime, dictum est. Nunc quæro casum quo filius in patris potestate non nascatur. Nam quod vulgo verba hæc sic interpretantur, quasi moneremur de suo postumo hic agi, non de alieno, ut in l. 1, §. 2, D. de vent. insp.

perobscurum mihi videtur. cum Vlpianus & nominatim filium appellans: neque de ius testamento accipio locus possit: & disputatio hæc etiam ad eum qui viuo testatore nascitur, commodissime refertur possit. Quid quod his verbis vel ipsi postumi excluduntur? quippe qui in potestate non nascantur. l. ult. D. de affig. libert. Ne multis morer, cum huius disputationis ratio postulare videtur, tum etiam insequens proxima clausula non obscure significat, additum hoc loco verbum aliquod fuisse de parulis istius vita: ut intelligatur, non mortuum, sed euiuum & animatum extractum fuisse. Idque somnino in hac disputatione necessarium est. quasi dictum sit, Rumpere testamentum, scilicet, siquidem uiuus & animans edictus sit. Quare tum Lucretium videam Animæ potestatem pro vita sæpe vsurpasse, considerari poterit, ecquid scriptum ita fuerit: Si nascatur in potestate, ut propter vulgatam notum & compendium scripturæ, *ATQ*, vox illa effluerit. Lucret. lib. 3. Quod Genus in nostris membris & corpora toto Mixta latens animi vis est, animæq; potestas. Itē. Conquiescat enim tum mens animæq; potestas. Item postquā Distracta est animi natura, animæq; potestas, Item Deniq; corporis atq; animæ viuata potestas, Inter se cōiuncta valent vitæq; fruuntur. Cōsentientissime

autem

autem congruit, quod statim inferitur, Quid si non integrum animal, &c.

Adhuc testamentum. Enunt. 11, Agnatio filii præteriti, quamvis non integer edatur, rumpit. l. 3, C. de postum. ubi Iustinianus testatur disputatum inter Sabinianos & Cassianos de eo qui æquus editus, statim mortuus fuerat. Quæ disceptatio ex summi Iuris & æquitatis contentione nascebatur. Cassiam æquitatem urgebant: quasi iniquum esset propter momentaneam editi semimortui vitam & testamentum & certam testatoris voluntatem oppugnari: præsertim cum cui iniuria dici facta posset, nemo extaret. Contra verò constaret, Testatorem ut legitimos remoueret, testamentum scripsisse. Sabiniani autem propter præteritionis odium iuris summi subtilitatem spectare maluerunt. Non integrum igitur animal intelligamus, aut æquum, de quo Iustinianus testatur: aut mutilum membris: ut cæcum, aut luscum, aut mancum. Monstra autem & portenta pro legitimis partibus, cum de rumpendis testamentis agitur, non numeramus. At si de matre adiuvanda ageretur, contra confiscationum odium, admitteretur. l. quæret aliquis, De verb. sign. non sunt liberi, de statu hom.

Lex

XIII.

IULIANVS libro vigesimo nono Digestorum.

Argumentum.

Vxor heres cum filio vel cum filia, si alteruter nasceretur ex parte instituta, si ambo nascantur, portionibus secundum voluntatis coniecturam renouatis admittetur.

Si ita scriptum sit, Si filius mihi natus fuerit ex beſſe heres eſto: ex reliqua parte vxor mea heres eſto: Si vero filia mihi nata fuerit, ex triente heres eſto: ex reliqua parte vxor heres eſto: & filius & filia nati eſſent, dicendum eſt, aſſem diſtribuen- dum eſſe in ſeptem partes, vt ex his filius quatuor, vxor duas, filia vnā partem habeat. Ita enim ſecundum voluntatem teſtantis filius altero tanto amplius habebit, quā vxor: item vxor altero tanto amplius quā filia. licet enim ſubtili iuris regula conueniebat, ruptum fieri teſtamentum, at- tamen quoniam ex vtroque nato teſtator volue- rit vxorem aliquid habere, ideo ad huiusmodi ſen- tentiam humanitate ſuggerēte decurſum eſt. Quod etiam Inuentio Celſo apertiſſimē placuit.

COMMENTARIVS.

Subtili iuris regula. Enunt. 1. Summo iure neque poſtumi inſtitutione; poſtuma: neque huius, ille continetur. l. 1, §. 2, D. de vent. in poceſſ. vbi Vlpianus ait, poſtumi exheredatione poſtumam non contineri. Vniū igitur aut inſtitutione aut exheredatione alter præteritus cenſetur. Atque hoc illud eſt, quod ait, Subtili iuris rationi conueniſſe, ruptum fieri

fieri testamentum. Nam etsi in l. vtrum, 7, D. de reb. dub. vnius postumi institutione plures agnati complexi esse intelligantur, id tamen vel de muliebris sexus postumis non dicitur: vel, vt hoc loco ex æqui & boni ratione, non ex summo iure dicitur.

Quoniam testator voluerit. Coniectura ergo voluntatis est. Cùm enim testator non de alterutro duntaxat, sed de vtroque casu cauerit, quamuis non coniunctim, sed disiunctim, & separatim id fecerit, tamen quæ verbis separata sunt, mente & sententia coniuncta intelliguntur, quasi non distinctione testator vsus esset: SIN AVTEM: SI VERO, & similibus: sed coniunctione, Siue filius, siue filia nascatur. quo in casu etiam summo iure coniunctio facta intelligitur. l. si ita facta, 14, De iniust. test.

Ex vtroque nato. Fortasse scriptum fuit, *Vtrocunque.* Sed tamen hæc scriptura commodissimè quadrabit: quia verissimum est testatorem in vtrunque casum cauisse. Tametsi enim verbis ambos casus non coniunxerit, re tamen & sententia, non de alterutro duntaxat, sed de ambobus locutus est.

Humanitate suggerente. Quo ex verbo intelligitur, disceptionem ex iuris & æquitatis contentione natam esse. AEquitatem autem ex coniectura voluntatis sumi, quia constabat testatorem vtroucunque casu vxori siue cauisse.

Falsum

Falsum arbitror quòd quidam putant, Humanitatis rationem ex mulieris istius persona sumi: in qua duæ qualitates sunt beneuolentia dignissimæ: quòd & vxor & geminorum mater sit. Primum quia etsi alienissima coheredis persona fuisset, tamen idem Iulianus respondisset. Non enim personarum qualitatem in extraneis (qualem vxorem esse constat) sed testatoris mentem & voluntatem inspicimus. AEquitatis ergo siue humanitatis ratio hic ducitur: vt cùm de testatoris voluntate constet, quamuis minus elocutus sit; tamen eius verba ex mentis coniectura benigna interpretatione adiuuentur. Deinde quia si verum esset ita propter personam mulieris responderi, sequeretur, illa repudiante testamentum intercidere. Quod esset absurdissimum. Pars enim respondiantis filio & filia per æqua proportionem accresceret. Obiicitur l. Item quod 17, §. sed si, D. de hered. instit. vbi qui assē in alios distributo sic instituitur, **EX RELIQUA** parte ex parte nulla institutus intelligitur. Cùm igitur filio & filia agnatus totus as impletus intelligatur, vxor quæ ex reliqua parte instituta est, ex nulla parte instituta videtur. Sed longè dissimiles causæ sunt. Nam illic testator assē expleat: hic non expleat. Et quamuis casus impleat, tamen Testatoris mens & voluntas spectatur, qui de assē in liberis implendo nō cogitauit. Deinde verba hæc, **EX RELIQUA** parte

parte: non ex literis & syllabis, intelligenda sunt, sed ita accipienda quasi dixisset, vt in l. Clemens, 8, D. de hered. instit. filio duas partes, filia tertiam. Multo inoprius obiicitur l. in conditionibus, 19, §. vlt. D. de cōd. & demonstr. Nam hic in vtrunque euentum testator vxori cauerat: quasi dixisset: siue filius siue filia heres erit, vxor coheres esto: illic ligatorium in alterutrum casum apertissimè remouerat. Coheredem enim sub hac demum conditione admiserat, si modo vterque heres non esset. Nihilò magis nos moueat, quod quidam disputant, Iuliani proportionem contrariam esse, proportioni à testatore factæ, quasi testator filium fecisset duplum filię, hanc illi subduplam: Iulianus autem filiam faceret filio subquadruplam. Neque enim verum est, testatorem fecisse filiam fratri subduplam: tamen si huic bessem, illi trientē attribuerit. sed partem tertiam intermediæ vxori attribuit: quam filio subduplam esse voluit, filia verò duplam. vt illæ duæ beslis & trientis partes non inuicem, sed potius ad illam terciā partem referentur: hoc est, vt filii pars, bes esset respectu vxoris: filia pars eiusdem vxoris respectu esset triens. Vnde perspicuum est, non Iulianum, sed Testatorem ipsum fecisse filiam fratri subquadruplam: Iulianum autem ipsius testatoris mentem & voluntatem interpretatum esse. non enim indefinitam testator vxoris partem reliquit. Aliquanto plus aduersari videbitur, l. si

ita scriptum, 47, D. de hered. inst. ubi testator filia herede indefinitis partibus instituta subiunxit, Si filius nascatur, ex dodrante; si filia, ex quadrante heres esto. nam cum ambo nati fuissent, duos asses Africanus fecit: & filia vnum, postumis alterum attribuit. tum deinde rem ad geometricam proportionem reuocans, hereditatem in octo partes distribuit, quarum quatuor filia, postumo tres, filia vnā adiudicauit. Quare dubitari posset, quid ita Iulianus non etiam hoc casu duos asses fecerit: cum vnus integer in ambobus postumis consumptus sit. verum intelligendum est, in illa causa testatorem apertissime duos asses fecisse: cum enim filiam indefinitis partibus instituisset, eam ex asse vniuerso instituisse intelligebatur. alterum autem descriptis partibus postumis attribuerat. At in causa nostra duo asses neque à testatore facti sunt, neque ex illius mente & sententia fieri possunt. vxorem enim non indefinitis partibus, sed certis, & præscriptis instituerat. vt filio subdupla, filia verò dupla esset. Quòd si hoc modo interpretaremur, vt alterum assem facientes, respectu filii attribueremus vxori trientem, respectu filia bessē: tum verò apertissimæ testatoris voluntatem peruerteremus. Vxori enim maiorem multo quàm filio partem attribueremus: cum ille voluerit vxoris partem duplo à filio superari. nam re ad geometricam rationem & vnum assem reuocata, vxori semissem, filio trientem,

tem, filia: verò sextantem attribueremus. Ma-
 neat igitur Iuliani ratiocinatio: quæ quamap-
 tissimè ad testatoris voluntatem accommoda-
 ta est. Et vt pro corollario illud adiungamus,
 notetur quod in illa l. si ita scriptum, 47, identi-
 dem ostendimus: illic dupòdium apertissimè à
 testatore factum: & assem secundum descriptis
 apertè partibus completum fuisse. ob eamquæ
 causam nihil ei aduersari, l. cum quæstio, 23, C.
 de legat. in qua secundus as impletus non fue-
 rat. quapropter mirum non erat, si toto vni at-
 tributo, partem alteri postea tribuit, partem ex
 toto detrahare censeatur. At in l. si ita scriptum,
 dodrans postumo attributus de superiore asse
 non detrahebatur: sed ad quadrantem postu-
 mæ relatus secundum assem faciebat.

Septem partes. Seq. 11. Vbi in asse ordinario
 seruari Arithmetica proportio non potest, ad
 Geometriam decurrendum est. d. l. si ita scri-
 ptum, 47. Similiter Paulus in l. clemēs, 81, infrà,
 de heredib. instit. scribit testatorem, qui si sibi
 filius & filia nascerentur, duas illi, vnā huic
 relinquit partē, si quidem ei duo filii vnaq; filia
 nascatur, intelligi in quinque partes assem distri-
 buisse: quarum filii binas, filia vnā auferet.
 Potuit etiam in decem distribui, vt singuli filii
 quaternas, filia duas auferret. Male autem de
 nostris ingeniis meritis est Tribonianus: qui
 cum huius causæ disputatio tripartita sit, vni-
 cam duntaxat partem tractat. Summa igitur di-

nisi hæc est. Nam aut pares factæ partes sunt, aut impares. pares sunt, Veluti si filius nascatur, heres esto ex semisse: vxor ex semisse. duobus filiis natis, singuli singulos trientes auferent, vxor tertium: quippe cum pares inter illos partes testator distribuerit. Sin autem partes impares sint, veluti, filio bessem, vxori trientem: & duo filii nati sint, geometrica proportio sequenda erit: vt singulis filiis quaternæ, vxori binæ attribuantur. aut, vt in d. l. Clemēs, ita quinque seruandæ partes erunt, vt filiis singulis binæ partes, vxori vna attribuantur. Quod si filia (vt in lege nostra) triens, vxori bes attributus sit: tunc duabus filiabus natis, singulis quadrās dabitur, vxori semis: vel singulis binæ partes vxori quatuor. Operæpretium est autem Iurisconsultorum in Geometrica proportionē reperienda obseruare: vt id cum vsus venerit, imitari possimys. Est autem arithmeticorum præceptis consentaneum: quorum quadripartita est regula: primum, vt minimi cuiusque personæ numeri quærantur: velut in hac causâ: filia superatur ab vxore duplo: à filio verò quadruplo. minimus ergo filia numerus est, 1. vxoris. 2. filii. 4. Tum deinde illi numeri coniungendi sunt: vt hic. 7. Postea per hunc coniunctum vniuersa summa (verbi gratia hereditas 28) partienda est. vt hic, septima pars totius summæ sunt. 4: quæ filia tribuanda sunt. Tum hic numerus per proximum vxoris numerū multiplicandus: vnde 8,

*De propor
tion-e Ge o
metria .*

de 8, nascitur: quæ illi tribuenda sunt: postremo per huius numerum, unde conficiuntur 16, quæ si huius pars erit. Ita distributa erit hereditaria summa tota 28. Similiter in d. l. si ita scriptum, de hered. inst. ubi filia 12, postumo 9, postumæ 3, attributa erant: quia postumus triplo superat postumam; filia vero quadruplo, minimus postumæ numerus erit 1, postumi 3, filia 4: quam summam Africanus coniungens, efficit 8. Partiamur nunc hereditariam summam verbi gratia 80; in octo partes, octaua quæ postumæ debetur, erit, 10: quæ ex postumi numero multiplicata, triginta illi pariet: ex filia, quadraginta. Hæc igitur Iurisconsultorum observatio fuit, in qua proportio Geometrica inest: de qua scribit Aristoteles libro Ethic. v: cum illam definit æquitatem rationis quæ minimū in quatuor posita est: quippe cum & ea quæ distribuuntur, ut hereditas, diuidantur: & ii quibus distribuendū est, ut coheredes. Tum deinde ita demonstrat. ut est A, ad B in linea, sic esto C ad D: pariterque ut est A ad C, sic B ad D. Ergo etiam totum cum toto comparabitur, distributioq; id coniunget: & si ita inter se componantur recta erit coniunctio. ita extremi A cum extremo C, & extremi B cum extremo D. coniunctio, ius est quod in tribuendo versatur. Iniuria autem à proportionem aliena atq; auersa est. Qui locus ut planius intelligatur, constituitur in A smaragdus pretiosissimus: in B fulex. tū ducatur altera linea, & in C ponan-

tur mille aurej, in D. obolus. Post ratio ita inca-
tur: Vt est A ad B, sic C ad D: dein si vt A est ad B,
ita C ad D, necessario A est ad C, sicut B ad D. po-
stremò vt est, totū ad totū, ita altera pars totius
ad alteram alterius, veluti vt est A C ad B D: ita
& A ad B, & C ad D. Nunc vt ad Iuriscōsul-
torum nostrorum rationem redeamus, sumamus
disciplinæ causa illud Africani expeditissimū:
& Testatoris distributionem proponamus. filia
12 postumo 9. Post Africani rationem subiunga-
mus, filia 3, postumo 3, qui minimi sunt numeri.
Ergo vt sunt 12 ad 9; sic 4 ad 3. dein si vt sunt 12
ad 9, ita 4 ad 3: necessario erūt 12 ad 4, sicut 9 ad 3.
Postremò vt 12 & 4 ad 9 & 3, ita 12 ad 9, & 4 ad 3.

§. Regula.

Argumentum.

Cui libertas & hereditas simul relictæ sunt, ei neutra separa-
tim eodem adimi testamento potest.

*Regula est iuris Ciuilis, qua constitutum est, he-
reditatem adimi seruo non posse, propter quam liber
& heres esse iussus sit. Itaque quamuis dominus ade-
merit eodem testamento libertatem, nihilominus &
libertatem & hereditatem habebit.*

COMMENTARIVS.

Hereditatem adimi. Mirifica profectò vtraq;
hæc consultatio est: An cui libertas & hereditas
relictæ sunt, adimi ei alterutra separatim possit.

Nam si de necessariis hereditibus agitur, utroque
 que casu intestati exitum dominus facturum est;
 cum siue hereditas adimatur, testatus sine here-
 de dici non possit siue libertas, obtinere seruis
 institutis hereditatem sine illa non possit. Ita-
 que nec codicillis quidem adimi necessario here-
 di libertas potest. l. 6, in fin. D. de hered. insti. To-
 tum igitur huius, non modò inconsideratissimè à
 Triboniano sub hac Rubrica, quæ de liberis est,
 coniectum arbitror; verumneriq; corruptum ac
 deprauatum: neque posse de necessariis heredi-
 bus intelligi, sed de seruis. Vnà quæ aliis coheredi-
 bus adiecta libertate institutis: ut sensus sit,
 Quamuis defunctus intestati exitum non habe-
 rer, quippe qui alterum heredem institueret. ta-
 men cum libertas seruo relinquatur, cõter au-
 tem libertatē ei seruo propter hereditatē datam
 fuisse, consentaneū videtur, ut hereditatē quoq;
 pro sua parte retineat. Est enim argumentū ex
 cõsequentibus ad antecedentia: ut cui quid pro-
 pter aliud conceditur, eidem illud ipsum neces-
 sario concedatur. l. 4, D. de penu. legat. Tamen si
 enim si iuris rationē spectemus, libertas antece-
 dat, tamen ex testatoris voluntate, de qua hic a-
 gitur, hereditas & principalis & antecedens est:
 libertas autem necessaria & consequens. non e-
 nim ei hereditas propter libertatē, sed cõtrà, li-
 bertas propter hereditatē conceditur: quod cū
 re ipsa intelligitur, tum etiā Iulianus his verbis
 ostendit: Propter quā liber & heres esse visus est.

Quod

Quod cum ita sit, & verbum **LIBERTATEM** perperam incultatum arbitror, & pronomen **EAM**, interponendum hoc modo: Itaque quauis eam dominus ademerit eodē testamento, libertatē nihilominus & hereditatē habebit. Nam dubitatur an cū seruo hereditas cū libertate relicta est, cū libertas adimī, hereditas verò relinqui possit, nisi fortē seruus cōmunis sit, nulla mihi quidē ratio videtur. De cōmuni autē seruo dissimilis ratio est, vti patet ex l. 6; D. de hered. instit.

§ Testamentum.

COMMENTARIVS.

Quæ de exheredatione post mortem facta dicenda sunt, & omnino quæ ad hunc locū pertinent, exposita sunt in l. Gallus, §. in omnibus.

§ Siquis Lex XIIII. Si postumus.

COMMENTARIVS.

Hunc § & l. insequentem superius vnā cum l. 3, exposuimus.

Lex XVI.

AFRICANVS libro quarto questionum.

Argumentum.

Filius præterito postumo institutus, eoque nondum nato mortuus, si nepos ei substitutus sit, sui ius in eum transfert, si minus hereditatem ab intestato. Item vti si conditioni sub qua institutus fuerat, non paruerit.

Si filius

Si filius heres institutus sit omisso postumo, filioque substitutus nepos ex eo sit: si interim moriatur filius postumo non nato, nepotem tam patri quam auo suum heredem futurum. quod si nemo filio substitutus sit, & solus ipse institutus sit: tunc quia eo tempore quo is moriatur, certum esse incipit neminem ex eo testamento heredem fore, ipse filius intestato patri heres existat: sicut euenire solet, cum sub ea conditione quæ in ipsius potestate erit, filius heres institutus, prius quam ei pareret moriatur.

COMMENTARIUS.

Interim postumo non nato. Id est interim dum postumi expectatur agnatio. Hec enim coniungenda sunt: non (vt ab aliis) disiungenda. Quod enim verba hæc POSTUMO NON NATO, quidam sic accipiunt, quasi interea dum hereditas adita non esset, filius decessisset, deinde postumus natus non fuisset: sanè cuiusmodi sententia futura sit, non dispicio. Nam si natus postumus non esset, ecquis nepoti controuersiam moueret: ecquæ dubitandi causa subesset, quin & suus & solus ex testamento futurus heres esset? Præterea utrū natus non est, quia conceptus non esset, an quia contigisset abortio? Si conceptus non erat, quid absurdius Africano, qui omissum postumum proposuit: si abortio contigit, ecquodnam hoc genus est dicendi, Postumo non nato: pro, Per abortionem extincto?

Nepotem. Lex est in XII tab. vt nepos, qui mo-

t dō

dò suus heres sit, ad aui hereditatem vnà cū patruo admittatur. l. 3, & l. 4, C. de suis & legit. §. cū filius, 6, & §. ult. de hered. quæ ab intest. Iam qui filium & ex eo nepotem, vxoremq; grauidam habebat, filium instituit, nepotem ei substituit: postumum præterit. Eo mortuo filius acquirere hereditatem non poterat: hoc est, nihilo magis quàm cū viuo testatore suus heres designatus erat. Nam quādiu rumpi testamentum potest, non defertur ex testamento hereditas. l. ventre, 84, De acq. hered. Tamen si aliud Iuris postea Theodosius introduxerit, per l. vn. C. qui aut. apert. tab. Cū hic rerum status esset, moritur filius, cuius in locum nepos succedit. tandem agnascitur postumus, & testamentū rumpit. querebatur an nepos hic ex lege xii tab. admitti posset. Et bubitandi causā hæc erat, quia cū aui mortis tempore præcederetur à filio, suus ei auo heres dici non poterat.

Tam patri quam auo. Imo, Quàm Patri, tam auo. Nam de patre dubitari nō potuit. Itaq; locum hunc legendum arbitrarer.

Suum heredem. Enunt. i. Nepos filio substitutus agnascente postumo præterito, tã auo quã patri, quasi suus heres succedit. l. 4, & l. 5, D. con. tab. Neq; est quod nostri querant, an quis duobus simul & vno tempore suus heres esse possit? Disceptatio enim ex Iuris & æquitatis cōtentione nascitur. Nā si iuris summi subtilitatē & acerbitem spectemus, nepos auo suus dici nō potest,

test, quippe quem pater mortis aui tempore antecederet. Sed quoniā iniquā est, cum qui de liberorum numero est, qui in familia & potestate aui natus est propter istam ~~causam~~ ab hereditate remouerit, & inedia laborare: benignitas postulat, vt si minus vt suus, saltē vt quasi suus, admittatur. Cuius æquitatis simillimā superius obseruauimus in l. si quis, 9, §. 1, hoc ti. l. si quis, 6, de iniust. test. l. scripto, 7, vnde libe. Neque obstat quod quāuis in extraneis heredibus nōdū quæsitā hereditas ad heredes eorū nō trāsmittatur, l. 3, & l. quoniam, C. de iur. delib. tamen in filiis sã. transmittitur. l. vn. C. qui ant. ap. tab. præsertim cum in suis heredibus aditio non sit necessaria. Cum etiā eos quorum in potestate sunt, heredes sine aditione faciāt. l. qui in aliena, 6, §. 3, De acq. hered. Nā vt illud omittamus, quod iā ante monuimus, à Theodosio nouū illud ius in troductū fuisse: respondendū est, hereditatē in hac causā propter incertū & ventris & testamenti euentū pependisse: ac propterea ne filio. quidē. familias acquiri potuisse. nā ex testati causā nō potuit: quippe cum propter postumi nascituri spem, de quo benè ominandū erat, testamentū penderet: neq; secūdū tabulās peti possessiō posset. ex intestati autē causā, nihilo magis abortio enim cōtingere poterat, quæ testamentū nō rumpit. l. qui mortui, De verb. sig. Multo minus obstat quod dicitur vulgare. substitutionē facere de necessario voluntariū, & existentiā sui he

redis impedire. l. Julianus, D. si omiff. cauff. test. l. si filius qui patri, 12, De vul. & pupill. ac proinde non filiu hunc suu heredē aucto fuisse: sed potius neporē ipsum, idq; directō. Tū enī illi sententiae locus est, cū exitū vulgaris habet substitutio. At in hac caussa per testamētī ructionē euānit. Præterea nihil hoc ad nepotis Suitatē (de qua nunc agimus) impediendum attinet. Quod autem nonnulli verba hæc, POSTVMO NON NATO, ad insequētia referebāt, & sic interpretabātur, quasi natus re vera postumus non fuisset, mihi permirū videtur. primū, quia non satis cōsideratē Africanus in hypothesi posuisset præteritū postumū fuisse. nō enim dixit, ut Papi- nianus, VENTRE PRÆTERITO: sed, POSTVMO. Præteriti autē nō dicūtur, qui nō sunt. Deinde si postumus natus non esset, vnde tandē huic nepoti controuersia nasceretur? æquā dubitādī caussa subesset, quin ex testamēto solus hereditatē obtineret? POSTVMO AVTEM NON NATO, sic accipere, quasi dixisset, Abortione extincto, nulla ratio est.

Certum esse incipit. Quia præter filiū nemo supererat, qui testamētū sustineret: quippe cū substitutus nepos hoc casu nō esset. Quare filio moriente testamentum intercidit. At superiore casu dici hoc non poterat. supererat enim nepos, qui filio moriente testamētum sustinebat.

Ipse filius. Seq. 11, Filius qui & nepote & postumo omiffis, heres institutus ante postumi agnatio

nationem moritur, patri ab intestato successisse intelligitur. Vt iā nepos non est sua psona, sicut in superiore casu, sed ex patris psona ius querat. Cuius discriminis ratio inuestiganda est: qua de causa nepotem hunc nō vt superiorē dicamus, Auo quasi suū heredem existere, & ex xij. tab. vnā cū patruo succedere. Ergo intelligendū est, dici quidē hoc posse verissime: rā enim nepotem hunc, quā superiorē Auo quasi suū heredem esse: sed vbi directo iuri locus est: nihil opus esse ad indirectū confugere. Vsq̃ue adeo autē directo iuri locus est, hoc est, vsq̃ue adeo verū est, filium hunc ab intestato suū successisse, vt etiam si non nepotem, sed alienissimū sibi heredē haberet, tamen in eū ius suū trāsmitteret. Ius autē suū intelligimus Decreti potendi, hoc est, decretalis bonorū possessionis, cōtra tabulas: vt patet ex l. 3. D. cōtr. tab. & l. venire, 84. De acq. hered. vnde intelligitur Disceptationes istas ex iuris & æquitatis contentione nātas esse: cū ita scribitur, **NON IN INIQUUM EST**. Item, Nō est iniquū prætorē decernere heredibus eorū saluum fore cōmodum bonorū possessionis. Nō igitur filius hereditatem non aditā in nepotem hunc transmittere dicitur. Primum quia natum istud Ius Africanū tempore non erat: vt superius diximus: deinde quia quod hic dicitur de nepote, idem etiā in alienissimo locum obtinet. l. q. 271

Sicut auente. Sequitur, Filius sub potestatiua cōditione heres institutus, si non impleta 199b

ditione moriatur, patri ab intestato succedere intelligitur. l. ult. D. de cond. inst. vbi Papinianus scribit, filiū sub ea cōditione institutū, quę mortis tempore impleri non possit (siquidē substitutum non habeat) videri dū moritur, legitimū patri heredē extitisse. Quia ex Papiniani disputatione relinqui videtur, locū hunc non de quavis potestatiua generalitē intelligendū, sed restrictē de ea quę mortis tempore impleri nō potest. Quod tamen, verē vt dicā, mihi non probatur. quia cū æqui & boni ratio in hac causa dominetur, tota illa subtilitas quā dicimus dandi cōditionē a defuncto mortis tempore impletā videri, repudianda est. An nō enim in quę illa subtilitate argutari mūr, cū filius eā conditionem impleuerit, non posse videri ex intestato heredē dū moritur fuisse? Nā istę subtilitates quę heredi adiuvandorū causa excogitatae sunt, conuerti in liberorū odium nō debent. Vtravis igitur potestatiua illa conditio fuerit, filius ex æquo & bono iudicandus est legitimus heres auo fuisse, nō quidē verē & re ipsa. quia quādiu rūpi testamentū potest, non defertur ex testamēto hereditas: sed propter petēdi Decreti ius, quod cū ei competeret, ad nepotē quoque transmissum benignē iudicatur, ex d. l. 3, D. cont. tab. & l. ventre, § 4, De acq. hered. Vbi Papinianus ait, si ventre pleno sit mulier, iniquū fore interea defunctum filium heredi suo relinquere nihil, & ideo decreto filio succurrandum esse.

Lex XVII. *FLORENTINVS libro decimo Institutionum.*
 Fili etiam hoc modo exheredantur: Filius
 exheres sit. filius exheres erit: *l. si ad iocundum l. v. ad*

de leg. 2. l. 2. c. 1. COMMENTARIIVS. *l. si ad iocundum l. v. ad*
 Cum in omnibus testamenti partibus verbo-
 rum solemnium observatio summa fuit, tum verò
 vel maximè in liberorum exheredationibus, quæ
 propter odiũ semper à Iurisperitis ad exactũ
 iudiciũ reuocatae sunt. Cuius rei vel hic locus
 argumento est. Nā Vlpianus cap. Inst. xxi. For-
 mulam hanc institutionis probatam esse ait: Ille
 heres sit, pro Est o. nunc Florentinus significat
 dubitatũ fuisse, an illa exheredationis formula,
 Exheres sit, admittenda esset. Romæ autẽ ubi La-
 tinæ formulæ usurpabantur, huiusmodi dispu-
 tationibus locus fuit. At Constantinus eas in
 Græciã sustulit. l. Quoniã, C. de testam. quæ ex re
 de hac disciplina nostra, quæ non parua ex par-
 te formulis cõstitit, coniecturã facere possumus.

Lex XVIII.

VLP IATVS *libro quinquagesimo septimo*
ad edictum.

Argumentum.

Exheredatio non modo incommodandi, sed etiam commo-
 dandi causa fieri potest.

Mulci non nota causa exheredant filios, nec ut
eis obsint, sed ut eis consulant, et puta impuberi-
bus: eis que fidei commissam hereditatem dant.

COMMENTARIVS.

Vt emancipatio, sic etiam exheredatio, qua-
 rum

rum vtramque ex dōdō parentis natam constat,
benevolentiae causa fieri potest, veluti tutoris,
curatorisve perfidiae cavenda causa, si vel impu-
bes vel furiosus filius est. rogeturque heres ut he-
reditatem restituat. *Ad si patronus*, 12, §. 2, de
bon. libert.

Lex. *ON XIX.*

P A V L V S libro primo ad Vitellium.

Argumentum.

Non ut institutio, sic exheredatio in certa parte valet.

*Cum quidem filiam ex asse heredem scripsisset, fi-
lioque quē in potestate habebat, decē legasset: adie-
cit, Et in cetera parte ex heres mihi erit, & quærerēt,
an rectē exheredatus videretur; Scævola respondit,
Non videretur. & in disputando adyiciebat ideo nō
valere, quoniam nec fundi exheres esse iussus, rectē
exheredaretur, aliamque causam esse institutionis,
quā benignē acciperetur: exheredationes autem non
essent adiuvandæ.*

COMMENTARIUS.

Et in cetera. Quibus ex verbis patet, mētem
ac voluntatem testatoris eam fuisse, ut filiū ex-
heredaret. Scævolam autem formulā improba-
se, propter hanc solam adiectionem: *IN CÆTE-
RÆ PÆRTE.* quia qui in cetera parte exheredē
facit, cæteram partem in causā intestati relin-
quit: atque ita ex parte testatus, ex parte intesta-
tus decedit.

In disputando adyiciebat. Significat, opinor,
dissimilem quorundā aliorum sententiā fuisse:

qui

qui cū de testatoris mente ac voluntate constaret, maiorem eius voluntatis quā verborū & formularum rationem habendam esse disputabant. Scruola igitur contrā differebat, exheredationes contra ius naturæ & sanguinis institutiones ad exactissimum iudicium reuocandas, & quasi ad viuū refecandas esse. Vnde intelligitur, Disceptationē hanc ex iuris & æquitatis cōtentione natam esse. Nam æquitatem filia vrgebat, eandem esse disputās cōtrariorum, hoc est, institutionis & exheredationis disciplinam. Institutiones enim ex re certa factas valere. l. i. §. si ex fundo, D. de hered. instit. æquitas autē ferē ex voluntatis coniectura sumitur: de qua satis perspicuē constabat. Vnde illa regula nata est, Vt in re certa institutus, vsquequaq; institutus intelligatur. Superius autē demonstratum est, vbi de exheredatione agitur, maiore iuris summi quā æquitatis rationē haberi. l. si à primo, 8, D. de lib. & postum.

Lex XX.

Modestinus libro secundo Pandectarum.

Sub conditione filius heres institutus, si pendende conditione adrogandum se dedit, necessarius heres non erit.

COMMENTARIUS.

Disceptatio nascitur ex ambiguitate verbi, NECESSARIUS. Nam cū alter ita definisset,

Qui mortis tempore proximū in familia gradū obtinet: Arrogatus contra differebat: Imo qui delatæ hereditatis tempore. Hereditas autē sub conditione relicta non ante ipsius euentū defer tur. quo tempore nullū in familia locū institu- rus obtinet. Sic in l. scripto, 7, D. unde lib. l. si- quis, 9, §. 1, suprà eod. l. si quis, 6, D. de iniust. rupt. demonstratū est, Suū dici, vel potius quasi suū, qui delatæ hereditatis tempore proximū gradū obtinebat. Obiicitur l. 6, §. interdū, De acq. he- red. & l. filius patroni, De bon. libert. vbi filius exheredatus, ac proinde non suus (nam exhere- datio Suitatem extinguit l. 1, §. post suos, De suis & legit.) tamen propter nepotis institutionē ne- cessarius heres efficitur. Ergo intelligendū est, non vt qui suus est, idē etiam necessarius est: ita vicissim, qui necessarius est, eundē cōtinuò suū esse. Non enim hæc reciprocantur. Id quod vel ex eo apparet, quia frater fratri impuberi substi- tutus, necessarius heres ei sit. l. 3, §. ult. D. de her. inst. Cuius disputatio etsi primo aspectu nobis contraria videtur, tamen iccirco consentanea est, quia non vt hic hereditatis delatio, vsque ad conditionis euentum, sic ibi vsque ad tabularū aperturam differtur. Iam enim à mortis tempo- re hereditas delata erat. quoniā ergo duo illa tē- pora concurrunt, sicuti ab initio necessarius he- res fuit, ita etiam permansit.

Lex XXI.

POMPONIVS libro secundo ad

Quintum

*Quintum Mucium.**Argumentum.*

Posterior testatoris voluntas sequenda est.

Si filium nominatim exheredauero, & eum postea heredem instituerō, heres erit.

COMMENTARIUS.

COMMENTARIUS.

Testamentū ex postrema ipsius scriptura cēsetur: hoc est, ea demum iusta dicitur sententia voluntatis nostræ, quæ postrema reperitur: ut in definitione testamenti docuimus. Itaque siue filius ab initio exheres factus, postea heres fiat: siue contra heres ab initio factus, exheres esse iubeatur: ea testatoris voluntas cēsetur, quæ nouissima reperietur. l. si quis cum, 16, D. de vulg. l. Diu. 8, §. licet, De iure Codicill. l. si quis, 22, De legat. tertio. Disceptatio ex contrarie scriptis nata est. Cuius exemplū extat in l. si ita scriptū, 47, De hered. instit. l. Sticus, 2, D. de manumiss. test.

Lex XXII. quia L. XXIV.

TERENTIUS Clemens libro septimo decimo
ad legem Iuliam & Papiam.

Argumentum.

Postumus sub conditione institutus, si ante ipsius eventum nascatur, rumpit: sin postea, non rumpit.

Lex XXII. si prius quam nascatur, conditio exiterit: non rumpitur testamentum postumi agnationes.

Cum postumus sub conditione instituitur, si prius quam nascatur, conditio exiterit: non rumpitur testamentum postumi agnationes.

Paulus libro nona Quaestionum.

*Postuma sub conditione heres instituta, si pēden-
te conditione viuo patre nascatur, rumpit testa-
mentum.*

COMMENTARIVS.
COMMENTARIVS.

Sub conditioe. Porruita aut mixta, ponitur e-
nim ante ipsum natum accidisse.
Non rumpitur. Disceptatio nascitur ex iuris
& æquitatis contentione. Ius summum est, vt fi-
lius sub conditione foruuta institutus, nisi in e-
ius defectum exheredetur, in illum casum præ-
teritus videatur. l. 4, D. de her. instit. & l. 4, C. de
Instit. & subst. Itaque postumus hic in casum ot-
missum præteritus videbatur; sed cum eo tēpo-
re quo nascitur institutus reperitur, & alter ca-
sus iam ex rerum natura sublatus sit, æquitatis
ratio postulauit, vt pro plena hæc institutio ha-
beatur, quod illi regula consentaneum est, qua
dicebatur, Institutiones benigne interpretandas
esse. Quod cum ita sit, Exheredationum autem
contraria ratio sit, non dubitandum putarem,
quin si exheres hic postumus scriptus fuisset,
quamuis post conditionis euentum nasceretur,
testamentum rumpere: quia si in casum omissum
hoc est, in defectum conditionis, præteritus.

Postuma rumpit. Ex iure summo: quia in

casum omisſum præterita cencetur: neque, ut in ſuperiore conſultatione, casus ille omiſſus, hoc eſt, deficientis cōditionis, peremptus eſt. ut iam dici non poſſit, cum quo tempore naſcitur re- periri inſtitutam: poteſt enim casus omiſſus accidere. Ius autem hac in cauſſa iccirco ſer- uatur, quia præteritio odioſa eſt: & ſi conditio deficeret, præterita poſtuma réperierur.

Vivo patre. Hoc quorſum additum ſit, non intelligo. Nam quā idem Iuris ſit, ſi patre mor- tuo pendente conditione naſcatur, dubitandi cauſſam non video: cum eadem hic ratio, quæ in ſuperiore caſu, locum habeat.

Lex XXIII.

PAPINIANVS libro duodecimo *Quæſtionum.*

Argumentum.

Non ſi filius exheredatus iterum poſt emancipationem, vel in nepotis locum à patre arrogetur, iccirco tamen minus exhe- redatus cencetur. alia eſt enim veri patris, alia extranei adoptionis ratio.

Filio quem pater poſt emancipationem à ſe factā iterum arrogauit, exheredationem antea ſcriptam notare dixi. Num in omni ſere iure ſic obſervari con- uenit, ut veri patris adoptiuus filius nunquam in- telligatur: ne imagine nature veritas adumbratur: videlicet quod non tranſlatus, ſed redditus vi- dereorur. nec multum patet referre, quod ad propoſi- tum attinet, quod loco nepotis filium exheredatum pater arrogauit.

Antea scriptam. Cùm primum istud legi, ex Latini sermonis ratione locū sic intellexi, quasi exhereditatio ante emancipationem facta fuisset. Simul accedebat, quòd exhereditatio in emancipato res inepta videtur: item vt in extraneo. l. quidam, D. de verb. oblig. Sed postea adnauertu Vlpiānū in l. nō putauit, 8, §. Si quis emāci. D. cont. tab. locum hunc Papiniāni commemo- rantem, ita quæstionem tractare, vt exhereditatio post emancipationem facta sit. Vt cūq; autem sit, etsi Papiniāni auctoritas permagnā est, tamē hoc scrupuli subest: primū quòd filii exhereditatio, quæ inuisa & odiosa est, hoc loco interpretatione & argutiis adiuuatur, contra l. cū quidam, supra cod. Deinde quòd adoptio, quasi agnatio sui heredis, testamētum ante factum rumpit. l. 1, infrā. tit. prox. Vnde etiam extranei adoptio exheredationem ante factā extingueret. d. l. nō putauit. Tertiò, quòd si extraneo post modum arrogato nocere exhereditatio ante facta nō debet, multo minus admittēdū videtur, vt filio noceat. Sed paulò explicatius tota hæc quæstio tractanda est. Ac primum de institutione videndum: de qua & noster hic proximo §, & Scæuola in l. siqui heres, 18, infrā. tit. prox ita disputāt, vt institutio extranei in eo postea arrogato valeat. Quod meo iudicio ad similitudinē legis Velleæ admissum est. Nam cū Vellea lex eos qui nondū sui erant, sed futuri sperabātur, institui

institui permiserit: iuris similitudine inductum istud arbitror, ut institutio extranei, in eodē po-
stea Suiatē adepto valeret. Ex quo intelligitur, disceptationem hanc ex Iuris scripti & non scri-
pti contentione natam fuisse. Atque hæc quidē de institutione dicta sint: cuius dissimilē ab Ex-
heredatione esse rationē proximē dictū est, in d.l. cū quidā: ut illa benigna interpretatione adiuuetur, hæc verò quoad facultas feret, repu-
diatur. Quod Iurisconsultorum institutū supra identidē retineri vidimus. Itaq; Exheredationē in extraneo factā, eidē postea arrogato non nocere, dictum est. Sed Papiniani disputationē audiamus, Quoniā, inquit, veri patris adoptius filius nunquā intelligitur: sed iura naturalia in eo prævalent. Quibus verbis, ut opinor, significat, filio ius suum per arrogationē non redintegrari: hoc est, Suiatē integrā non recuperari: sed talē redire per arrogationem, qualis antea fuerat. Quoniam, ait, Si suiatem per hāc arrogationē adipisceretur, cōsequeretur, ut veritatē imago adūbraret: hoc est, ut fictio veritatem obrueret: quasi consentaneum non sit, eum qui natura & veritate filius est, iā nō ex natura sed ex fictione filium haberi: & suum in hac familia dici iā non ex natura, sed ex fictione: quasi potētior esset fictio, veritate. Qua disputatione, ut nihil argutius ac subtilius excogitari potest: ita difficile dictū est, non illud concludi, Filii exheredationē Papiniani interpretatione & argutiis adiuuari.

Sed

Sed redditus. Vtrum hoc significat, Eodem in statu, iure & qualitate redditus, qua in emancipationis statu erat: an potius: Non translatione in familiam filius illius familias factus, sed in pristinam & suam familiam restitutus: vt non ex nouo fictionis iure filius fa. habeatur, sed ex naturæ & veritate? Verum utroque modo, siue nouum ius filiifa. adeptus sit, siue pristinum recuperarit, tamen Suietatem integram obtinet: ac proinde apparet, eum qui suus est, quo tempore suus fuit, præteritum in testamento fuisse.

Loco nepotis. Obiectio fuit, in illud quod dixit, REDDITVM: & qualis antea fuerat talem reuersum. Cùm enim non in filii, sed in nepotis locum arrogatus esset, nõ pristinũ, sed nouum ius adeptus videbatur. Præterea si testamentum propter filiifa. præteritionem non viticaretur: ac certè vt nepos præteritus accrescendi ius haberet. In quo summam video æquitatem: Papinia ni autem subtilitate exheredationem adiuuari.

§. Si Titius.

Institutio extranei in eodẽ postea arrogato Valet. l. si qui heres, 18, infrà. tit. prox. Cuius rei æquitas superius exposita est.

LEX

XXIV.

CAPVT hoc sub l. x x i i interpretati sumus.

Lex

XXV.

PAVLVS libro duodecimo Responsorum.

Argumen

Argumentum.

Qui extraneum instituens, addit se ceteros filios exheredare, unum quem se habere scit, rectè exheredat: ceterum quæsti nescit, non rectè.

Tertius testamento heredem instituit, & filium habens sic exheredationem posuit: Ceteri omnes filij filiaque mea exheredes sunt. Paulus respondit, filium rectè exheredatum videri. postea consultus an videatur exheredatus quem pater putauit decessisse, respondit, filios & filias nominatim exheredatos proponi: de errore autem patris, qui intercessisse proponitur, apud Iudicem agi oportere.

COMMENTARIUS.

Nominatim exheredatos. Ergo hac formula Ceteri filii exheredes sunt: filii nominatim appellati videntur. at illa præcisa, Ceteri exheredes sunt: non videntur: ut in l. i. docuimus.

Apud iudicem. Apud Centumuiros: ad quos de inofficioso testamēto ager filius: quippe ciuilibus verbis exheredatus. Vt facile appareat disceptationem ex scripti & sententiæ contentione natam, iuris & æquitatis ratione amplificari. Nam ex scripto ius summum heres institutus urgebat: quæ disertis & ciuilibus verbis ritè exheredatum cōstabat: filius verò ex sententia ita pugnabat, ut eam Iuri anteponendam ex æquitatis ratione defēderet. quia testator verba Ex-

x hereda

heredationis pronuntians de illo non senserat: sed de cæteris duntaxat. Similiter Vlpianus in l. instituta, 17, D. de inoff. test. cum mater filium mortuum existimans, cum præteriiisset; tametsi matris præteritio, pro exheredatione numeretur, tamen dandam inofficiosi querelâ respōdit.

Lucius.

Argumentum.

Quem testator in utero esse putans, cum iam editus esset, heredem instituit, is cum eodem die natus esset, iure institutus est.

Lucius Titius cum suprema sua ordinaret in ciuitate, & haberet neptem ex filia pregnantem rure agentem: scripsit id quod in utero haberet, ex parte heredem, quæ cum ipsa die qua Titius ordinaret testamentum in ciuitate, hora diei sexta, eodem die abscēdere celo rure sit enixa Mauius masculum, an institutio heredis valeat, cum quo tempore scriberetur testamentum, iam edictus esset partus. Paulus respondit, verba quidem testamenti ad eum pronepotem directæ videri, qui post testamentum factum nasceretur. Sed si ut proponitur, eadem die qua testamentum factum est, neptis testatoris antequam testamentum scriberetur enixa esset, licet ignorante testatore, tamē institutionem iure factam videri, recte responderi.

COMMENTARIVS.

Neptem ex filia. De postumo ergo alieno hic igitur:

agitur: cui heredi instituto cum ius Civile decesset, bonorum possessionem Prætor addicebat. §. 1. de bon. poss.

Id quod in utero haberet. Vnde nara disceptatio est: cum scriptum hoc aduersarius vrgeret: Pronepos verò sententiam: quasi de eo partu testator sine dubio sensisset. Vt autem superiore, sic etiam hoc casu æquitatis ratione disputatio amplificatur. Nam aduersus Iuris summi & scripti argutias æquitas sententiæ & exploratæ voluntatis pugnat.

Hora diei sexta. Meridie.

Albescente calo. Prima luce. Cæsar lib. de bello civili. 1. Cæsar exploratis regionibus albente cælo omnes copias educit.

Verba quidem. Quod in utero haberet.

Eadem die. Quasi eadem dies pro momento computetur. quid igitur si eadem quidem dies fuisset, sed non naturalis, verum civilis: hoc est, enixa hæc mulier fuisset ante diluculum post sextam superioris noctis horam? Sane Paulus aliud se responsurum fuisse significat: sed cum de testatoris voluntate constet, putarem istas *hypothecas* de testandas, & vt cordatis viris indignas, repudiandas esse.

Lex. XXVIII.

Tryphoninus libro vicesimo disputationum.

Argumentum.

Filius a. pendente fortuita institutionis exheredationisque conditione decedens, heres ab intestato est.

2) Filius à patre cuius in potestate est, sub conditione qua non est in ipsius potestate, heres institutus, & in defectum conditionis exheredatus, decessit pēdente etiam tunc conditione tam institutionis quam exheredationis. dixi heredem cum ab intestato mortuum esse, quia dum viuit, neque ex testamento heres, neque exheredatus fuit. herede autem scripto ex parte filio, coheres post mortem filij institui potest.

COMMENTARIVS.

Et in defectum. Id quod necessarium fuit. l. iam dubitari, 86, D. de hered. instit. & l. 4, C. de im pub. & al. subst. vnde prima Enuntiatio sumi potest: Filiam fa. rectè sub fortuita conditione institui, si modò in eius defectum exheredetur. De potestiva vide l. 4, D. de hered. instit. De vtraq; l. libertus, 20, §. existimo, D. de bonis liber.

Ab intestato. Id est, iniustum testamentum esse: vt pote in quo non rectè exheredatus sit filius.

Dum viuit. Hoc significat: sed post mortem suam exheredatus est, quæ exheredationis formula improbatur l. 4, in fin. infra, de hered. instit. l. si ita scriptum, 13, in fin. supra eod.

Ab intestato mortuū. Sequitur, Filius fa. pēdere institutionis exheredationisue fortuitacōditione mortuus, ab intestato heres est. Disceptatio autē ex scripti & scētici cōtentione nascitur: vt intētio sit: Non rectè exheredatus est. D. Imo rectè. Q. Rectēne an secus. R. Quia iustus est exheres

res esse, si se, naus nō veniret: Ipso autē viuo nō venit. Ergo ita exheres est, quasi scriptū esset, Si eo viuo naus nō venerit. F. Imo cū tēpus nullū prāfinitum sit indefinitē intelligendum est, siue viuo, siue mortuo eo conditio deficiat. Cū igitur conditio non nisi post mortem defecerit exheredatio post mortem collata, ac proinde non rectē concepta intelligitur. Nam exheredatio non ritē concepta pro prāteritione numeratur. Nam igitur per se & simpliciter hæc instituti onis exheredationis sue formula improbat: sed ex euentu & per accidens. Nam si conditio vel moriēte filio extitisset, improbata formula fuisset. Sed in caussa positum à Tryphonino est, filium pendente conditione decessisse. Quare disputatio l. ult. D. de cond. inst. in qua agitur de conditione dandi quæ moriendi momento impleri potest, nihil ad hunc locum pertinet.

Herede autem. Hanc appendiculam ineptissimè Tribonianus reliquit. Nam ad proximam disputationem non nili casu quodam & (vt vulgo loquimur) ex incidēti pertinet. Sed cū Tryphoninus sermonem instituisse de institutionibus & exheredationibus post mortem collatis, eamque variè & copiosè tractaret, partē quoque hanc subiunxit: Quamuis neque heres quis post suam mortem institui possit: l. extraneum, C. de impub. neque heres heredi attribui, iure dī recto, & sine fidei commissio: §. ult. de pup. sublt. tamen potest quis post heredis ex parte scripti

mortem, ei coheres attribui. Quod (vť opinor) sic intelligendum est, vť filius ex sua duntaxat parte heres sit: interea tamē vniuersa hereditate fruatur: suāque partem moriens ad heredes suos transmittat. Coheredi autem sibi ascripto, partem attributā solidā relinquat. Obstat tamē quod hereditas ex die relinqui nō potest: l. hereditas, 34, D. de hered. inst. Itaque quod tū hoc loco, tum etiā in l. qui filio, 38, cod. traditur, meo iudicio ex bono & æquo contra Iuris summi rationem in testamēti fauorem receptū est: & disceptatio in hac caussa ex illo fonte deducta.

§. *Filius familias.* 1.

Argumentum.

Qui aui morte in patris delabitur potestatem, testamentū ante factum, si pręteritus fuerat, rumpit, si autē institutus, aut exheredatus nequaquam.

Filius fa. miles de castrēsi peculio fecit testamētum, habēs filiū in eiusdem potestate: cū militare desisset, patre eodēque auo defuncto: quāsitū est an rumpetur eius testamentū. Nō quidē adoptauit, neque hodie ei natus est filius, nec priore subducto de potestate suo herede, vltior successit in proximū locum: sed tamen in potestate sua habere coepit quem non habebat: simulque pater fa. factus est, & filius sub eius recidit potestatem. rumpetur ergo testamentum. sed si heres sit institutus, & exheredatus iste eius filius, non rumpitur: quia nullo circa eū nouo facto, sed ordine quodā naturali natus est potestati.

COMMENTARIUS.

Fecit testamentum. Non more militari, sed iure cōmuni, alioqui cū hic testator militare de-
fuerit, nihilominus instituto exheredatōe filio,
testamentum interci deret. Nam militare testa-
mentum paganitate rumpitur. l. quod constitut-
um, 21, & l. si filius, 33, §. sed siquidem, D. de test.
mil. In quo cū huius legis difficultas posita sit:
tamen mirum est id ab aliis omnibus obserua-
tum non fuisse.

Militare desisset. Non tantū missionem im-
petrasset, sed planè paganus factus esset. Nam
intra annū missionis militare testamentum va-
let. l. quod dicitur, 38, D. de test. mil.

An rumpetur. Propter veterem regulam, qua
dicebatur, ademptione Sui-tatis testamentum rum-
pi. cuius exēpla quinque Vlpianus exponit cap.
Inst. xxi. Agnationem, Adoptionem, In ma-
num conuersionem, Successionem in locum sui
heredis, & Manumissionem. Hic enim sexta spe-
cies proponitur: cū aui morte nepos Sui-tatem
in filii familia consequitur. sed cū hic casus rā-
rus sit, & ad castrense tantū peculium pertineat,
nulla eius propemodum ratio ducitur.

Non quidem adoptauit. Hoc quorsum perti-
neat, ingenuè fateor me nō intelligere. Nam vt
maximè adoptarit, tamen eadem adhibenda e-
rit distinctio: Vtrūne prateritus an exhereda-
tus fuerit. l. filio, 23, §. vlt. suprā cod. & l. si qui he-
res, 18, infrā tit. prox. quod idem in agnatione &
suc-

successione iuris esse, post legē quidē Velleam, nemo ignorat. Nam Suiatē adipiscens, si præteritus fuerat, rumpit: si minus non rumpit: quorsum ergo ista ratiocinatio?

Et filius sub eius. Particula hæc redundat. nam sub prima comprehensa est.

Rumpetur ergo. Quod nam hoc conclusionis genus est? quasi Suiatē adeptio testamentū ante factum omni modo rumpat: cum satis cōstet, nisi admissa præteritio sit, non rumpi.

Sed si heres. Ergo si præteritus esset, rumperet neque obstat, quod testatoris militis præteritio pro exheredatione valet: partim quia testator hic militare defuit: unde illud privilegiū cessat: partim, quia (vt superius diximus) oportet non more militari, sed iure communi testamentum hoc factum fuisse.

Si heres institutus. At in omnibus superioribus Suiatē adipiscendæ generibus, idem omnino iuris fuit.

Nulla circa eum noua factio. Genus sermonis Tryphoninicum: hoc est, hominis Græcè quam Latinè doctioris. Sed vt verba omittamus, rem spectemus: equænam ista rationis subiectio est? cum apertissimè duo noua circa eum facta constet. Nam & in potestatem testatoris venit, qui antea non erat: & Suiatē adeptus est, qui prius non habebat. Vnde Vlp. in l. si filius, 33, in fine. D. de test. mil. liquido scribit, filium hunc testatori nouū nunc primum heredem agnasci. Plus ergo

ergo noui in huius nepotis persona, quàm in eius qui successione auo suus factus est, accidit. Nam is antea in potestate & manu aui erat. Non igitur ob eam causam non rumpit, quia nihil in eius persona noui contigit: sed quia institutus reperitur, quem institutū oportuit. Deniq; vt superius in l. filio, 23, docuimus: ius istud ex similitudine legis Velleæ inductum est, vt rectè instituerentur exheredarenturue ii, qui sui heredes nondum erant: sed postea sui quoquo modo facti sunt. modos autē superius sex enumerauimus. Quanquam ecce alia tergiuersatio. Iam enim animaduerto, verba hæc CIRCA EVM, ad testatorē pertinere. Verum in hoc vis nulla est. Nā & paterfamilias factus est, qui non erat: & suum heredem habere cœpit, qui antea non habebat. Vtrocunque igitur modo, noui quid in ipsius persona factum est. Duplex autem aduersus hanc legem grauis obiectio est: quarū tamen vtranque nostri summo silentio prætereunt. Prior hæc est, quòd militare testamētum paganitate rumpitur. Altera quòd filiorumfamilie castrensi peculio testamentum ad alias res non pertinet. l. ex militari, 11, & l. miles, 12, D. de test. mil. Atque ob eam causam absurdè queri videbatur, an huius nepotis exhereditatio etiā in aui bonis valeret. Ergo respondēdum est, testamentum istud à milite quidem, sed non militari more, verū communi iure factum fuisse. cuiusmodi testamēta neque paganitate rumpun-

tur, & ad cætera bona omnia valent.

§. Si quis ex certa.

- *Hac de re superius in fine l. si quis postumos, 9, satis abundè explicatum arbitramur.*

§. Si quis eo.

Argumentum.

- Nasciturus ex ea quæ testamenti tempore testatoris vxor esse non poterat, sed ut aliquando posset spes erat, rectè instituitur.

Si quis eo tempore quo nondum eius vxor esse posset, testator natum ex ea scripsit heredem: an postea contracto licito matrimonio natus, heres ex testamento esse possit, queritur: veluti si scribas hodie heredem, qui tibi ex Titia natus erit: quando Titia ancilla, vel minor annis viginti quinque ea cuius pater tuus tutelam administravit, aut tutor tu ipse fuisti. Postea Titia vxor iusta tibi fuerit, vel libertatem adeptæ, aut tempore annorum viginti quinque, & utilis anni, & rationū allegatione: an natus heres esse possit? nemo certè dubitabit, ex Titia quæ tunc propter tenorem ætatis vxor duci non potuit, quando testamentum fiebat, natum postea ea vxore ducta, heredem esse posse. Et generaliter nato post testamentum herede scripto, aditus est ad hereditatem, in qualicunque statu testamenti faciendi tempore fuit, quæ postea testatori civiliter nupta est.

Natum ex ea. Pro, Nasciturum. De postumis intelligit, vtriusque generis: sed præsertim de Velleianis.

Tempore annorum. Vide l. si patris, 6, C. de interd. mat. l. non est, 66, D. de ritu nupt.

Usus anni. Quo in integrum restitutio peti potest.

Tenorem ætatis. Tryphoninica locutio, pro, Teneritatem ætatis.

Heredem esse. Disceptatio ex scripto & sententia nata est. Scriptum erat ex illo Iuriscōs. placito: de quo in l. 4, suprà eod. Ius est omni masculo, postumum suum heredem instituere, siue is maritus sit, siue nondum vxorem duxerit. Nam hanc particulam, Nondum vxorem duxerit, ita interpretabantur, Quam tum habere in matrimonio potuisset. Aduersarii contrà, quòd indefinitè scriptum erat, indefinitè accipiendū disputabant.

§. Quid autem.

Argumentum.

Partes pluribus postumis attributæ, vni agnato debentur omnes.

Quid autem si filium post testamentum natum ex bessè, filiam autem post testamentum natam ex triente scripsit heredem, nec vllum coheredem dedit nec substituit inuicem alium? vnus natus solus ex testamento fit heres.

Post testamentum natum. Pro Nasciturum, ut suprà prox. §. Sed absurdum est hanc quaestionem ita iciunè atque exciliter tractare. quapropter coniungenda erit l. Clemens, 81, D. de hered. instit. Porro illud perauulgatum est, cum qui certæ rei heres instituitur, coherede nō dato, bonorum omnium hereditatem obtinere. l. coheredi, 41, D. de vulg. subst.

Nec ullum coheredem. Quod videtur propter Iuliani disputationem adiunxisse: de qua in l. si ita scriptum, 13, suprà cod. Tum enim vno agnato postumo, tamen as expletus est.

Lex Gallus, XXIX.

HVIVS l. interpretationem in commentario sex legum obscurissimarum posuimus: quem commentarium idem hic Typographus edidit.

Lex XXX.

GAIVS libro septimo decimo ad
Edictum provinciale.

Argumentum.

Filii, qui in potestate est, præteritio testamentum vitiat.

Inter

Inter cetera, quæ ad ordinanda testamenta necessario desiderantur, principale ius est de liberis heredibus instituendis vel exheredandis: ne præteritis istis rumpatur testamentum. nanque filio qui in potestate est præterito, inutile est testamentum.

COMMENTARIUS.

Rumpatur. Imo, Vitietur. vt l. 1, infrà tit. prox. Verum hæ verborum proprietates disciplinæ causâ obseruantur. §. 3, Quib. mod. test. inf. sed quæri potest cum ipso iure heredes sint, quorsum ita præcisè exigatur, vt à patre instituantur. Respondendum est, Ius istud à Iurisconsultis inductum fuisse: qui obliuione præteritos filios interpretabantur.

Qui in potestate. At emancipati præteriti iure Ciuili poterant, prætor tamen eis præteritis bonorum possessionem contra tabulas detulit: Exheredatis non detulit. l. non putauit, 8, D. cõt. tab. sed inofficiosi querelam reliquit. l. si post mortem, 10, §. Exheredati. cod.

Lex XXXI.

PAVLVS libro secundo ad Sabinum.

Argumentum.

Filii captiui præterito testamentum rumpit.

Dum apud hostes est filius, pater iure fecit testamentum, & rectè eum præterit: cum si in potestate esset filius, nihil ualiturum esset testamentum.

Cautius est filium, quamuis hostium seruum, instituire, aut exheredare. Nam si ibi decedat, nihil ea res nocet. sin redeat, præteritus rumpe- ret. l. illa institutio, 32, §. D. de here. inst. l. si quis, 9, §. 1, suprâ eod. l. si quis, 6, §. sed si pater, infrâ tit. 1.

Lex vlt.

MARCIANVS libro secundo Regularum.

Argumentum.

Si suus exheredato emancipato prætereatur, frustra contra tabulas petetur: sed vterque ab intestato venit.

Si filio emancipato exheredato, is qui in potestate est præteritus sit: ipse quidem emancipatus si contra tabulas petat, nihil agit; ab intestato autem & suus & emancipatus venit.

COMMENTARIVS.

Nihil agit. Quia eius testamenti in quo suus præteritus est, tabulæ nullæ sunt. Contra tabulas autem quæ datur, datur contra testamen- tum, contra lignum.

Ab intestato. Vnde liberi: vt Vlpianus hanc eandem causam tractans, scribit in l. 1, §. vlt. D. vnde lib. vbi causam ascribit; quasi nullas pa- ter tabulas reliquisset. Vnde intelligitur Disce- ptationem ex contrariè scriptis natam esse: quo- rum alterum est, Emancipato, exheredato que

relam inofficiosi dari. l. si post mortem, 10, §. exheredati, D. contr. tab. Alterum, Eius nullas esse tabulas qui suum heredem præterierit. Quod autem ex hac l. & d. §. ult. l. 1, D. secund. tab. nonnulli arguantur, clausulam contra tab. ad rescindendum tantummodo testamentum valere, ad bonorum autem possessionem petendam non valere, sed ex clausula Vnde liberi, cam peti: planè nugatorium est. Nam & ex decem clausulis quibus bonorum possessio conceditur, Contra tabulas, secunda est: & Vnde liberi, ex causa intestati datur: illa ex testati. Denique hæc nunquam nisi cum testamenti tabulæ nullæ sunt, conceditur: vt Rubrica ipsa denuntiat. & Vlp. in l. 1, §. 1, D. Vnde lib. sic loquitur: Ita posse cam bonorum possessionem competere, si neque secundum tabulas, neque contra tabulas bonorum possessio agnita sit. Neque aduersatur l. filium, 20, D. cont. tab. quasi qui emancipatus præteritus clausula contra tabulas satis tutus esset, tamè ex clausula Vnde liberi possessionem petat. Nam Iulianus non in emancipati gratiam id induxit, cui satis per cōtra tabulas cautum erat: sed contra iuris summi rationem ex æquo & bono in filii fauorem ita disputauit: ne (vt ipse ait) testamentum per omnia irritum, ad solam exheredationis notam profecisse videatur.

*Errata grauiora sic corrigito. nam leniora qua
innumerabilia sunt omisimus.*

Pag. 11. partem aliquam exegerit. pag. 13. x. xii. l. horis. Kal. pro. post sex-
tam. pag. 14. Imo ratum & iustum est. pag. 15. testamento facto contingēs.
pag. 20. Deportatio caput minuit. pag. 21. secus existimandum sit. pag. 31.
Estat autem. pag. 34. particula illa a Geo indicari videtur. Supetiora autē.
pag. 35. vbi docetur. regulam. pag. 51. relinqui poterat. pag. 59. Cuiusmodi
alienationes. pag. 61. in testiu in conditione mutationem vitiarentur. in
ceteris admittetetur. pag. 62. signo siue sculptura. pag. 68. vbi tamen Vlpia-
nus. pag. 98. interpretatione non adiuuari. pag. 107. nonnulli ex antiquis.
pag. 109. in eorum gradu versatur. pag. 112. gradu praecessit. pa. 119. de caus-
sis non possint. pag. 131. nominatim filium appellari. vulgaram notam.
pag. 113. Cassiani aequitatem. pag. 135. vxori suae causisse. pag. 136. repudian-
tis filio. pag. 137. illic legatarium. pag. 119. attriburo. qui partem. ad Geo-
metricam. pag. 140. reperienda institutum obseruare. pag. 141. filiz. 4. po-
stumo. 3. pag. 159. difficile dictu est. pag. 165. si se viuo nauis.

